

Serat Tuntunan Padalangan.

RINGKESAN LAMPAHAN RINGGIT 20 WARNI

Djilid : V.

INGKANG NGIMPUN

M. Ng. Najawirangka al. Atmatjendana

GURU PASINAON PADALANGAN PAHEMAN

RADYAPUSTAKA UTAWI KASENIAN

KRATON ING SURAKARTA

TJAP-TJAPAN INKGANG KAPISAN.



A handwritten signature in black ink, appearing to read 'S. Hardj.' with a flourish.

INGKANG NGEDALAKEN :

TJABANG BAGIAN BAHASA JOGJAKARTA

DJAWATAN KEBUDAJAAN, KEMENTERIAN P.P. dan K.

PURWAKA.

Serat Tuntunan Padalangan anggitan Najawirangkan djilid I dumugi IV sampun kawedalaken marambah-rambah, sampun sumebar ing saindenging Nuswantara. Tjabang Bagian Bahasa Djawatan Kebudayaan Kementerian P.P. dan K. ing Ngajogjakarta sanget bingah, déné sapunika katàh sadèrèk ingkang sami marsudi kawruh padalangan, djalaran punika mratijhnani, bilih ugi kagunan punika sampun wiwit mekar malih.

Salebeting djaman pambangunan punika asring kapiireng, bilih panggula-wentahing watak prelu saha kedah kawigatosaken, margi saking wuru ing kamardikan, katàh lelampahan-lelampahan ingkang njimpang saking anggering kasusilan, kadosta : setya ing djandji, tumemen ing damel, djudjur lan sapiturutipun. Memalaning gesang bebrajan ingkang kados makaten punika kedah kaudi sagedipun sirna. Wondéné salah satunggaling patrap ingkang saé saha gampil kaetjakaken tur njenengaken punika tetinggalan ringgit (wajang). Lelampahan ringgit kénging kaisénan piwulang warni-warni, ingkang saged mbangun wataking manungsa. Amila saja katàh kawruhipun Ki Dalang ing bab lampahan ringgit, inggih saja kobèt anggènipun badé nglebetaken piwulang.

Awit saking punika Tjabang Bagian Bahasa ladjeng ngedalaken **Serat Tuntunan Padalangan djilid V** punika ingkang isi ringkesan lampahan ringgit 20 warni, ugi dapukan Najawirangkan. Wontenipun namung kawudjudaken balungan, djalaran tjaking pakeliran sampun kawrat djangkep wonten ing djilid I dumugi IV. Urut-urutaning lampahan boten kadamel runtut manut wekdalipun (chronologisch), nanging manut gilir gumantosipun kawajangaken déning djuru pangimpun wiwit ndalang sapisan. Punika sampun dados pamundutipun. Tjabang Bagian Bahasa boten kawratan minangkani pamundutipun punika, djer ndalang makaten namung mendet salampahan-salampahan.

Saladjengipun amrih tjetanipun saha supados sageda nengsemaken para ingkang sami kasdu ngagem serat punika, saben lampahan rinengga ing gambar adegan ingkang dados underaning tjarijos.

Wasana mugé Serat Tuntunan Padalangan djilid V punika ugi sageda dados tjetjepenganipun para ingkang sami marsudi kawruh padalangan, langkung-langkung para siswa-dalang. Nuwun.

Jogjakarta, 1 Djuli 1958.

Pd. Pemimpin Tjabang Bagian Bahasa,

S. Prawiraatmadja

Punika serat lampahan ringgit Purwa tjekakan, namung gending suluk ingkang dipun-manah prelu tuwin uruting adegan ingkang prajogi pakeliranipun.

Nèm-sepuhing lampahan boter urut, saha tjaruban, lampahan baku, tjarangan, tjarang-dinapur tuwin lampahan saloka. Namung urut lampahan ingkang kula keliraken, miturut piwulang Radyapustaka ingkang kula sinau; samangké saweg 20 lampahan, manawi saged kasembadan kirang-langkung 50 lampahan, badé dipun ladjengaken.

Déné tjara anggèn kula njerati punika, manawi kula badé ndalang namung kula tjatet tjekakan; sasampuning kula lampahaken, ladjeng kula serat djangkep kados serat pratélan lampahan punika.

Makaten malih anggèn kula ngedalaken serat punika saking kerep dipuntakèni para ingkang sampun sami sinau ndalang tuwin sampun tumindak ndalang nanging dèrèng lebda anggènipun pados lampahan ingkang badé dipun tindakaken, punika taksih boten gampang. Serat pakem lampahan ingkang sampun wonten punika taksih wonten ingkang kedah dipun-tata prajogining pakeliranipun, makaten wau tumrap ingkang sinau ndalang, (dèrèng lebda) punika mbetahaken

Manawi wonten sadèrèk ndalang ingkang panggalih boten kadugi kados tjak-tjakaning gending punika, ingkang dipun-anggé namung mirid adeganipun kémawon, déné tjak-tjakaning ndalang, kados adatipun manawi ndalang kémawon, inggih masa borong.

Wasana pangadjeng-adjeng kula serat punika wontena paédahipun, dateng ingkang sabu anggalih kawruh padalangan ringgit purwa.

Surakarta, 15 Februari 1958.

Pun

Najawirangka.

Pindaian ini untuk studi wayang dan tidak untuk tujuan komersial / tidak diperdagangkan.

Pindaian ini adalah salah satu hasil kegiatan
Konservasi / melestarikan Kepustakaan Wayang terbitan lama.

Kegiatan nir laba / non komersial dari perorangan sukarelawan di persaudaraan masyarakat wayang Indonesia, dengan cara memindah rekam dari bentuk kepustakaan tercetak di kertas menjadi bentuk kepustakaan digital , dengan tujuan :

1. Melestarikan kepustakaan wayang, agar tersimpan lebih lama, disimpan lebih ringkas tanpa mengurangi isi kepustakaan, penyimpanan dengan cara lebih mudah (tidak memerlukan kondisi penyimpanan yang rumit), memungkinkan dibaca dari jarak jauh / tempat yang berbeda.
2. Persiapan isi “ Perpustakaan Digital Terbuka tentang Wayang “ (“ Wayang Digitized Open Library “) yang mungkin terwujud di kelak kemudian hari.
3. Memudahkan atau lebih memungkinkan siapapun bisa membaca kepustakaan tersebut.

Untuk mengetahui judul kepustakaan lain yang sudah di-konservasi, silakan kunjungi laman-laman :

<http://wayangpustaka.wordpress.com> atau

<http://wayangpustaka02.wordpress.com> atau

Facebook : <http://www.facebook/pages/Wayang-Purwa-Buku/82972305747>

Sangat diharapkan peran serta Anda dalam kegiatan konservasi ini. Petunjuk untuk berperan serta silakan kunjungi halaman :

<http://wayangpustaka.wordpress.com/konservasi-kepustakaan-wayang/>

Konservasi saat ini adalah :

Nama buku : “ **SERAT TUNTUNAN PADALANGAN Jilid V. Ringkesan Lampahan Ringgit 20 Warni.** “

Nama pengarang : **M. Ng. Najawirangka alias Atmatjendana. Guru pasinaon padalangan Paheman Radyapustaka utawi kasenian Kraton ing Surakarta.**

Nama Penerbit : **Tjabang Bagian Bahasa Jogjakarta, Djawatan Kebudayaan, Kementerian P.P dan K. 1955 = cetakan pertama.**

Ketersediaan kepustakaan untuk dikonservasi diusahakan oleh :
Budi Adi Soewirjo.

Dikonservasi di dan pada tanggal : **Denpasar, Juli 2014.**

Dikonservasi oleh : **Budi Adi Soewirjo, blog wayangpustaka, blog wayangpustaka02 .**

Silakan kunjungi juga blog **Paguyuban Pecinta Wayang** untuk mengetahui konservasi file audio video pakeliran wayang :

<http://www.wayangprabu.com>

1. LAMPAHAN KRESNA-KEMBANG.

Wiwit saking talu TJUTJURBAWUK gending rebab, ketuk 2, kerep, kenong 3 (4 gong) minggah PARE-ANOM ketuk 4, kaladjengaken ladrang SRIKATON, dawah katawang SUKMA-ILANG, katerusaken AJAK-AJAKAN MANJURA, SREPEGAN dados SAMPAK.

I. KRAWITAN gending rebab, ketuk 4, kerep, kenong 1 (2 gong) minggah LADRANGAN.

1. Djedjer ing nagari Kumbina Prabu Bismaka, ingkang ngadep putra R. Rukmara tuwin Patih Djajatilarsa lan parekan.
Katjarita sang Prabu arsa mangun bodja-wiwaha, ingkang den unggar-unggar ing karja putri nata kakasih dèwi Rukmini, kagadang daup kalijan Pandita Durna, ingkang mbawahi Prabu Kurupati.
Ing pagedongan Sang Nata Kumbina sampun njedahi ingkang putra ratu ing Mandura tuwin Narendra ing Ngamarta.

Suwuking gending patet nem ageng ladjeng :
ada-ada Girisa.

Ginem.

Andangu putra dènnja kautus njedahi Sri Nata Mandura kalijan Sang Nata ing Ngamarta.

Sendon pananggalan, ladjeng ajak-ajakan dados srepegan, Patih mandap medal mariksa kang dadya gitaning paséwakan, sawusing nampèni aturing mantri ladjeng wangsul ing ngabyantara Nata.

Suwuking ajak-ajakan tanpa patetan unduring parekan.

Patet nem djugag.

Patih kalijan R. Rukmara medal ngaturi Prabu Puntadéwa sakadangipun.

Ladrang MANGU.

Mlebetipun Sri Puntadéwa sakadang.

Suwuk patet nem wantah.

Ginem.

Para tamu masrahaken pasumbang, sarta bab pasanggiri. Dèwi Rukmini purun daup kalijan Pandita Durna manawi saged mbatang sadjatining djalu sadjatining wanita.

R. Rukmara kinèn ngundangaken pasanggiri dateng bawah patang pamantjad, sanadyan trahing pidak pedurakan tjèkèl mungganging balé, loro sa-udon telu sa-urupan, angger saged mbatang ladjeng dipun daupaken. Ajak-ajakan nem.

Sang Nata Kumbina djengkar ngadaton kalijan Prabu Darmakusuma, kèndel ing gapura ajak-ajakan kasirep tjèngkok Pandjangmas.

Suwuk tanpa suluk.

Unduring parekan (paring uninga Prameswari) suluk patet nem djugag.

II. TITIPATI, gending rebab, ketuk 2, kerep, kenong 3 (4 gong) minggah ketuk 4.

2. Adeg ing kadaton Kumbina, pramèswari Nata dèwi Angrumbini, ingkang ngadep putra-putri dèwi Rukmini, kalijan emban tjèti pawongan. Konduripun sang Nata sami metuk.

Suwuking gending patet nem wantah.

Ginem.

Dangunipun siniwaka, saha Sang Nata andawuhaken undang-undang, pasanggiri (ambatang sadjatining djalu sadjatining wanita) pasrah damel dateng Nata ing Ngamarta, utawi andangu dateng dèwi Rukmini sagedé tembung kang dèn-anggé pasanggiri, dèwi Rukmini boten saged mangsuli ladjeng késah, gja tedak budjana.

Dipun-suluki sendon Kloloran.

III. KEDATON-BENTAR, gending rebab dipun bukani gendèr, 2 kerep, kenong 3 (4 Gong) minggah KETUK 4.

3. Adeg pasowanan djawi R. Arja Brataséna, R. Pintèn, R. Tangsèn R. Rukmara saha patih Djatilarsa.

Suwuking gending sesegan ladjeng ada-ada Girisa.

Ginem.

Dawuhipun sang Nata, R. Rukmara kinèn ngundangaken sajembara dateng bawah patang pamantjad, R. Brataséna dipun-aturi masanggrahan. Patih Djajatilarsa nalja medal, dawuh undang tata-tata.

Ada-ada Asta-kuswala raras barang saking laras wilahan nem.

Patih wangsul ing ngarsa.

Ada-ada Asta-kuswala raras barang miring saking laras wilahan tengah.

Patih dawuh bidalan.

Ada-ada budalan Mataraman.

Lantjaran WRAHATBALA, gending Gendèr.

Bidal kapalan, rampunging prampogan ngrata margi.

Suluk patet Keçu.

IV. BUDJANGGA, gending rebab, ketuk 4, kerep, kenong 3 (4 Gong), minggah KETUK 8.

4. Adeg ing pasanggrahan Mandalatjala, prabu Djajapitana, ingkang lenggah satata ing palowanu Dhangjang Durna, ingkang ngadep Patih arja Sangkuni, R. arja Kartamarma, parekan kalih.

Ing pagedongan sang Nata sampun utusan dateng nagari Kumbina miterang dinten tamtuning damel, mila tansah ngadjeng-adjeng. Patih arja Sangkuni ingkang kautus, dupi prapta ladju hamareg ngabjantara Nata.

Suwuking gending patet Lasem.

Ginem.

Arja Sangkuni lapur dènnja kautus anerangaken damel, saha ngaturaken pasang-giripun dèwi Rukmini, purun djatukrama kalijan

Pandita Durna manawi sagah narbuka sadjatining djalu sadjatining wanita. Danghjang Durna sagah narbuka, gampil kémawon; Sang Nata dawuh biḍal mring pradja Kumbina, gja djengkar.

5. Ing tratag pasowanan djawi, R. Arja Dursasana lan para ari Kurawa, datengipun Patih arja Sangkuni andawuhaken karsaning sang Nata, pangantèn ngarak mring Kumbina, ladjeng biḍal.

Srepegan suwuk paṭet Lindur.

Sasampunipun katjaritakaken, ladjeng paṭet sanga wantah.

V. GANDAKUSUMA, gending rebab, ketuk 2, kerep, kenong 1 (2 Gong) minggah Ladrang GANDASULI.

6. Adeg ing pratapan Saptarga, sang Resi Abjasa, kaadep wajah R. Pamadi, prapat punakawan Lurah Semar. Nala Garèng tuwin Pétruk, kaadep tjantrik.

Suwuking gending paṭet sanga ngelik.

Ginem.

Radèn Pamadi panggalih kalangkung ngrudatos, awit tinilar para kadang Pandawa, djagong mring pradja Kumbina.

Nanging winetja Sang Resi, arsa tinimbalan mring Kumbina, awit Prabu Bismaka boten kalampahan mantu manawi Radèn Pamadi boten wonten. Ènggar tyasnja Sang Ardjuna, gja pamit mantuk mring Ngamarta, pamitan ladjeng biḍal kaḍèrèkaken parepat punakawan.

VI. Lantjaran EMBAT-EMBAT PENDJALIN, gending kendang.

7. Adeg ing samadyaning wana, Raseksa-raseksi.

Suwuking gending sesegan ladjeng Ada-ada greget saut.

Ginem.

Raseksi motah ing prija, njidam getih daging manungsa kang bagus. Raseksa mituruti ngupaja, gja biḍal nungsung ganda.

Srepegan dados Ajak-ajakan.

Radèn Ardjuna ingkang kèndel néndra ing ngandaping mandira, tinangga prepat tiga; praptané Raseksa, dupi arsa nubruk, R. Ardjuna wungu, dados prang (kembang), Raseksa pedjah, Raseksi béla inggih pedjah, babar Sang Hyang Kamadjaja, Baṭari Ratih.

Ginem.

Radèn Pamadi winetja dènnja mantu Nata ing Kumbina datan kalampahan jèn Sang Ardjuna datan prapta, lan winarah djatiné kang mangèndra-djala, dadya pepetenging kraton Kumbina, Widadari-widadari gja pamit angahjangan.

Paṭet sendon bimanju terus Ajak-ajakan.

Radèn Ardjuna kalijan prepat punakawan ladjeng biḍal mring Ngamarta. Sigeg.

VII. GAMBIR-SAWIT, gending rebab, ketuk 2, kerep, kenong 3 (4 Gong), minggah ketuk 4.

8. Adeg pesanggrahan Turi-rekta (Kisma-rekta) salebeting pradja Kumbina, Radèn Narajana lenggah kalijan ingkang raji Retna dèwi Brata-djaja, kaadep R. Udawa.

Ing pagedongan Radèn Narajana murina kadang Dèwi Rukmini, dènnja badé kadaupaken kalijan Pandita Durna, dadya rinasuk pri-jangga, kinèn bebana narbuka sadjatining djalu sadjatining wanuta.

Suwuking gending patet sanga wantah.

Ginem.

Retna Bratadaja pitakèn sarta anggenahaken dènnja dèrèng kalebetaken dateng Kraton Kumbina, manawi dalu tansah katilar késah.

Radèn Narajana kawedaka dènnja saba Pura, Dèwi Bratadaja nulja pinondong dèn-emban ladjeng saré, Udawa kinèn tengga pasanggrahan ; Radèn Narajana gja biḍal mahawan ing gegana, iumebet mring kradèn-ajon Kumbina. Sigeg.

VIII. KENTJENG-BARON, gending rebab, ketuk 2, kenong 3 (4 Gong) minggah KETUK 4.

9. Adeg ing Kumbina Prabu Bismaka mungging Sitinggil, manggihi Prabu Puntadéwa, Radèn Arja Brataséna, R. Pintèn, Radèn Tangsén, ingkang ngaḍep Radèn Rukmara.

Katjarita R. Rukmara sapraptanira saking ngundangaken sajembara ladjeng humareg ingkang rama.

Suwuking gending patet sanga wantah.

Ginem.

Sang Nata Kumbina wus ten darbé manah kalih, amung badé anuhoni sajembara.

Kasaru pangantèn Ngastina Danghjang Durna prapta, dènirid Sri Djajapitana, kadèrèkaken Patih Arja Sangkuni mjang Kurawa.

Ginem.

Narbuka pasanggiri tembung sadjatining djalu sadjatining wanita (pambatangipun sadjatining lanang : buntet, sadjatining wadon : bolong), dipun-anggep leres.


Sci Puntadéwa dipun-tantuni kumambang, mbokmanawi inggih leres, Pandita Durna ladjeng kèrid mandjing Kadaton déning R. Rukmara, dipun-panggihaken.

IX. Ladrang GONDJANG-GANDJING.

10. Adeg ing Prabasujasa Kumbina, Pramèsware Nata Dèwi Angrumbini, kaaḍep putri Nata Dèwi Fukmini mjang parekan.

Katjarita Pramèsware mjarsa warta, jèn pangantèn saking Ngastina wus prapta, déné dèwi Rukmini namung tansah ngadjeng-adjeng ingkang raka Radèn Narajana déné dèrèng prapta-prapta.

Katungka sowanipun Radèn Rukmara.



Radèn Narajana dipun tjepeng Radèn Premadi.

Suwuk patet sanga wantah.

Ginem.

Radèn Rukmara kautus andawuhaken paring uninga ing samangké pasanggiri sampun kabatang, mila Dyah Rukmini ladjeng kapaésana, Pandita Durna sampun kèrid ladjeng kadaupna pisan. Retna Rukmini ladju mundur mring Kraèn-ajon sarwi udrasa. Pandita Durna ingkang kinèn kèndel ing djawi, ladjeng nusul, kasasar-sasar dateng pawon.

X. Ladrang PANGKUR.

11. Adeg ing Kradèn-ajon Dèwi Rukmini kalijan Radèn Narajana ingkang tansah pepasiban.

Suwuking gending patet sanga wantah.

Ginem.

Pangantèn ing Ngastina wus prapta, sarta sajembara wus katarbuka, ladjeng badé kadaupaken.

Pandita Durna prapta anèng djawi sarwi ngungrum, Retna Rukmini kinèn mapag.

Nulja Radèn Narajana tiwikrama warna Raseksa, Pandita Durna saha Radèn Rukmara pinapag sami kagum-kagum, lumadjeng mring pandapa, terus ing sitinggil.

Patet Manjura wantah.

(Ingkang tanpa gending manawi sereng : sampak, manawi sarèh : ajak-ajakan).

XI. PUTJUNG, gending rebab dipun-bukani tjeluk, ketuk 2, kerep, kenong 3 (4 Gong) minggah. ESEĞ-ESEĞ KETUK 4.

12. Adeg ing Siti bentar, para Nata satrija pepak, mjang Patih Arja Sangkuni.

Ginem.

Ngrasè dènnja sami kalegan ing galih, kalijan abudjana nginum. Katungka praptanipun Pandita Durna lumadjeng kapiandem, angruki pangkonipun Nata Ngastina, sawusing matur ladjeng rembag njepeng brahala, Sri Kumbina wus pasrah mring Prabu Djajapitana, andum damel lawan Sri Puntadéwa sakadang, nulja mandjing Kraèn-ajon.

Kurawa mengsah sami kagum-kagum, nunten prabu Kurupati nimbali Narèndra Ngamarta, kinèn njepeng Brahala.

Prabu Puntadéwa njepeng brahala atindak rahaju, brahala andjetung ladjeng ngésahi. Sigeg.

Ingkang wonten Bradjanala-kidul R. Brataséna, mjarsa alok ing djanna jèn Sri Puntadéwa pinangan brahala, gja mandjing pura kapapag brahala, prang banting-binanting, brahala binanting itjal; taneman ing patamanan binedolan dènnja madosi brahala, nunten pinanggih Sri Ngamarta taksih rahardja.

Prabu Djajapitana manggihi Sri Puntadéwa dèn-sereg risaking taneman ing patamanan, mundut dèndan, kadenangan R. Brataséna, Sri Ngastina élik.

Naréndra Kumbina ingkang wonten ing Sitinggil, para Nata satrija pepak, Sri Kurupati lapur dènnja njepeng brahala, Brataséna ingkang andjadjaruhi brahala itjal, ladjeng nginten ingkang karja gora-goda punika Radèn Pamadi, mula dipun-teda datengipun.

Sri Puntadéwa sagah andatengaken, ladjeng matak adji pameling, sanalika Radèn Pamadi prapta, sarta sagah njepeng brahala (Duratmaka).

13. Adeg ing Kradèn-ajon, R. Narajana akalijan dèwi Rukmini, ingkang tansah pepasihan.

Ginem.

Dèwi Rukmini sandéjaning panggalih jèn dangu wonten Kradèn-ajon badé boten prajogi kadadosanipun, nanging R. Narajana datan pisan darbé kuwatos, awit sadaja tijang ingkang wonten ing Kumbina datan wonten ingkang dipun adjrihi.

Kasaru Radèn Pamadi nguwuh saking djawi, dadya prang lan Radèn Narajana, sami ngaben pangabaran, wekasan R. Narajana kadjoði pinusara, kalapuraken Sri Kurupati, R. Narajana lingsem dipun-kèn medjahi kémawon, sadèrèngipun pinedjahan, R. Narajana meling kinèn ngopèni kang wonten Pasanggrahan Kismarekta, ladjeng sinuduk, R. Narajana palastra, lajon binasmi, dyan Pamadi ladju mring Kismarekta.

14. Adeg Sri Djajapitana lan kadang Kurawa, dawuh anggròpjok ngukup ingkang wonten pasanggrahan Kismarekta, dyan Kartamarma sandika ladjeng bidal.

XII. Ladrang ÉLING-ÉLING.

15. Adeg ing pasanggrahan Kismarekta, Dèwi Bratadjaja kaadep R. Udawa lan pawongan.

Katjarita R. Narajana wus kalih ari datan prapta.

Suwuk sendon Sastradatan.

Ginem.

Sang Dèwi Bratadjaja paring pasemon dateng R. Udawa, sédané R. Narajana, kawadaka dènnja lambangsari kalawan Dèwi Rukmini. Katungka praptanira Kurawa Ngastina andjarah pasanggrahan Kismarekta, pinagolan dèning Radèn Udawa prang kalijan udrasa, Kurawa kesor; saunduring kurawa, R. Ardjuna prapta. R. Udawa ngrungkebi kalawan udrasa. R. Udawa djinarwa bilih R. Narajana datan séda, malah badé kaðaupaken kalijan dèwi Rukmini, dawuhing Nata Kumbina, Udawa kinèn sowan mring Nata Mandura, paring uninga sarta angènggalaken rawuhipun prabu Baladéwa; R. Udawa matur sandika ladjeng bidal, Radèn Pamadi mandjing pasanggrahan.

16. Ing salebeting pasanggrahan Kismarekta Retna Bratadjaja kaadep emban, gja praptané Radèn Pamadi.

Ginem.

Arsa ambojong Rara Ireng, wekasan malah dyan Ardjuna pinusara kanggé gantosani, awit tinanja : R. Narajana pinedjahan djalaran lambangsari kalijan Rukmini ; Rukmini dèrèng pinedjahan, ladjeng dipun-ladosaken mring Nata Kumbina, bidal.

Sigeg.

XIII. Ladrang KANĀ - MANJURA.

17. Adeg Pasanggrahan Randugumbala. Prabu Baladéwa, kaaḍep Patih Pragota. Praptanipun R. Udawa.

Suwuk paṭet manjura wantah.

Ginem.

Udawa ngaturi uninga baḍé ḍaupipun R. Narajana kalijan Dèwi Rukmini ; ḍawuhing Sri Kumbina, Prabu Baladéwa dipun-aturi énggal rawuh ing Kumbina. Udawa dinangu kang tengga pasanggrahan Kisnarekta ; winangsulan Radèn Pamadi ; Sri Mandura duka, Udawa tinapuk sarwi ngandika : kowé diblituk. Nulja gegantjangan bidal mring Kumbina.

Adeg Sang Nata Kumbina kaaḍep R. Rukmara.

Ginem.

Ngraosaken lelampahan ingkang nembé kalampahan tuwin andangu samangké kadiparan.

Katungka praptanira Radèn Pamadi pinusara déning wara Sumbadra ; sawusing dinangu karananira, nulja ḍinawuhan ambélak-aken

Dèwi Rukmini, gia mandiing puri. Ing Datulaja kapanggih Pramèsvari lan Dèwi Rukmini ; Dèwi Rukmini mandiing Kradèng-ajon arsa suduk sarira, sinahut déning Radèn Narajana.

Sang Ardjuna uninga, gia monḍong Dèwi Bratadiaja.

Ing pandapi agung Sri Bismaka manggihi Prabu Djajapitana, Danghjang Durna, Patih Arja Sangkuni.

Rèhning pandung sampun katjepenḍ pedjah, Pandita Durna ladjeng kadaupna lan Retna Rukmini, gia kirèn mandiing puri.

Ing puri kepapag Sri Mandura, tjinandak binutjal mring djawi.

Prabu Djajapitana pinapag sang Arja Brataséna, tjinandak binutjal mring djawi. Kurawa ngrubut amuk-amukan = prang sampak.

18. Adeg ing pandapi agung Kumbina, Prabu Bismaka, Sri Baladéwa, Nata Ngamarta, Arja Brataséna tuwin Radèn Pamadi, R. Pintèn, R. Tangsèn, R. Rukmara.

Ginem.

ḍaupipun Radèn Narajana dipun-rowakaken punapa boten ? Jèn karowakaken, baḍé kapegataken rumijin. Naréndra Mandura mangsuli : boten ; ing béndjing salapanipun kémawon kaunduh mring Mandura, dipun-wiwaha.

Ladjeng budjana andrawina.

XIV. Ladrang MANIS.

TANTJEP KAJON.

2. LAMPAHAN DJALADARA RABI — ÉNDANG WREDININGSIH.

Wiwit talu gending TJUTJUR-BAWUK, gending rebab, ketuk 2, kerep, kenong, 3 (4, Gong) minggah PARE-ANOM, ketuk, 4, kaladjengaken ladrang SRIKATON, dawah ketawang SUKMA-ILANG, katerusaken AJAK-AJAKAN MANJURA SREPEGAN dados SAMPAK.

I. KRAWITAN gending rebab, ketuk 4, kerep, kenong 1 (2, Gong) minggah LADRANGAN.

1. Diedier ing nagari Mandraka, Sang Prabu Salia, siniwaka ing Sitinggil, katamuwan ingkang putra Naréndra Ngastina Prabu Djajapitana, ingkang ngadep R. Rukmarata, Patih Arja Sangkuni tuwin parekan. Katjarita Sang Nata badé anggalih kalampahanipun daup putri Nata Dèwi Hérawati, kalijan Prabu Anom Krakrasana ing Madura, katungka rawuhipun Prabu Djajapitana ing Ngastina.

Suwuking gending patet nem ageng, ladjeng Ada-ada Girisa.

Ginem.

Badé pamiwahanioun putri Nata Dèwi Hérawati. Sri Salja nasrah damel dateng Prabu Kurupati, mila ladjeng ngrantjang lampah-lampah, sarta munduti bebana natah dateng Sri Nata Madura, R. Rukmarata kautus dateng Madura, Sang Nata Madraka djengkar ngadaton, Prabu Djajapitana tumut ngadaton.

Ajak-ajakan nem.

Sang Nata kèndel ing gapura, kasirep tjéngkok Pandjangmas.

Suwuk tanpa patet.

Unduring parekan.

Patet nem djugag. Sang Nata ladjeng mandjing gapura.

II. LARA-NANGIS gending rebab, ketuk, 2, kerep, 3 (4, Gong) minggah ladrang WELING-WELING.

2. Adeg ing kadaton, Pramèswari Nata Dèwi Setyawati, kaadep putra Dèwi Hérawati, Dèwi Surtikanti tiga Dèwi Banuwati, tuwin tjèti pawongan.

Gending minggah ladrang Weling-weling. Pramèswari metuk konduring raka Nata.

Suwuking gangsa patet nem wantah.

Ginem.

Danguning siniwaka. Sri Salja saha Prabu Djajapitana djengkar ladjeng lenggah budjana dipun-dèrèkaken para putra.

Dipun-sendoni Kloloran.

III. BOLANG-BOLANG gending rebab, ketuk, 4 kerep, kenong 3 (4, Gong) minggah ladrang AGUN-AGUN.

3. Adeg ing pasowanan djawi mungging bangsal satengahing tratag rambat ginribigan, R. Burisrawa kaadep R. Rukmarata tuwin Patih Tunajata.

Suwuking gangsa Ada-ada Girisa.

Ginem.

Ngaturi uninga mring R. Burisrawa, dawuhing Nata ing paséwakan R. Rukmarata ladjeng pamit dateng pradja Madura kadèrèkaken Patih Tuhajata, Patih ladjeng undang samapta.

Ada-ada astakuswala laras barang miring saking nem.

Patih wangsul mangarsa.

Ada-ada astakuswala laras barang miring saking tengah.

Patih medal arsa dawuh bidalan.

Ada-ada budalan mataraman.

Lantjaran MANJAR-SĒWU, gending gendèr.

Bidal kapalan, rampunging prampogan ngrata margi.

Patet nem keçu.

IV. MADJEMUK, gending rebab, ketuk, 2, kerep, kenong, 4 (5, Gong) minggah KETUK 4.

4. Adeg ing nagari Giridasar, Prabu Kala Wredati, kaadep emban Tjantékawarti lan punggawa raseksa, Sang Prabu gandrung kasmaran Dewi Hérawati, putri Madraka.

Suwuking gending sesegan ladjeng Ada-ada Girisa.

Ginem.

Sang Nata supena daup lan Dewi Hérawati putri Madraka, ladjeng midji punggawa raseksa.

Ladrang MUNTJĒR.

Punggawa raseksa madjeng kaporingan serat kaaturna Ratu Madraka.

Munduripun punggawa raseksa, Srepegan pindjalan.

Ladjeng bidalan punggawa raseksa bedol sakabupatèn, nèng margi lampalnja kepapag wadya ing Madraka, sulajaning rembag dadya prang (gagal).

Patet nem wantah.

V. BUDJANGGA, gending rebab ketuk, 4, kerep, kenong 3 (4, Gong) minggah KETUK 8.

5. Adeg ing nagari Madura, Prabu anom Kakrasana, kaadep tjèti-pawongan, ing ngarsa Patih Pragota, Patih Prabawa, katamuwan Radèn Rukmarata.

Suwuking gending patet nem wantah.

Ginem, kautus ingkang rama Prabu Salja, ndawuhaken pundutan patah tijang èstri ingkang aju-aju, tjatjah kawandasa, Sang Prabu anom njagahi R. Rukmarata pamit ladjeng mundur.

Patet nem djugag.

Patih Pragota dèn-dawuhi ngupaja patah satunggal ingkang aju kinarja tindih, aturnja sandika (banjol).

Patih Pragota kadawuhan nimbali R. Narajana.

Patet Lindur, ladjeng santun patet sanga wantah.
Ladrang KEMBANG-TANDJUNG.

R. Narajana sowan ing ngarsauring kang raka.
Ginem.

Kadawuhan ngupados patah tijang èstri ingkang aju kinarja tetindh
patah, aturira sandika. ladjeng pangkat kadèrèkaken Udawa, nèng
margi séwang-séwangan lan patih Pragota, Sigeg.
Patet sanga wantah.

Gara - Gara.

Ada-ada greget-saut manjura.

Ngutjapaken pratjékaning gara-gara, banjol adjeg.
Patet sanga djugag.

VI. LAGU DEMPEL, gerding rebab, ketuk, 2, kerep, kenong 1 (2 Gong)
minggah ladrangan.

6. Adeg samadyaning wana R. Pamadi kang ngemu rudatos, prepat tiga.
Suwuking gerding patet sanga ngelik.
Ginem.

R. Pamadi singkel ing drija, rinapu prepat dipun-aturi kondur, datan
- karsa, malah ladjeng mandjing wana ingkang langkung wingit.
Sigeg.

VII. Lantjaran DJANGKRIK-GÉNGGONG, gerding gendèr.

7. Adeg ing samadyaning wana, raseksa punggawa ing Giridasar.
Suwuking gangsa sesegan ladjeng Ada-ada greget saut.
Ginem.

Raseksa sami bingung tan sumerep prenah.
Praptanipun lurah Widjamantri lawan Saraita, ngaturi uninga wonten
satrija langkung, nulja pinrepekan dadya prang (kembang) raseksa
pedjah sadaja.

Patet sendon bimanju trus Ajak-ajakan.

R. Pamadi ladjeng mandjing wana Sétragandamajit, ladjeng nungku
pudja semèdi.

Suwuk patet sanga djugag.

Ketawang DENDA-GEDÉ.

Wadu Barat anggoða R. Ardjuna tan kéguh, praptanipun Batari
Durga ngungak ladjeng nimbat R. Pamadi.

VIII. Ladrang GONDJANG-GANDJING.

8. Adeg Batari Durga R. Parta marek mangarsa.
Suwuk patet sanga wantah.

Ginem.

R. Pamadi dinangu aturipun namung : pada Batari mangsa kekilapa-
na ingkang dados kadjengipun, Batari Durga sakalangkung duka,
R. Pamadi sinaut ladjeng kinemah-kemah ladjeng warni pawèstri,



Endang Wrediningsih.

nami èndang Wrediningsih, prepat tiga inggih warni èstri, Semar nami njai Melok, Nala Garèng njai Melèng, Pétruk njai Moblong, ladjeng pamit bidal dateng Madura.

Ing margi adeg Patih Pragota, ingkang ngupados wanudya ingkang sulistya warninipun badé kanggé patah, dupi uninga lampahipun èndang Wrediningsih ladjeng pinrepekan, sawusing tanja, èndang Wrediningsih tinantun dados patah sagah, ladjeng kairid dateng nagari Madura, Sigeg.

IX. GAMBIRSAWIT, gèndhing rebab, ketuk, 2, kerep, kenong 3 (4, Gong) minggah KETUK, 4.

9. Adeg ing pratapan Gadamadana, begawan Kapi Djembawan lan garwa Dèwi Tridjata, manggihi tamu R. Narajana, kadèrèkaken R. Udawa.

Ginem.

R. Narajana njambut Dèwi Djembawati, badé dipun-dadosaken patah kramanipun ingkang raka Prabu-anom Kakrasana. Kapi Djembawan lan garwa njaosaken. Dèwi Djembawati tinimbangan mangarsa (prènèsan), ladjeng kabekta R. Narajana dateng kraton Madukara. Sigeg.

X. GALA-GOTANG, gèndhing rebab (manawi mboten saged, kalintu la-drang: Uluk-uluk), ketuk, 4, kerep, kenong, 3 (4, Gong) minggah KETUK 8.

10. Adeg ing nagari Giridasar, Sang Prabu Kala Wredati, kaaðep emban Tjantékawarti lan punggawa raseksa.

Suwuking gèndhing sesegan, ladjeng Ada-ada manggalan.

Ginem.

Ngadjeng-adjeng punggawa raseksa ingkang dinuta mring pradja Madraka.

Datan antara dangu praptanipun lurah Widjamantri lan Saraita, lapur tiwasipun punggawa raseksa, déning panengah Pandawa R. Pamadi. Sang Nata sakalangkung duka, warising punggawa ingkang sami nedjah kirèn anggentosaken, gja dawuh arsa tedak mring pradja Madraka sawadya-bala arsa rerempon, nanging pinambeng embau Tjantékawarti, pijambakipun kadugi andusta.

Sang Nata marengaken, ladjeng bidal anggegana.

Paðet manjura wantah (wiwit santun paðet manjura).

XI. GLIJUNG, gèndhing rebab, ketuk, 2, kerep, kenong, 3 (4 Gong) minggah KETUK, 4.

11. Adeg pandapa ing Madraka, Prabu Salia maggihi tamu Prabu Puntadéwa, R. Brataséna, R. Pintèn, R. Tangsèn, praptanipun R. Rukmarata.

Suwuking gèndhing paðet manjura wantah.

Ginem.

R. Rukmarata lapur dènnja kautus mundut wewahan patah. Prabu anom Kakrasana sagah pados, manawi sampun angsal ladjeng ngarak dateng Madraka, nuntèn kaḍawuhan dateng kenjapuri, paring uninga Pramèswari, sarta kaḍawuhan tata-tata, R. Rukmarata matur sandika, ladjeng mandjing kaḍaton.

Taksih Ajak-ajakan.

12. Adeg kenja-puri, Sri Salja, Pramèswari Dèwi Setyawati, kaadep putri Nata Dèwi Hérawati.

Suwuking Ajak-ajakan paṭet manjura djugag.

Ginem.

Prabu Salja ḍawuh ila-ila, pangantèn kedah kasengker, Dèwi Hérawati ladjeng kasengker kinèn mandjing kalpika.

Praptanipun R. Rukmarata kagiat gora wekasan ngungun déné ingkang rama wonten kenjapuri, sulajaning ginem dados prang, Sri Salja djinemparing babar raseksi ladjeng anggegana.

R. Rukmarata lapur mring pandapi, nulja dinuta mring Madura malih, suka uninga itjalipun Dèwi Hérawati kinèn madosi, biḍal.

- XII. TJAPANG gendhing rebab (kénging lintu ladrang Kandamanjura), ketuk 2, kerep, kenong, 3 (4, Gong) minggah KETUK, 4.

13. Adeg ing Madura, Prabu Anom Kakrasana, sowanipun Patih Pragota, ngaturaken tjalon patah èndang Wrediningsih sasedèrèkipun.

Suwuking gendhing paṭet manjura wantah.

Ḍawuh mring parekan èndang Wrediningsih sakadang sarta bijungipun kaḍawuhana masrahaken Dèwi Bratadjaja, sandika ladjeng kaurid.

Terus Ajak-ajakan.

Adeg kradèn-ajon Retna Wara Sumbadra tjèti pawongan nampèni èndang Wrediningsih.

Ginem.

Kawontenanipun padunungan, ladjeng kaḍawuhan meteki Dèwi Bratadjaja, kalijan ndongèng (dongèngipun pasemon kapanggihipun Pamadi lan Sumbadra), dupi Retna Bratadjaja saré, èndang Wrediningsih datan darana ladjeng babar R. Pamadi (nunggil saré) Wrediningsih warni djalu, Wara Sumbadra kagiat lumadjeng matur ingkang raka Prabu Anom Kakrasana, ing kradèn-ajon wonten duratmaka.

Sampak dados Ajak-ajakan.

Ing pandapi Madura, Prabu Anom Kakrasana katamuwan R. Rukmarata.

Ginem.

Kautus ingkang rama Sri Salja, suka uninga dèwi Hérawati itjal kabekta ing duratmaka, kapanggihipun pasrah Prabu Anom Kakrasana, Sri Madura sagah madosi. R. Rukmarata pamit mundur.

Katungka praptanipun Dèwi Bratadjaja lumadjeng andjrit larakaruna, wadul jèn kradèn-ajon wonten djanma prija moṭa-moṭa saliranipun. Sang Nata Madura sakalangkung duka ladju maṇdjing kradèn-ajon, dumugi ngriku ingkang wonten R. Pamadi, Prabu Anom lerem dukanipun, R. Pamadi dipun pangandikani pangarem-arem, tamtu baḍé ḍaup kalijan Wara Sumbadra, sarta tan pareng medal, Prabu Anom Kakrasana midjil lenggah pandapa, nimbali Patih Pragota, tinapukan, dupi Pragota takèn dosa, Prabu Anom paring ḍawuh jèn Wredining-sih dados djaler, Pragota ngurusaken, Prabu Anom lerem dukanipun, ladjeng ndangu R. Narajana, gja tindak mring Kadipatèn.

Adeg Kadipatèn Madura R. Narajana kaḍep Retna Djembawati (prenès).

Ginem.

R. Narajana amiluta basa manuhara mring Dèwi Djembawati, nanging wangkot, marma anggèning njaèkaken sariranipun mawi ngawon-awon ingkang raka.

Katungka Prabu Anom Kakrasana prapta. Dyah Djembawati késah, R. Narajana malik njuwun ngapuntèn ingkang raka.

Prabu Anom paring uninga jèn ing kradèn-ajon wonten djanma prija moṭa-moṭa Wara Sumbadra, sariranipun pantjakara kasoran. Radèn Narajana bramantya nanging semu maiben, ladjeng inangsah maṇdjing kradèn-ajon linantjangan Prabu Anom Kakrasana, tansah njandèt sarta nanting punapa R. Narajana purun sajektos (gugudjengan), ladjeng walèh tijangipun punika Pamadi, gja tinimbalan, kapanggih R. Pamadi ladjeng gegudjengan.

Ladjeng paring ḍawuh jèn sariranipun dèrèng tamtu saged ḍaup lawan Dèwi Hérawati, djalaran itjal kabekta duratmaka (R. Pamadi késah = teges sampun pangkat madosi), R. Narajana kaḍawuhan ngupadosi ladjeng késah, dipun-dangu baḍé madosi, nanging madosi Djembawati, Prabu Anom Kakrasana nututi nusul Sang Ardjuna.

XIII. Lantjaran RITJIK RITJIK, genḍing gendèr.

13. Adeg ing nagari Giriḍasar, Prabu Kala Wredati, kaḍep emban Raseksi lan punggawa.

Suwuking gangsa sesegan ladjeng Ada-ada Greget-saut.

Ginem.

Emban Tjantékawarti lapur jèn Dèwi Hérawati putri Madraka sampun wonten ing Kadaton, Sang Nata raseksa langkung astjarja (praptanipun Sang Ardjuna, Prabu Anom Kakrasana kalijan prepat punakawan limunan langkung ngadjengipun Nata Raseksa).

Prabu Kala Wredati angedaton baḍé mondong Dèwi Hérawati.

Dèwi Hérawati pinanggih lan R. Pamadi ladjeng kalebetaken kalpika. (praptanipun Sang Ardjuna, Prabu Anom Kakrasana kalijan prepat Anom Kakrasana prang, nata Raseksa pedjah, wadya ingkang béla sirna sadaja, Dèwi Hérawati dipun-antukaken dateng Madraka. Prabu Anom Kakrasana kondur mring Madura arsa samapta ngarak.

Terus Ajak-ajakan.

14. Adeg ing nagari Madraka Sri Salja, Prabu Djajapitana, Nata Ngamarta, R. Arja Brataséna, R. Rukmarata.

Ginem.

Ngraosaken itjalipun Dèwi Hérawati. Naréndra Ngastina ing batos tingah, ngijas temtu boten pinanggih.

Katungka praptanipun Dèwi Hérawati kalijan R. Pamadi ; Sri Salja dahat suka, sasampuning ndangu lelampahan dumugi pinanggihipun, ladjeng kaðaupaken. Sigeg.

Prabu Anom ing Madura, semèdi nèng panepèn karawuhan Sanghjang resi Narada kalijan Sanghjang Brahma.

Ginem.

Andjumenengaken Nata mring Prabu Anom Kakrasana djedjuluk :

1. Prabu Baladéwa, 2. Balarama, 3. Kusuma Walikita, 4. Basukijana, 5. Prabu Djaladara, 6. Kakrasana. Sanghjang Narada maringi djedjuluk Prabu Halajuda (= gawéné sok muku), maringaken kaprabon, maringaken titijan Dwipangga tuwin para widadari, gangsa Lokananta mungel ing ngawang-awang, para djawata badé ngèstrèni daupipun pangantèn, para djawata sami mahawan ing gegana.

Prabu Baladéwa bidal ngarak nitih dwipangga, kadèrèkaker para wadya, sigeg.

Adeg ing Madraka, Sri Salja pepak para tamu, putra-putra, praptaning pangantèn ladjeng kaðaupaken, namung Prabu Djajapitana ladjeng morot saking pasamuwan, kabekta bentèring manah, dawuh mring para kaðang kurawa, ladjeng damela reresah, pinagolan déning Raden Arja Brataséna, amuk-amukan sampak.

Adeg Nata Madraka kalempakan lan putra Naréndra Ngamarta saladang, mangun suka bocjana andrawina.

XIV. Ladrang MANIS.

TANTJEP KAJON.

3. LAMPAHAN KUMALA-SEKTI.

Wiwit talu TJUTJUR BAWUK gending rebab, ketuk, 2 kerep, kenong, 3 (4, Gong), minggah PARÉ-ANOM, ketuk, 4, kaladjeng-aken ladrang SRIKATON, dawah ketawang SUKMA-ILANG, katerusaken AJAK-AJAKAN MANJURA SREPEGAN dados SAMPAK.

I. KABOR gending Gendèr ketuk, 2, kerep, kenong 1 (2, Gong) minggah ladrang KRAWITAN.

1. Djedjer ing nagari Ngastina, Prabu Durjudana, ingkang lenggah satata mungging palowanu Pandita Durna, ingkang ngadep Patih Arja Sangkuni, kurawa tuwin parekan.

Suwuking gending patet nem ageng, ladjeng Ada-ada Girisa.

Ginem.

Sasirnaning Pandawa amung kanton R. Abimanju kalijan ingkang garwa, kang wus djumeneng Prabu Anom, wonten ing Gadjah-oja, Pandita Durna srananing djumeneng Prabu Anom anganggéja rahing kidang wulung kang tratjak wadja mripat kumala.

Prabu Durjudana ndangu prajogining lampah kang ngupaja, Pandita Durna matur kadjawi Adipati Karna lawan Kurawa sagolongan, ingkang ndombani Patih Arja Sangkuni, ananging Kumalasekti prajogi kadawuhan tumut, Sang Prabu najogjani, gja tinimbalan.

Patet nem djugag.

Ladrang KEMBANG-PÉPÉ.

Prabu Anom Kumalasekti prapta tunduk atur sembah, Sang Nata dawuh ngupaja kidang wulung kang tratjak wadja mata kumala, aturnja sandika, nulja Sang Nata Ngastina kondur angadaton.

Ajak-ajakan nem.

Sang Nata kèndel ing Gapura.

Ajak-ajakan kasirep tjèngkok pandjangmas.

Unduring parekan Patet nem djugag.

II. DAMAR-KĒLI, gending rebab ketuk, 4, kerep, kenong, 3 (4, Gong), minggah KETUK 8.

2. Adeg ing kenja-puri, Pramèsware Dèwi Banuwati, kaaðep putri Nata Dewi Laksmanawati, tjèti pawongan, konduring Narèndra Pramèsware gja metuk.

Suwuking gending patet manjura ageng.

Ginem.

Danguning siniwaka, ndawuhaken ngupaja kidang wulung kang tratjak wadja mata kumala, kinarja sarana djumenengé Prabu Anom Kumalasekti, nulja djengkar bodjana.

Dipun-sendon Kloloran.

III. KEMBANG-TIBA, gending rebab, ketuk 4, kerep, kenong 3, (4, Gong) minggah KETUK, 8.

3. Adeg ing pasowanan djawi, Adipati Karna, Patih Arja Sangkuni tuwin Kurawa.

Suwuking gending sesegan ladjeng Ada-ada Girisa.

Ginem.

Patih Arja Sangkuni ndawuhaken sadaja dawuhing Narèndra, mring Adipati Karna saha Kurawa, kinèn ngupaja kidang wulung. Kumala-sekti tumut, ananging saweg mantuk rumijin, R. Kartamarma dawuh undang-undang, medal tata-tata.

Ada-ada astakuswala laras barang miring saking wilahan nem alit.

Patih wangsul mangarsa.

Ada-ada astakuswala laras miring saking wilahan tengah.

R. Kartamarma dawuh bidalan.

Ada-ada bidalan mataraman.

Lantjaran MANJAR-SÈWU, gending gendèr.

Bidal kapalan, rampunging prampogan ngrata margi.

Pačet kedu.

IV UDAN SORÈ, gending rebab ketuk, 2, kerep, kenong, 3 (4, Gong) minggah KETUK, 4.

4. Adeg ing Sokalima, narèndra ing Nungsa-rukmi Sang Prabu Tédjakumala, ingkang lenggah satata Danghjang Durna, ingkang ngadep Patih Bratakumala.

Suwuking gending pačet nem lasem.

Ginem.

Dènja angsal munakawan, Pandita Durna ngandika, panuwunipun Sri Tédjakumala dèrèng katur Sri Durjudana, awit saweg arungan adegipun Prabu Anom ing Gadjah-oja, kedah nganggè sarana rahing kidang wulung tratjak wadja mata kumala, murih prajogi Nata ing Nungsarukmi supados tumut utusan ngupados, manawi saged angsal dados pakandelan anggènipun munakawan (njuwun anggarwa Dèwi Luksmianawati).

Prabu Tédjakumala njandikani.

Patih Bratakumala kinèn ndawuhaken punggawa raseksa ngupados kidang wulung ingkang tratjak wadja mata kumala, aturipun sandika.

Srepegan nem.

Prabu Tédjakumala saha Pandita Durna sami djengkar. Patih Bratakumala medal ing djawi, nimbali punggawa raseksa Kala, Pralemba, raseksa njarèng tuwin raseksa kobis.

Suwuk Ada-ada Mataraman.

Ginem.

Patih Bratakumala ngandika : dawuhipun Prabu Tédjakumala kinèn ngupaja kidang wulung ingkang tratjak wadja anétra kumala, badé katur ing Nata Ngastina, kinarja pakandelan dènja munakawan Prabu Tédjakumala, marmia sampun ngantos karumijinan Kurawa Ngastina.

Punggawa raseksa matur sandika ladjeng biḍal.
Paṭet. Lindur.

Sampuning katjaritakaken ladjeng :
Paṭet sanga wantah.

V. GAMBIR-SAWIT, gending rebab, ketuk, 2, kerep, kenong, 3 (4, Gong)
minggah KETUK 4.

5. Adeg ing Gadjah-oja Prabu Anom Kumalasekti, lenggah Jawan garwa
Dèwi Kumalawati, tuwin ipé Patih Sumitra.

Suwuking gending paṭet sanga ngelik.

Ginem.

Prabu Anom Kumalasekti pamit mring kang garwa, arsa ngupaja
kidang wulung, nanging ingkang garwa mambengi.

Paṭet sanga djugag.

Dyah Kumalawati, pinondong ingkang raka dèn-arih-arih nulja saré
nèng ngembanan, sawusing kasarèkaken nèng pasuptan, nulja Prabu
Anom Kumalasekti animbali prepat punakawan kaḍawuhan ndèrèk,
mandjing wana, Sigeg.

VI. Ladrang KAGOK-MADURA, gending gendèr.

6. Adeg ing madyaning wana, punggawa raseksa ing Nungsarukmi,
ditya Kala Pralemba, Kala Banjak-tjalora, tuwin ditya Kala Katung
sami bingung.

Suwuking gangsa sesegan ladjeng Ada-ada greget saut.

Ginem.

Bingung dènnja ngupaja kidang wulung dèrèng angsal lamel.

Praptanira Togog lan Saraita, ngaturi uninga, pabarisan raseksa
katradjang lampahing satrija, nulja pinrepekan, sulajaning ginem
dadya prang (kembang), danawa sirna sadaja, Togog-Saraita mantuk
mring Sokalima.

Paṭet Djingking trus Ajak-ajakan.

Dyan Kumalasekti ngladjengaken lampahira, Sigeg.


VII. KENTJENG-BARONG, gending rebab, ketuk, 2, kerep, kenong 3 (4,
Gong) minggah KETUK, 4.

7. Adeg ing nagari Banakeling, R. Arja Djajadrata, kaadep Patih Djaja-
gotra, amanggihi Patih Arja Sangkuni.

Suwuking gending paṭet sanga wantah.

Ginem.

Djumenengira Prabu Anom Kumalasekti, Arja Djajadrata ladjeng tan
arsa rangkil mring Ngastina. Nulja R. Arja Sangkuni ndawuhaken
ngupaja kidang wulung kang tratjak wadja mata kumala, ngendi
enggoné katemu kalilan bandjur matèni; Arja Djajadrata sandika
nulja buḍal, Arja Sangkuni mring pasanggrahan.



Prabu Anom Kumalasekti.

VIII. Ladrang GIJAK-GIJAK.

8. Adeg pasanggrahan Bandjar-anjar, Adipati Karna, Patih Arja Sangkuni, R. Kumalasekti mjang kurawa.

Suwuking gangsa patet sanga wantah.

Ginem.

Dènnja dèrèng angsal kidang wulung, kurawa kinedjépan, Radèn Kumalasekti ladjeng riningkes, Adipati Karna saha kurawa kasor ketétéran. Praptanipun Arja Djajadrata, Dyan Kumalasekti, binudjuk, sareng kalimpé linarihan tjuriga anedasi, sanalika palastra, Semar Nala Garèng Pétruk sami binudjung lumadjeng sarsaran, Sigeg.

Patet manjura wantah (wiwit santun patet Manjura).

- IX. BUDJANGGANOM, gending rebab, ketuk, 2, kerep, kenong 3 (4, Gong) minggah KETUK 4.

9. Adeg ing Dwarawati Sri Batara Kresna lenggah mungging pandapa, ingkang ngadep R. Samba tuwin Arja Setyaki.

Suwuking gending sendon Sastradatan.

Ginem.

Murtjanipun kadang Pandawa, Sang Nata gja ngulati mahawan djumantara, Sigeg.

- X. PUTJUNG, gending rebab (dipun-bukani tjeluk swara dalang), ketuk, 2, kerep, kenong, 3 (4, Gong) minggah ÈSEG-ÈSEG, KETUK, 4.

10. Adeg ing pratapan Ngéndragiri, Bagawan Darmadjati, Wasi Bradjaséna, putra Garuda Lelana.

Suwuking gending patet manjura wantah.

Katamuwan njai Ruminta, randa ing dukuh Karangdadap, kalih njai Rubéda, randa ing dukuh Waru.

Ginem.

Sami tan darbé suta, marma sami niuwun momongan suta, nulja sami dinawuhan mring kebon angambila ron sasukané, wasana ngampil ron sinom utawi djanur, sinabda sang resi sami dados djanma, sinung aran Sinompradapa lan Djanurdara.

Kasaru praptané Semar, sawusing ngaturi priksa ladjeng niuwun pitulung, Sang Resi ngandika mring raré kalih kadawuhan nulungi, gja bidal.

Ingang tanpa gending kanton Ajak-ajakan lan sampak.

R. Arja Djajadrata pinanggih raré kalih, Sinompradapa lawan Djanurdara, sawusing tanja-tinanja dadya prang, raré kalih ginada Arja Djajadrata babar dados ron sinom lan djanur.

Adeg ing pratapan Ngéndragiri, Resi Darmadjati, Wasi Bradjaséna, Garuda Lelana.

Praptaning Semar matur tiwasing raré, nulya Semar dinawuhan mendet séla ing balumbang, pinudja dadya raré bagus pinaringan

nama Bambang Hèndra-kumala, ladjeng kadèrèkaken Semar murugi mring gèning Arja Djajadrata.

Sapengkering Semar praptanira Nata Kresna, sampuning bagé-bina-gé, Sri Kresna nedah pitedah sirnaning Pandawa, sang Resi kikip, dadya prang, sang resi tinakra babar Prabu Judistira, Wasi Bradjaséna tinakra babar R. Arja Wrekudara, Garuḍa Lelana tinakra babar R. Gaṭutkatja.

Nulya papanggihan sadaja dèn-adjak mring Ngamarta, Sigeg.

R. Arja Sinduredja kang taksih nèng wana, pinanggihan Hèndra-kumala, sasampuning takèn-tinakèn dadya prang, Arja Djajadrata pinanah baju-badja kabuntjang, Kurawa sadaja lumadjeng, Bambang Hèndrakumala ngupadosi kuwāndanipun R. Kumalasekti, pinanggih ladjeng dipun-gesangaken, dènambil putra, gja pangkat mring Ngastina, Sigeg.

XI. Ladragg KANDA-MANJURA.

11. Adeg ing Sokalima Prabu Tédjakumala, Paṇḍita Durna, Patih Bratakumala.

Suwuking gangsa paṭet manjura.

Ginem.

Angadjeng-adjeng utusan punggawa raseksa, kasaru praptanira Togog lan Saraita, ngaturaken tiwasing punggawa raseksa, Danghjang Durna ngadjak mring Ngastina, ladjeng biḍal sawadya-bala.

XII. GLIJUNG, gènding rebab, keṭuk, 2, kerep, kenong, 3 (4, Gong) ming-gah KEṬUK, 4.

12. Adeg ing Ngastina Prabu Durjudana, Adipati Karna, Patih Arja Sangkuni, R. Leksmāna-mandrakumara.

Suwuking gènding paṭet manjura wantah.

Ginem.

Sampun angsal damel anggènipun pados kidang wulung, namung Arja Sinduredja dawah kabuntjang marṇta. R. Leksmāna njuwun garwa Sangdyah Kumalawati, kaparengaken. Adipati Karna kinèn mring Gadjahoja munḍut Dèwi Kumalawati, ladjeng biḍal.

Terus Ajak-ajakan.

13. Adeg ing Gadjahoja, Dèwi Kumalawati mjang ari R. Hèndrakumala, Patih Sumitra.

Ginem.

Késahipun ingkang raka risang Kumalasakti, katungka praptanira Adipati Karna kautus Prabu Durjudana munḍut nimbali Dèwi Kumalawati, ladjeng kèrid mring Ngastina, Sigeg.

Ajak-ajakan.

1. Adeg Ngastina Sri Durjudana pepakan, ngadjeng-adjeng Adipati Karna, munten dateng ngirid Dèwi Kumalawati, dipun lebetaken ing kedaton, R. Leksmāna ladjeng kadawuhan mondong. Lampahnja dyah Kumalawati, kapoṭa-poṭa R. Leksmānamandra-

kumara nanging datan karsa, lumadjeng kepapag ingkang raka (garwa), gja rinangkul; R. Laksmana tinandangan, lumadjeng mring ndjawi kepapag Bambang Hèndrakumala, sawusing pinulasara gja binutjal mring ndjawi.

Sri Sujudana nampèni tjlorodipun putra, ladjeng dipun dangu; sasampuning matur, Sri Ngastina ladjeng nimbali Prabu Tédjakumala kinèn mring kañaton kalijan Patihipun.

Prabu Tédjakumala kapapag Hèndrakumala, takèn-tinakèn sulaja dadya prang, bambang kadjemparing babar Ardjuna, Prabu Tédjakumala djinemparing babar W/ara Sumbadra, Patih Bratakumala djinemparing babar Wara Srikandi.

Sri Sujudana nimbali ari-ari Kurawa kinèn mandjing puri, pinagolan R. Gañutkatja kalijan R. Arja Wrekudara, amuk-amukan, sampak.

15. Sri Kresna, Nata Pandawa sakadang mjang putra-putra kalempakan.

XIII. LADRANG MANIS.

TANTJEP KAJON.

Ringgit ingkang dipun-anggé :

- | | |
|-----------------------------|---------------------|
| 1. Prabu Anom Kumalasekti : | Angkawidjaja. |
| 2. Dèwi Kumalawati : | Siti Sundari. |
| 3. Patih Sumitra : | Sumitra. |
| 4. Prabu Tédjakumala : | Sabrang bagus. |
| 5. Patih Bratakumala : | Putran lanjap. |
| 6. Bagawan Darmadjati : | Pandita sepuh. |
| 7. Wasi Bradjaséna : | Putran lanjap. |
| 8. Garuḍa Lelana : | Peksi Garuḍa. |
| 9. Bambang Hèndrakumala : | Bambang Widjanarka. |
| 10. Njai Ruminta : | Éndang lanjap. |
| 11. Njai Rubéda : | Éndang lurah. |
| 12. Sinom-pradapa : | Bambang sampir. |
| 13. Djanurdara : | Bambang sampir. |

4. LAMPAHAN IRAWAN RABI.

Wiwit saking talu TJUTJURBAWUK gending rebab, ketuk, 2, kerep, kenong, 3 (4, Gong) minggan PARÉ-ANOM ketuk, 4, kaladjengaken ladrang SRIKATON, dawah ketawang SUKMA-ILANG, terus Ajak-ajakan MANJURA, SREPEGAN dados SAMPAK.

I. KRAWITAN gending rebab, ketuk 4, kerep, kenong, 1 (2, Gong) minggah LADRANGAN.

1. Djedjer ing nagari Dwarawati, Sri Batara Kresna, kaadep R. Samba, R. Arja Setyaki, parekan.

Suwuking gending patet nem ageng, ladjeng Ada-ada Girisa.
Ginem.

Dènnja arsa ndaupaken putri Nata Dèwi Titisari.

Sendon pananggalan terus Ajak-ajakan nem ladjeng sesegan.

Patih Udawa mariksa kang dadya gitaning alun-alun, sawusing nampèni aturing mantri, ladjeng madjeng ing ngabjantara Nata, matur ingkang damel gita. Sinuhun Madura ingkang rawuh.

Suwuk tanpa patet.

Medalipun Patih Udawa lawan R. Samba.

Patet nem djugag.

Ladrang REMENG.

Lebetipun Narèndra Madura.

Suwuk patet nem wantah.

Ginem.

Sri Baladéwa kagjat prapta nèng pradja Dwarawati, mriksani tarup, sarta katingal arsa makadjaan. Nata Kresna matur jèn arsa ndaupaken putra Dèwi Titisari, kalijan putra Madukara R. Irawan.

Prabu Baladéwa datan pareng, supados dipun-wurungaken, sarirani-pun kakèngkèn Narèndra ing Ngastina mundut Dèwi Titisari, kadaupaken angsal satrija kadipatèn Sarodjabinangun, R. Leksmana-mandrakumara.

Sri Kresna pakèwed lan kadang wređa dadya matur sumangga, sarta sandika murungaken rembag Madukara.

Prabu Baladéwa medal ing ndjawi arsa ndawuhaken utusan mring Ngastina.

Ada-ada Girisa.

Sri Kresna dawuh mring putra R. Samba, kautus njuwak rembag bésanan lan Madukara. Nulja Sang Nata Kresna kondur angadaton.

Ajak-ajakan nem.

Sang Nata kèndel ing gapura

Kasirep tjéngkok pandjang mas.

Suwuk tanpa suluk.

Unduring parekan.

Patet nem djugag.

II. TITIPATI, gending rebab, ketuk, 2, kerep, kenong, 3 (4, Gong), minggah KETUK, 4.

2. Adeg ing kenja-puri, Pramèsvari Nata katiga, Dèwi Djembawati, Dèwi Rukmini, Dèwi Setyaboma, emban tjèti pawongan pepak, konduring Narèndra Pramèsvari sami metuk.

Suwuking gending patet nem wantah.

Ginem.

Danguning siniwaka katamuwan ingkang raka Nata ing Madura, munhut putri Nata sangdyah Titisari, kaðaupaken kalijan putra Nata ing Ngastina; Sri Kresna sumanggèng karsa, marma ladjeng njandèkaken rembag Madukara, sadaja samja getun angungun, nulja Sinuhun alenggha budjana ladjeng memudja.

Dipun - sendoni Kloloran.

III. KADATON-BENTAR, gending rebab dipun-bukani Gendèr, ketuk, 2 kerep, kenong 3 (4, Gong) minggah KETUK, 4.

3. Adeg pasowanan ndjawi, Sang Nata Madura, R. Samba, R. Arja Setyaki, Patih Udawa, Patih Pragota.

Suwuking gending sesegan ladjeng Ada-ada Girisa.

Ginem.

Patih Pragota kautus metuk pangantèn R. Leksmara mring Ngastina, R. Samba kadèrèkaken Patih Udawa, njarengi bidal kautus njuwak rembag mring Madukara, Patih Udawa undang-undang samaptaning wadya.

Ada-ada astakuswala raras barang miring saking nem.

Patih Udawa wangsul mangarsa.

Ada-ada astakuswala raras miring saking tengah.

Patih Udawa dawuh bidalan.

Lantjaran WRAHATBALA gending gendèr.

Bidal kapalan, rampunging prampogan ngrata margi.

Patet nem Kedu.

IV. MADJEMUK, gending rebab, ketuk, 2, kerep, kenong, 4 (5, Gong), minggah KETUK 4.

4. Adeg pradjaning raseksa ing Djongbiradji Sang Prabu Barandjana, ingkang ngadep emban Kalawarti, lan punggawa, Sri Natajaksa gandrung Sangdyah Titisari putri Nata ing Dwarawati.

Suwuking gangsa sesegan ladjeng Ada-ada Girisa.

Ginem.

Sang Nata supena kapanggih Dèwi Titisari, nulja midji punggawa raseksa Kala Pragalba, dipun-utus ngaturaken nawala mring Dwarawati.

Ladrang BEDAT.

Madjengipun Kala Pragalba.

Suwuk Ada-ada Mataraman.

Sasampuning nampèni serat ladjeng mundur.

SREPEGAN PINDJALAN.

Sang Nata ladjeng djengkar.

Punggawa Kala Pragalba, Kala Bantjuring mjang ditya Kala Windu-bandung, Togog lan Saraita undang-undang ladjeng bidal.

Wonten ing margi kapapag punggawa Dwarawati, sulaja ginem ladjeng prang (gagal), simpangan margi.

Suwuk pačet Lindur.

Sasampuning katjaritakaken ladjeng :

Pačet sanga wantah.

V. Ladrang BABAD-KENTJENG.

5. Adeg ing Munggul-pawenang. R. Arja Wrekudara, kaadep putra R. Arja Gaṭutkatja.

Suwuking gangsa sesegan ladjeng Ada-ada Greget-saut.
Ginem.

R. Arja Wrekudara ndangu dènnja R. Arja Gaṭutkatja mboten kalingal, tan rena. R. Irawan badé palakrama teka dipun kèngkèn, rebih; R. Arja Gaṭutkatja kaḍawuhan nusul, ladjeng bidal nggegana.

VI. SUMEDANG, gending rebab, ketuk, 2, kerep, kenong, 1 (2. Gong), minggah ladrang LOMPONG-KĒLI.

6. Adeg ing pratapan Jasarata, Bagawan Djajawilapa, kaadep ingkang wajah R. Irawan, prepat punakawan kalijan tjantrik.

Suwuking gangsa pačet sanga ngelik.

Ginem.

Kautus ingkang rama ngaturi uninga, anggènipun sariranipun badé kaḍaupaken kalijan Dèwi Titisari putri Nata ing Dwarawati, saha njuwun pangestu. Kang éjang ngidèni sarta paring piwulang, patraping amengku garwa, tuwin ametja badé ḍaupipun wonten sambékala, nanging tan dadi ngapa, amung ingkang ageng kémawon prihatinipun, gia pamit wangsul mring pradja, kalilan ladjeng bidal.

Ketawang SUBAKASTAWA.

Lampahipun bambang Irawan kaḍèrèkaken parepat punakawan.

Ketawang dados Ajak-ajakan, ladjeng sesegan, suwuk tanpa pačet.

Ada-ada Greget-saut.

R. Irawan mandjing wana.

VII. Lantjaran DJANGKRIK-GĒNGGONG, gending gendèr.

7. Adeg samadyaning wana raseksa punggawa ing Djongbiradji, Kala Pragalba, Kala Bantjuring lan Kala Windu-bandung.

Suwuking gangsa Ada-ada greget saut.

Ginem.

Sami bingung tan wruh prenatal, sarta dènnja sami patrap sawenang-wenang.

Katungka praptanipun Togog lan Saraita, atur uninga wonten satrija langkung, nulja pinrepekan, sulajaning ginem dadya prang (kem-bang), tinlabung R. Gaṭutkatja, raseksa pedjah sadaja.

R. Irawan kalijan R. Gaṭutkaṭja pepanggihan bagé-binaḡé.
Paṭet Djingking trus Ajak-ajakan.
R. Gaṭutkaṭja anggegana, R. Irawan lampahira kaḡèrèkaken prepat,
ladjeng kundur mring Madukara, Sigeg.

VIII. GAMBIR-SAWIT, gending rebab, keṭuk, 2, kerep, kenong, 3 (4 Gong),
minggah KEṬUK 4.

8. Adeg ing Madukara, R. Djanaka lenggah lawan para garwa Dèwi
Wara Sumbadra, Dèwi Wara Srikanḡi, kaadep parekan, manggihi
R. Samba.

Suwuking gending paṭet sanga wantah.

Ginem.

R. Samba kautus ingkang rama Sri Baṭara Kresna, ngunduraken
dauping pangantèn R. Irawan kalijan Dèwi Titisari; Sang Ardjuna
njipta jèn tinampik, sarta ḡateng R. Samba njebut Radèn punika
katingalipun manawi panggaliḡ rengu, manawi ing kalahiran katingal
namung tansah mèsem; R. Samba ladjeng pamit mantuḡ.

Paṭet sanga djugag.

Ladrang KEMBANG-TANDJUNG.

R. Ardjuna animbali putra pangantèn anjar kang lagja pepasihan,
R. Abimanju lan Dèwi Siti Sundari.

Ginem.

Sasampuning tinodḡ ladjeng p'negataken, dyan Abimanju kantaka.

Sendon tlutur.

Dèwi Siti Sundari mantuk mring Dwarawati kalijan rawat waspa
namung kaḡèrèkaken abdi para-njai satunggal, praptanipun R. Irawan
matur sasolahing dinuta, nanging R. Ardjuna datan anggapé, nulja
Semar kang matur; R. Ardjuna ngandika ḡawuh ngeteraken Dèwi
Siti Sundari, sarta wineling: Sang Ardjuna kagungan babaran
ḡuwung ḡapur tjrita keprabon sarwa kaleresan, dèrèng dipun-sarungi,
mila kinèn njuwunaken warangka kadjeng tjendana ingkang èntjok
kembang kenḡit putih, gja biḡal.

Ajak-ajakan tlutur.

Lampahé dyah Siti Sundari tansah karuna, katututan R. Irawan
Ginem.

Nḡawuhaken welingipun ingkang rama, Dèwi Siti Sundari ledjar ing
panggaliḡ.

Paṭet sanga wantah.

Dèwi Siti Sundari, R. Irawan kalijan prepat ladjeng lampahipun
ḡateng Dwarawati, Sigeg.

IX. GALA-GOTANG, gending rebab, keṭuk, 4, kerep, kenong, 3 (4, Gong),
minggah KEṬUK 8 (kening kalintu ladrang ULUK-ULUK).

9. Adeg ing Djongbiradji Prabu Barandjana, kaadep emban Kalawarti
mjang punggawa Kala Mingkalpa.

Suwuking gangsa sesegan ladjeng Ada-ada manggalan.



Ngadjeng-adjeng punggawa raseksa kang dèn-utus dateng nagari Dwarawati.

Praptanipun Togog lan Saraita, ngaturaken tiwasing punggawa raseksa, déning pranakan Pandawa. Prabu Barandjana sakalangkung duka, arsa tedak mring Dwarawati rerempon, pinambergan emban Kalawarti, sagah andusta Dèwi Titisari. Sang Nata kapareng, kinantèn Kala Mingkalpa, ladjeng pamit mahawan ing gegana, Sigeg.

Santun patet manjura.

Patet manjura wantah.

X. GLIJUNG, gending rebab, ketuk, 2, kenong, 3 (4, Gong), minggah KETUK 4.

10. Adeg ing nagari Ngastina, Prabu Durjudana, Danghjang Durna, Patih Arja Sangkuni, R. Leksmara Mandrakumara, Kurawa.

Suwuking Gending patet manjura wantah.

Ginem.

Ngadjeng-adjeng dènnja kéngkénan Sri Baladéwa nglamar Dèwi Titisari dangu dèrèng mjarso pawarta.

Katungka sowanipun Patih Pragota, dinuta Prabu Baladéwa matur panembungipun Dèwi Titisari, Sri Batara Kresna sampun sumangga, mila R. Leksmara Mandrakumara kasuwun Sri Baladéwa, ladjeng badé dipun-daupaken, Prabu Durjudana maringaken, ladjeng bidal, dipun-dombani Patih Arja Sangkuni kalijan Kurawa.

XI. PUTJUNG, gending rebab, dipun-bukani tjeluk (swara dalang), ketuk, 2, kerep, kenong, 3 (4, Gong minggah ESEG-ESEG, KETUK 4.

11. Adeg ing nagari Dwarawati Sri Batara Kresna, Prabu Baladéwa, R. Samba, Arja Setyaki lan parekan.

Suwuking gending patet manjura wantah.

Ginem.

R. Samba matur dènira kautus mring Madukara ingkang paman wus datan sawala, kanthi lega-legawaning panggali.

Katungka praptanipun Dèwi Siti Sundari, matur jèn pinegataken kalijan ingkang raka R. Abimanju.

Sendon tlutur.

Dèwi Siti Sundari mring kadaton, R. Samba dinukanan, Prabu Baladéwa dèn-aturi sarèhné saweg kapambeng perlu, dauping pangantèn Ngastina njuwun sarèh rumijin. Sang Nata djengkar.

Sampun tanpa gending, manawi sarèh: Ajak-ajakan, manawi sereng sampak.

21. AJAK-AJAKAN.

Ing kenja-puri Pramèswari Dèwi Djembawati, Dèwi Siti Sundari, Dèwi Titisari.

Ginem.

Dèwi Siti Sundari matur manawi wineling marasepuh, minta badé warangka kadjeng tjendanasari ingkang èntjok kembang kenit petak.

Dèwi Djembawati kadugi raosing panggalih, Dèwi Siti Sundari gja tegak mring taman kalijan ingkang raji Dèwi Titisari. Praptèng taman Dèwi Titisari kinèn mètik sekar Srigading; ginetak prepat kagjat tumadjung ngrungkebi ingkang raka Dèwi Siti Sundari dèn-ontjati, dadya ngrungkebi R. Irawan, nulja pondongan, ladjeng kadaupaken bindhah kaidèn Pramèsuari.

13. Ing Taman Dwarawati raseksa dusta, emban Kala Warti kalijan Kala Mingkalpa, ngupadosi Dèwi Titisari, kadenangan R. Arja Gatutkatja, dadya prang. Kala Mingkalpa pinuntir djangganipun pedjah, Kala Warti ontjat lapur nring ratunja. Dèwi Titisari lan R. Irawan kabekta R. Gatutkatja mring nagari Ngamarta.

14. AJAK-AJAKAN.

Adeg ing pandapa Dwarawati, Sri Batara Kresna manggihi Prabu Baladéwa angirid pangantèn R. Leksmana Mandrakumara, Patih Arja Sangkuni lan Kurawa.

Ginem.

Minta pangantèn ladjeng kadaupaken. Sri Kresna njanggi krama. Dunirodjog praptanira Dèwi Siti Sundari lapur kang raji Dèwi Titisari kabekta dusta, dusta kang satunggal pinedjahan djuru-taman, nulja wangsul kang rama djiniwit.

Kurawa njunduk prajoga, kinira raseksa Pringgadani, Sri Madura lawan Kurawa sadaja bidal mring Ngamarta.

Sri Batara Kresna nusul mring Ngamarta, dyah Siti Sundari kabekta nèng kalpika. Sigeg.

XII. RITJIK-RITJIK, sesegan gending gendèr.

15. Adeg ing Djongbiradji Sri Kala Barandjana, kaadep panggawa raseksa, praptanipun raseksi emban Kala Warti.

Suwuking gangsa sesegan ladjeng Ada-ada greget-saut manjura.

Ginem.

Prabu Barandjana nampèni aturing emban manawi Kala Mingkalpa nanggih tiwas déning pranakan Pandawa kang nama Gatutkatja, malah samangké Irawan kalijan Dèwi Titisari sami kabekta dateng Nagari Ngamarta, mila kula boten nututi manawi kula manggih tiwas nboten wonten ingkang ngaturi uninga Ingkang Sinuhun. Sang Nata raseksa sakalangkung duka gja bidal nglurug mring nagari Ngamarta.

XIII. BANGBANG-WETAN, gending gendèr, ketuk, 2, kerep, kenong, 3 (4, Gong) minggah KETUK, 4.

16. Adeg ing nagari Ngamarta Prabu Yudistira, R. Wrekudara, R. Nang-kula saha R. Sadéwa; datengipun R. Gatutkatja, R. Irawan, Dèwi Titisari.

Suwuking gending sendon Sastradatan.

Ginem.

Praptanipun R. Gaṭutkatja sakadang, matur sasolahira, Dèwi Titisari kinèn mandjing kaḍaton, Sri Puntadéwa boten mriksani ladjeng mandjing kaḍaton kadèrèkaken R. Nangkula saha R. Sadéwa.

Praptanipun Prabu Baladéwa lan Kurawa pinanggih R. Wrekudara pijambak, njereg mring Pandawa dinakwa mendet Titisari, winang-sulan tan uninga, dadya prang, pinagolan R. Gaṭutkatja, R. Wrekudara, Kurawa kasor, Sri Baladéwa dipun-anggé untjal-untjalan R. Wrekudara lan putra.

Sri Batara Kresna ngasta sandjata tjakra murina ingkang raka kanggé untjal-untjalan, pinapag R. Angkawidjaja, njuwun sandjata tjakra badé kanggé njirnakaken sariranipun, Sri Kresna lempè kroḍanipun ladjeng sinikep Sang Ardjuna saking ing wingking, Sri Kresna alok kawon angsung tebusan Dèwi Siti Sundari.

Katungka gègèring ndjawi praptanipun Prabu Barandjana sedya soroh amuk, tinadahan R. Gaṭutkatja lan R. Wrekudara, prang sampak, raseksa sirna sadaja.

17. Adeg ing pandapa Ngamarta, Nata Pandawa sakadang lan Sri Kresna, pangantèn dipun-lestarèkaken daupipun, béndjing sapeken dipun-wiwaha wonten ing Dwarawati, kapanudjon karsa, ladjeng lenggah budjana andrawina.

XIV. Ladrang MANIS.

TANTJEB KAJON.

Prabu Barandjana ringgitipun nganggé danawa raton nè n-nèman.

5. LAMPAHAN WIWAHA = MINTARAGA

DJEDJER DWARAWATI.

Wiwit saking talu TJUTJURBAWUK, gending rebab, ketuk, 2, kerep, kenong, 3 (4, Gong) minggah PARÉ-ANOM KETUK, 4, kaladjengaken ladrang SRIKATON, dawah katawang SUKMA-ILANG, terus AJAK-AJAKAN MANJURA SREPEGAN dados SAMPAK.

I. KRAWITAN, gending rebab, ketuk, 4, kerep, kenong, 1 (2, Gong), minggah LADRANGAN.

1. Djedjer ing nagari Dwarawati, Sri Batara Kresna, kaadep R. Setyaka, R. Arja Setyaki tuwin parekan.

Suwuking gangsa patet nem ageng ladjeng Ada-ada Girisa.
Cinem.

Ngraosi késahipun ingkang raji R. Ardjuna déné sampun dangu mboten wonten pawartosipun, sang Nata singkel ing panggalih.

Sendon pananggalan, katampèn Ajak-ajakan dados sesegan.

Patih Hudawa mriksa gèrèring ngalun-alun, sasampuning nampèni aturing mantri ingkang karja gita punika satrija Sawodjadar kalijan Eumiratawu ingkang sowan.

Suwuking Ajak-ajakan tanpa patetan.

Medalipun patih Hudawa.

Patet nem djugag.

Ladrangan KEMBANG-PÉPÉ.

Lebetipun R. Nangkula saha Sadéwa.

Suwuking gangsa patet nem wantah.

Cinem.

Kautus ingkang raka Prabu Judistira ngaturi uninga késahipun ingkang raka Sang Ardjuna sampun dangu dumugi samangké dèrèng timbul tuwin dèrèng midanget pawartosipun, panggalih langkung èmèng, mila Sri Batara Kresna dipun aturi dateng ing Ngamarta, paring pitedah prajogining lampah. Sri Kresna sagah gja djengkar ngadaton.

Patet nem wantah.

R. Nangkula R. Sadéwa pamit ladjeng mundur.

Ajak-ajakan nem.

Sang Nata djengkar ngadaton, kèndel ing gapura.

Kasirep, tjéngkok pandjang mas.

Undering parekan.

Patet nem djugag (Sang Nata mandjing gapura).

II. TITIPATI, gending rebab, ketuk, 2, kerep, kenong, 3 (4, Gong) minggah KETUK, 4.

2. Adeg ing kadaton Pramèsware Nata tetiga Dèwi Djembawati, Dèwi Ruknini, Dèwi Setyaboma, tjèti pawongan aglar, konduring Nata pramèsware sami metuk.

Suwuking gending patet nem wantah.

Cinem.

Danguning siniwaka, gja djengkar lenggah budjana ladjeng mudja semèdi mring sanggar pamelengan.

Dipun-sendoni Kloloran.

Ada-ada Girisa.

Sri Batara Kresna mudja semèdi, laojeng anggegana murut kukusing dupa, sedya mring Ngamarta.

Srepegan nem, suwuk patet nem djugag.

III. KADATONAN-BENTAR, gending rebab, ketuk, 2, kerep, kenong 3 (4, Gong) minggah KETUK, 4.

3. Adeg ing pasowanan pagelaran. R. Setyaka, R. Arja Setyaki, amanggihi R. Arja Nangkula, R. Arja Sadéwa, ingkang ngadep patih Hudawa.

Suwuking gending sesegan ladjeng Ada-ada Girisa.

Ginem.

Dawuhipun Sri Batara Kresna, kadawuhan nguntapaken konduring tamu, patih Hudawa ladjeng tugur sadjawining rangkah, medal dawuh tata-tata.

Ada-ada astakuswala laras barang miring saking nem.

Patih wangsul ing ngarsa.

Ada-ada astakuswala laras barang miring saking tengah.

Patih dawuh bidalan.

Ada-ada bidalan mataraman.

Lantjaran WRAHATBALA gending gendèr.

Bidal kapalan, prang ampijak prampogan ngrata margi.

Patet Keçu.

IV. MADJEMUK, gending rebab, ketuk, 2, kerep, kenong, 4 (5, Gong) minggah KETUK, 4.

4. Adeg ing nagari Ngima-imantaka, naréndra raseksa Prabu Niwatakawatja, kaadep emban Kalajaksi mjang punggawa.

Suwuking gending sesegan ladjeng Ada-ada Girisa.

Ginem.

Prabu Niwatakawatja gandrung widadari Dèwi Supraba, ladjeng midji punggawa raseksa badé kautus mring Suralaja.

Ladrang Bedat.

Madjengipun punggawa Kala Mamangdana.

Suwuk sesegan ladjeng Ada-ada mataraman.

Sasampuning tampi dawuh kautus mring Suralaja kalilan bedol saka-bupatèn, unduripun.

Srepegan pindjalan.

Sang Nata raseksa djengkar.

Ing ndjawi punggawa raseksa Kala Mamangdana, Kala Mamangmurti mjang Kala Katung, nimbali Togog lan Saraita. sasampuning undang-undang ladjeng bidal dateng Suralaja.

Terus Srepegan.

Adeg para déwa Sanghjang Mahadéwa, Batara Jamadipati, Batara Patuk, Batara Temburu, wonten Repat-kepanasam, tampi dawuh ing

kahjangan badé dipun inggèhi Rasaksa saking nagari Manimantaka, mila para déwa kinèn ngirid wadya Durandara mapagaken kang minggah ing Suralaja.

Katungka gedering wadya raseksa dateng, ladjeng pinetukaken, tjampuh prang ramé gentos kalindih, dangu-dangu para déwa sami mundur boten tahan gandering danawa, tutup sakètèng, raseksa ngepang Suralaja.

Paṭet Lindur, sampuning katjaritakaken, ladjeng santun paṭet sanga.

Paṭet sanga wantah.

V. ONANG-ONANG, gending rebab, ketuk, 2, kerep, kenong, 3 (4, Gong), minggah KETUK, 4.

5. Adeg ing kahjangan Kaéndran, Sanghjang Surapati, kaadep Sanghjang Srita (Panjarikan), Sanghjang Maharesi, Sanghjang Mahadéwa lapur.

Suwuking gending Paṭet sanga.

Ginem.

Sanghjang Mahadéwa lapur wadya Durandara mundur boten tahan manbet gandering danawa, ladjeng tutup sakètèng.

Praptanipun Sanghjang Resi Narada, ndawuhaken para widadari anggoḍaa bagawan Tjiptaning, awit badé sinaraja ing Déwa.

Sanghjang Héndra tumutur Resi Narada maring karang kawidadaran. lenggah ladjeng dipun parak widadari Dèwi Supraba, Dèwi Wilutama, Dèwi Warsini, Dèwi Suréndra, Dèwi Gagarmajang, Dèwi Maṅsari saha Dèwi Prabarini.

Ginem.

Sami kaḍawuhan angrentjana bratanipun Sang Parta nèng guwa Pamintaraga, sami sandika, ladjeng biḍal.

VI. LAGU DEMPEL, gending rebab, ketuk, 2, kerep kenong 1 (2 Gong) minggah LADRANGAN.

6. Adeg ing Ngéndrakila guwa Pamintaraga Bagawan Tjiptaning, kaadep prepat punakawan.

Suwuking gending paṭet sanga ngelik.

Ginem.

Kasutapan sinamur nenanem, Bagawan Tjiptaning ladjeng mangsah semedi, prepat punakawan sami medal saking guwa.

Ladrang GONDJANG-GANDJING.

Dèwi Gagarmajang minḍa Wara Srikandi, Dèwi Suréndra minḍa Dèwi Gandawati, Dèwi Warsini minḍa Dèwi Hulupi, anggoḍa Sang Tjiptaning tjabar sadaja, sami mundur palarasan.

Suwuking gangsa paṭet sanga djugag.

Ladrang KEMBANG-TANDJUNG.

Gentos Dèwi Wilutama minḍa sangdyah Manuhara, Dèwi Supraba minḍa Retna Wara Sumbadra kalijan nganti putra alit R. Abimanju, angrentjana Sang Tjiptaning.

Suwuking gangsa Sendon rentjasih.

Bagawan Tjiptaning arsa kagimir tyasira, gja ngraga sakma.

Sendon tlutur.

Para waranggana mundur sami kawirangan, awit malah sami kasma-
ran mring Sang Parta.

Trus Ajak-ajakan.

7. Adeg ing pura kaèndran, Sanghjang Surapati, katungka praptanipun
para waranggana ingkang mentas anggoda Bagawan Tjiptaning, lapur
lampahipun tjabar.

Sanghjang Hèndra nulja tumurun mring Ngèndrakila, minda pandita
apeparab Padya.

Srepegan dados Ajak-ajakan.

Ing Ngèndrakila Bagawan Tjiptaning semèdi nèng salebeting guwa
pamintaraga.

Katungka praptanipun pandita Padya, nulja bantah lan Tjiptaning.
Bagawan Padya babar sanghjang Hèndra, mangsit badé datenging
nugraha, gja kondur ngahjangan.

VII. Ladrang KAGOK-MADURA, gendhing gendèr.

8. Adeg raseksa punggawa Manimantakan ingkang ngepang Suralaja,
manggalaning wadya ditya Kala Mamangdana, Kala Mamangmurti
tuwin Kala Katung.

Suwuking gangsa Ada-ada Greget-saut.

Ginem.

Sakétjaning lampah anggènipun badé nglebeti sakètèng ingkang
katutup. Katungka praptanipun Togog lan Saraita, ngaturi uninga,
Déwa katingal medali ing ngajuda, gja pinarepekan dadya prang,
déwa ingkang medali prang: sanghjang Mahadéwa, sanghjang
Maharesi; prangipun katingal kirang tanggon, djalaran boten tahan
gandaning raseksa; mila sanghjang Hèndra ladjeng nedaki njapih
kang bardajuda, marengaken panjuwunipun Prabu Niwatakawatja
anggènipun rabi widadari, kaparingan Dèwi Prabasini; namung sa-
réhné ingkang kaparingaken sanès Dèwi Supraba, mila punggawa
raseksa sapalih ndèrèkaken Dèwi Prabasini, ingkang sapalih taksih
baris tugur ing rapat kepanasan.

Sanghjang Hèndra ngahjangan, punggawa raseksa bidal.


VIII. GALAGOTANG, gendhing rebab, ketuk, 4, kerep, kenong. 3 (4, Gong) minggah KETUK 8.

9. Adeg ing Ima-imantaka Prabu Niwatakawatja, kaadep raseksi emban
tuwin ditya punggawa andel-andel Kala Mamangmurka.

Suwuking gendhing sesegan ladjeng Ada-ada Manggalan.

Ginem.

Sang Nata ngadjeng-adjeng punggawa kang dinuta mring Suralaja.
Katungka praptanipun Dèwi Prabasini kadèrèkaken ditya Kala
Mamangdana; sawusing tinampèn ladjeng kinèn mandjing kenja-puri



Bambang Kératarupa.

Namung Sang Nata angemu duka déning Déwa dèrèng minangkani Dèwi Supraba kang pinaringaken, miwah aturing wadya mijarsa pawarta jèn déwa arsa njaraja manungsa nama Ardjuna kang lagja tapa nèng Ngéndrakila. Sang Nata ladjeng dawuh nring Kala Mamangmurka anjirnakaken Ardjuna, djanma kang tapa nèng Ngéndrakila; Mamangmurka sandika ladjeng bidal kanti Togog lan Saraita.

Sapraptaning Ngéndrakila ladjeng ngrisak tanem-tuwuh, saking dènja ngupaja Sang Parta; dupi kénging prabawaning Sang tapa ladjeng warni raseksa sirah wraha.

Gègèring prepat punakawan gja matur sang Tjiptaning. Sang Tjiptaning ladjeng mapagaken sarwi agasta gandéwa, raseksa sirah wraha sinabdan dadya wraha wetah, sangsaja sru kroḍanira, nulja djinemparing katjunduk.

Katjarita Narèndra kang lelana Prabu Kératarupa, dupi uninga wonten wraha, ènggal djinemparing, saged pramana nunggil tatu lan djemparing Sang Bagawan Tjiptaning, nulja sinidikara dados djemparing satunggal, wraha nulja pedjah, pinarepekan Sang Tjiptaning lan Sang Kératarupa; dupi Sang Tjiptaning arsa angambil djemparing sarwi sumbar-sumbar, sinendu Sang Kératarupa, sulaja rebat ngaken medjahi, ladjeng prang, Sang Parta tansah kasoran, kénging djinambak ladjeng ngrangkus sukuning Sang Kératarupa arsa binanting mrutjut babar sanghjang Girinata. Paring kanugrahan kalalaraning sarira (tjandu sakti) tjinipta dadya djemparing nani Pasopati lan adji danurdara, sarta paring wasita jèn Sang Tjiptaning arsa sinaraja ing Déwa, sanghjang Guru nulja muksa.

Sendon rentjasih.

Sang Tjiptaning dupi tampi kanugrahaning déwa, ènget kadang garwa-putra kang kantun nèng pradja, dadya kumembeng kang waspa.

Datan antara katungka praptaning widadari tjaraka sakembaran, Dèwi Badra kalijan Dèwi Hérawana, kautus sanghjang Surapati, maringaken nawala saha busana dumateng sang Bagawan Tjiptaning, suraosing nawala, Sang Tjiptaning sinaraja ing déwa, njirnakaken Prabu Niwatakawatja narèndra raseksa ing nagari Ngima-imantaka, aturnja sandika.

AJAK-AJAKAN.

Sang Tjiptaning pangkat kérid widadari tjaraka, lampahnja nèng matgi tansah wiraosan isèn-isèning bawana miwah Ngéndra bawana. Wiwit santun patet manjura.

Patet manjura wantah.

IX. MONTRO, gènding rebab, ketuk, 2, kerep, kenong, 3 (4. Gong) minggah KETUK 4.

10. Adeg ing pura kaéndran, Sanghjang Surapati, kaaḍep pura djawata. Suwuking gènding patet manjura wantah.

Ginem.

Ngraosi waranggana kang dinuta nimbali Sang Tjiptaning.

Katungka praptanira Dèwi Badra, Dèwi Hérawana, ngirid Sang Ardjuna.

Ginem.

Nulja sang Ardjuna dinawuhan njirnakaken Prabu Niwatakawatja, Ardjuna njuwun kanti Batari Supraba kinarja sarana, kapareng, nulja nimbali Batari Supraba dèn-anggèn-anggèni walungsungani-pun Sanghjang Anantaboga, nulja mangkat, sang Ardjuna mandjing sengkangira Dèwi Supraba.

X. BREKUTUT-MANGGUNG, gending rebab, ketuk, 2, kerep, kenong, 3 (4, Gong) minggah KETUK 4.

11. Adeg ing kenja-puri Ngima-imantaka Dèwi Prabasini manggihi Dèwi Supraba.

Suvuking gending patet manjura wantah.

Ginem.

Dèwi Supraba asrah sarira njèti mring Prabu Niwatakawaja, nulja praptanira Sri Niwata-kawatja. Sawusing Dèwi Supraba matur njuwun njèti, nulja pinondong, Sri Niwatakawatja sakalangkung suka rena; dupi nèng pasuptan arsa winasésa, Dèwi Supraba angontjati. Sang Nata dadya duka, rinapu lilih, tinanja wawados pedjah-gesangipun sarta sirikanipun; ladjeng sadjarwa, Sang Nata èsmu piduwung. Sang Ardjuna medal saking sengkang, nèng ndjawi nggojang gaṭita, tengaraning raseksa, Sri Niwatakawatja dupi mijarsa gaṭita, guguping drija Dèwi Supraba sinèlèhaken, énggal medal ing ndjawi, sinumbaran Sang Ardjuna, kinèn nututi mring repat kepanasan, Sang Nata dawuh mring wadya sijoga rerempon mring Suralaja, ladjeng anggegana nututi lampahira sang Ardjuna, Sigeg.

XI. BANGBANG-WÉTAN, gending gendèr, ketuk, 2, kerep, kenong, 3 (4 Gong), minggah KETUK, 4.

12. Adeg ing Ngamarta, Sri Judistira, manggihi Sang Nata Kresna, R. Arja Wrekudara, R. Nangkula, R. Sadéwa.

Suvuking gending sendon Sastradatan.

Ginem.

Ngrudatos késahipun Sang Ardjuna. Sri Kresna ngarem-aremi, sarta ladjeng dawuh ngupaja mring Sang Arja Wrekudara lan putra Radèn Arja Gaṭutkatja dateng Repatkepanasan, medal ing ardi Djamurdipa, gja bidal. Ing ardi Djamurdipa R. Arja Wrekudara, R. Arja Gaṭutkatja kapanggih Resi Narada marah: ing Suralaja kainggahan parang-muka saking pradja Ngima-imantaka, jèn wonten raseksa minggah mring Repat-kepanasan kinèn nanggulangi, aturnja sami sandika, Sanghjang Narada ladjeng ngahjangan.

13. Ing Repat-kepanasan Sri Niwata-kawatja ajun-ajunan kalijan Sang Ardjuna, langkung ramé dènnja prang aliru prabawa; Sang Ardjuna sinawat tomara tinampèn ladjeng kinempit, Sri Niwata-kawatja langkung suka, kinira Sang Ardjuna wus palastra kénging tomara, gumudjeng nggagrak, sareng tutuknja menga, Sang Ardjuna nglepasi Pasopati, nglandjak telaknja Sri Niwatakawatja ladjeng palastra, para djawata sami suka angurmati ngudanaken kembang-kembang. R. Ardjuna pinapag widadari Dyah Maénaka, dawuhipun Sanghjang

Surapati dèn-djumenengaken Narèndra nèng Tédjamaja, andjedjuluk Prabu Kariṭi, pinaringan garwa widadari kasapta.

14. Ing ardi Djamurdipa R. Arja Wrekudara, R. Arja Gaṭutkatja ananggulangi wadya raseksa kang arsa minggah mring Suralaja, prang sampak, Sanghjang Narada nedaki, paring panarimah mring Sang Arja Wrekudara lan ingkang putra R. Arja Gaṭutkatja, sarta marah Sang Ardjuna taksih widadu, namung lagja kineker ing Déwa, nulja ngahjangan ; R. Arja Wrekudara, R. Arja Gaṭutkatja kondur mring Ngamarta.
15. Adeg ing Ngamarta, Prabu Juḍistira, Sri Kresna kaaḍep R. Arja Nangkula, R. Arja Sadéwa.
Praptanipun R. Arja Séna kalijan R. Arja Gaṭutkatja, wawartos purwa madya wasana.
Sri Juḍistira wonten énggaring drija, ladjeng mangun suka budjana andrawina.

XII. Ladrang MANIS.

TANTJEP KAJON.

-
1. Prabu Niwatakawatja, manawi ringgitipun boten wonten, nganggé danawa raton topong.
 2. Sang Ardjuna, manawi semèdi, bagawan Tjiptaning.
manawi perang, Djanaka.
manawi minggah ka-Hèndran, Djanaka topong.
-

6. LAMPAHAN MUSTAKA-WĒNI.

Wiwit saking talu TJUTJUR-BAWUK, gending rebab, ketuk, 2, kerep kenong, 3 (4, Gong), minggah PARĒ-ANOM, ketuk 4, kaladjengaken ladrang SRIKATON, dawah ketawang SUKMA-ILANG, trus AJAK-AJAKAN MANJURA, SREPIGAN, dados SAMPAK.

I. KARAWITAN, gending rebab, ketuk, 4, kerep, kenong, 1 (2, Gong) minggah LADRANGAN.

1. Djedjer ing nagari Dwarawati, Sri Batara Kresna, ingkang ngadep R. Samba, R. Arja Setyaki, parekan kalih.

Katjarita Sri Kresna miðanget pawarti jèn Nata Panðawa arsa ambangun tjanði Saptarengga, sandéjaning drija katjèta jèn badé wonten sambékala, nadyan datan dados punapa.

Suwuking gending paèt nem ageng, ladjeng Ada-ada Giriisa.

Ginem.

Sri Kresna dawuh mring putra R. Samba, angraosi kadang Nata Panðawa sanget oneng dangu datan kapanggih.

Sendon Pananggalan terus Ajak-ajakan.

Gègèring ngalun-alun, sawusing patih Hudawa mriksa ingkang dadya gita punika, R. Nangkula kalijan R. Sadéwa ingkang sowan, patih Udawa ladjeng mangarsa mring ngabjantara Nata, arsa ngundjuki uninga.

Suwuking gangsa tanpa paèt.

Unduring patih Hudawa badé andawuhaken madjeng R. Nangkula R. Sadéwa kadawuhan minggah mring siti-bentar.

Paèt nem djugag.

Ladrang KEMBANG-PÉPÉ.

R. Nangkula, R. Sadéwa mangarsa mring ngabjantara Nata.

Suwuking gangsa paèt nem wantah.

Ginem.

R. Nangkula R. Sadéwa kautus ingkang raka Sri Judistira ngaturi uninga jèn arsa ambangun tjanði Saptarengga; Sri Batara Kresna dipun-aturi rawuh andjenengi sarta paring pangèstu. Sri Kresna sagah, nulja dawuh mring R. Samba tengga pradja.

R. Nangkula R. Sadéwa pamit ladjeng mundur. Sri Batara Kresna arsa tedak mring pradja Ngamarta biðal saking sanggar pamelengan, gja djengkar ngadaton.

Ajak-ajakan.

Saug Nata kèndel ing gapura.

Ajak-ajakan kasirep tjéngkok paadjang mas.

Suwuk tanpa paèt.

Unduring parekan.

Paèt nem djugag.

II. TITIPAN, gending rebab, ketuk, 2, kerep, kenong, 3 (4, Gong), minggah KETUK, 4.

2. Adeg ing kenjapuri, Pramèswari Nata tetiga Dèwi Djembawati, Dèwi Rukmini saha Dèwi Setyaboma, konduring Naréndra. Pramèswari sami meṭuk, ladjeng lenggah saṭata.

Suwuking gending paṭet nem wantah.

Ginem.

Danguning sinéwaka katamuwan R. Nangkula R. Sadéwa, kautus Sri Judistira, Sri Kresna dipun aturi ndjenengi dènnja mbangun tjandi Saptarengga, marma bibaring budjana arsa mudja semèdi, badé teḍak mring Batana-kawarsa, gja djengkar budjana.

Dipun sendoni Kaloran.

Ada-ada Girisa.

Sri Baṭara Kresna mudja semèdi, ladjeng anggegana turut kukusing dupa, sedy a mring Ngamarta.

Srepegan nem, suwuk paṭet nem djugag.

- III. KADATON-BENTAR. gending rebab dioun bukani gendèr, keṭuk, 2, kerep, kenong, 3 (4, Gong), minggah KETUK, 4.

3. Adeg pasowanan pagelaran, R. Samba, R. Arja Setyakti, amanggihi R. Arja Nangkula saha R. Arja Sadéwa, ingkang ngadep Patih Udawa.

Suwuking gending sesegan ladjeng Ada-ada Girisa.

Ginem.

Dawuhing Sri Naréndra anguntapna konduring tamu, patih Udawa ladjeng tugur sadjawining rangkah, sarta ladjeng medal andawuhaken undang tata-tata samapta wadya kang andèrèk R. Samba.

Ada-ada Astakuswala raras barang miring saking nem.

Patih Udawa wangsul ing ngarsa.

Ada-ada Astakuswala raras barang miring saking tengah.

Patih Udawa andawuhaken bidalan.

Ada-ada budalan Mataraman.

Lantjaran MANJAR-SÈWU, gending gendèr.

Bidal kapalan, rampunging pianpogan ngrata margi.

Paṭet Kedu.

- IV. LANA, gending rebab, keṭuk, 2, kerep, kenong, 3 (4, Gong) minggah KETUK, 4.

4. Adeg ing nagari Ngima-imantaka Prabu Bumiloka lawan raji Prabu Bumisagara, kaadep patih Bumisasra, lawan punggawa.

Suwuking gending paṭet nem Lasem.

Ginem.

Késahipun Dèwi Mustaka-Wèni, sadèrèngipun késah asring raosan ingkang dipun-imp i sageda males njirnakaken Pandawa, sumerep males sédaning leluhuripun, mila Sang Nata arsa utusan punggawa raseksa angingsep-ingsep pawarti, ngupaja mring djaljahan nagari Ngamarta, gja midji punggawa raseksa.

Ladrang MUNTJER.

Adjenging punggawa ditya Kala Wilo-itaksa.

Suwuk sesegan ladjeng Ada-ada mataraman.

Ginem.

Dawuhing Naréndra kautus ngupadosi ingkang raji Dèwi Mustakawèni, mring laladan pradja Ngamarta, beḍol sakabupatèn, datan kalilan mantuk manawi dèrèng kapanggih.

Punggawa raseksa matur sandika, ladjeng mundur.

Srepegan pindjalan.

Punggawa raseksa mundur. Sang Nata djengkar.

Terus SREPEGAN.

Adeg ing pasowanan djawi, punggawa raseksa Kala Wilo-itaksa, Kala Klantangmimis tuwin Kala Bakija.

Suwuk Ada-ada Mataraman.

Ginem.

Kautus ngupadosi Dèwi Mustakawèni, beḍol sakabupatèn, ngantija Togog lan Saraita, gja undang wadya raseksa biḍal dateng tepis-wiringing nagari Ngamarta.

Ing margi kepapag wadya Dwarawati, sulajaning ginem dadya prang (gagal), punggawa raseksa pinambengan Widjamantri ladjeng njimpang margi.

Paṭet Lindur, katjaritakaken ladjeng santun paṭet.

Paṭet sanga wantah.

V. GAMBIR-SAWIT, gendhing rebab, ketuk, 2 kerep, kenong 3 (4, Gong) minggah KETUK, 4.

5. Adeg ing patapan Gambir-saketi bagawan Sidikwatjana kaaḍep ingkang wajah bambang Prijembada, kaaḍep prepat punakawan tiga Senior, Nala Garèng lan Pétruk, saha tjantrik.

Suwuking gendhing paṭet sanga ngelik.

Ginem.

Banibang Prijembada takèn sudarma, sarta njuwun pamit badé ngèstu padaning rama, saladjengipun suwita nèng pradja, kalilan.

Sang Pandita marah patraping suwita, pinaringan pangèstu kalilan ladjeng biḍal.

VI. Ladrang KAGOK-MADURA, gendhing gendèr.

6. Adeg samadyaning wana kiki ing Ngamarta, raseksa punggawa Ngima-imantaka Kala Wilo-itaksa, Kala Klantangmimis lawan ditya Kala Bakija, sami bingung boten sumerep prenah.

Suwuk sesegan ladjeng Ada-ada Greget-saut.

Ginem.

Anggènipun sami bingung nanging ditya Klantangmimis patrapipun tansah ugal-ugalan ndjarah-rajah ing padusunan, mila tijang sami bibar-bibar. Katungka Togog lan Saraita ngaturi uninga wonten satrija langkung nradjang barisan raseksa, nulja pinrepekan, sulajaning rembag dadya prang (kembang), raseksa pedjah sadaja, Togog lan Saraita mantuk lapur mring ratunipun.

Paṭet Djingking trus Ajak-ajakan.

Bambang Prijembada ladjeng lampahipun, Sigeg.

VII. Ladrang PANGKUR.

7. Adeg ing pretapan Gebang-tinatar bagawan Kala Pudjangga, kaadep siswarini Dèwi Mustakawèni ingkang ngemu rudatos.

Suwuk paèt sanga wantah.

Ginem.

Sang Dèwi njuwun idi arsa males sédaning rama, sedya njirnakaken pandawa, kalijan ngatingalaken kadibjanipun manjala warni saba sato, sang bagawan datan éram, malah anggudjeng, gja winarah warnija R. Gaṭutkatja, ngangkaha mendet mustika djamus (serat Kalimasada) mangka pedjah-gesangipun para pandawa. Kaleresan ing mangké para pandawa lagja ambangun tjanḍi Saptarengga.

Dèwi Mustakawèni sandika ladjeng warni R. Gaṭutkatja, pamit mahawan ing gagana, Sigeg.

VIII. RENJEP, gending rebab, keṭuk, 2, kerep, kenong, 3 (4, Gong) minggah ladrang ÉLING-ÉLING-KASMARAN.

8. Adeg ing kenja-puri nagari Ngamarta Pramèsuari Dèwi Drupadi.

Suwuking gangsa sendon Rentjasih.

Ginem.

Katah sasmita ingkang datan saé, mila panggalih tansah sami boten sakétja, Dèwi Srikanḍi pamit ingkang raka arsa busana kapradjuritan, sedya nganglang pringga; lagja mengker mandjing padandosan.

R. Gaṭutkatja prapta.

Ginem.

Kautus ingkang uwa Sri Juḍistira paring uninga dènnja ambangun tjanḍi tansah djugrug-djugrug kéwala, ing mangké serat Kalimasada kaparingna R. Gaṭutkatja, awit kinarja sarana pambangunan tjanḍi. Dèwi Drupadi maringaken mring R. Gaṭutkatja, Kalimasada pinarnah nèng kantjing gelung. ladjeng pamit wangsul dateng Saptarengga, lampahira gegantjangan.

Dèwi Srikanḍi dupi wus paripurna dènnja ngrasukbusana kapradjuritan, ladjeng ing ngarsaning raka Dèwi Drupadi, kagiat labet kadi wonten tamu, salebeting wardaja datan sakétja.

Dèwi Drupadi paring uninga bilih R. Gaṭutkatja ingkang sowan, kautus Prabu Juḍistira mundut serat Kalimasada, sampun binektakaken.

Dèwi Srikanḍi ladjeng nututi.

Ing margi lampahipun R. Gaṭutkatja katututan, dinangu tinliti serat Kalimasada kapundut, boten angsal, wekasan dadya prang, R. Gaṭutkatja djinemparing babar dadya Retna Mustakawèni, ladjeng ontjat anggegana.

Sendon Tlutur.

Dèwi Wara Srikanḍi kari anggana kawlas arsa, nalangsa dènnja tan saged mahawan ing gegana. Dupi panggalih wus lerem, ladju tuwuh kasudirannja, gja nututi nglatjak lampahipun Dèwi Mustakawèni.

Nèng margi kapetuk lampahnja bambang Prijembada, sawusing kateringaken ladjeng ngabekti ingkang ibu, nulja djinarwan lalampahaning pradja Ngamarta dènnja kètjalan serat Kalimasada dumugi kapanggih bambang Prijembada punika, wasana bambang Prijembada sagah nututi duratmaka wanita kang ambekta serat Kalimasada, Sang Retna wara Srikanḍi mangkat.

Ingkang wonten djumantara Dèwi Mustakawèni lampahipun katu-
tutan bambang Prijembada, dadya prang, Dèwi Mustakawèni tansah
karépotan; ananging serat Kalimasada dèrèng saged karebat bambang
Prijembada.

Madeg bagawan Kala Pudjangga, Dèwi Mustakawèni prapta ladjeng
ngèstupada ngaturaken lelampahan, miwiti ngantos wekasan pinanggih
punika, serat Kalimasada dipun uningakaken Sang bagawan; Dèwi
Mustakawèni ginunggung dèn-alembana wekasan bagawan Kala Pu-
djangga babar dados bambang Prijembada, ladjeng prang, Dèwi
Mustakawèni kèter tandangipun, ladjeng ontjat.

Dèwi Mustakawèni mantjala warni Sanghjang Narada, mundut serat
Kalimasada, bambang Prijembada njaosaken, Hjang Narada babar
Dèwi Mustakawèni, ladjeng ontjat.

Trus AJAK-AJAKAN.

Adeg nagari Ngima-imantaka prabu Bumi-loka, ari Prabu Bumi-
sangara, Patih Bumisasra, lan kaaqep punggawa.
Praptanipun Dèwi Mustakawèni.

Suwuk patet sanga wantah.

Gineni.

Dèwi Mustakawèni matur sasolahira wiwitan praptèng wekasan, sarta
sumbar-sumbar, ing samangké pedjah-gesangipun Pandawa wus nèng
ngasta, Sang Prabu dahat angalembana, wekasan serat Kalimasada
dipun tjaosaken uninga ing raka nata, ladjeng tinampèn.

Prabu Bumi-loka babar bambang Prijembada, ari Prabu Bumisangara
babar Pétruk, Patih Bumisasra babar Nala Garèng.

Dèwi Mustakawèni sanget bendu, ladjeng prang malih, ngaben
pangabaran warni-warni, wekasan Dèwi Muskatawèni djinemparing
singal busananira katut ing djemparing, Dèwi Mustakawèni kawir-
angan, nulja ambjur kungkum ing tlaça, ladjeng tinantun punapa
purun teluk dateng bambang Prijembada, mangsuli purun djandji
busana énggal dipun wangsulaken.

Wiwit santun patet manjura.

Patet Manjura wantah.

Dèwi Mustakawèni sasampuning ngrasuk busana ladjeng ngabekti
dateng bambang Prijembada sarta pratignja prapta mandjanmaa
kaping sapta lestarija dadya pawongan, gja biçal mring pradjaja
Ngamarta, Sigeg.

IX. PUTJUNG, gending rebab (dipun bukani swara dalang), ketuk, 2, kerep,
kenong, 3 (4, Gong) minggah ÈSÈG-ÈSÈG KETUK, 4.


9. Adeg ing tarub wawangunan sadjawining tjapuri tjandi Saptarengga,
R. Arja Nangkula lan Sadéwa, R. Arja Gaṭutkatja.

Suwuking gending patet manjura wantah.

Ginem.

Pambanguning tjapuri (pager-bumi)ning tjandi Saptarengga tansah
djugruk, ingkang lèr dipun leresaken, ingkang kidul ambruk; kilèn
dipun leresaken, ingkang wétan djugruk.

Sarèhné datan pinanggih ing nalar, kaélokana wau mila ladjeng dipun
aturaken Sri Juḍiṣṭira kéwala, ladjeng biçal.



Dèwi Mus'akawèni.

Adegan ingkang tanpa gending, manawi sarèh : AJAK-AJAKAN,
manawi sereng : SAMPAK.

10. Adeg ing tarub pakuwoning Nata Pandawa Prabu Judistira, Sri Batara Kresna, R. Arja Wrekudara, R. Arja Ardjuna. Lagja sakétja lenggahan, katungka sowanipun pangadjeng kartijasa R. Arja Nangkula saha Sadéwa tuwin R. Arja Gatutkatja.

Suwuk patet manjura djugag.

Ginem.

R. Arja Nangkula lapur panggaraping pager-bumi tansah karisakan, ingkang boten pinanggih ing nalar, mila sumangga kaka Prabu. Prabu Judistira, Sri Arimurti dahat ngungun, namung Prabu Judistira ènget sarèhné mustika djamus datan binekta, mila badé utusan mendet, mbokmanawi punika ingkang andjalari katähing rubéda. Katungka praptanipun Retra wara Srikanthi dumrodjog tanpa larapan lanpahnja agita-gita.

Ginem.

Ngaturi uninga manawi salebeting pura kalebetan sandiupaja pangéndra-djalaning mengsah, manjala warni kaki prabu Pringgadani, ngaken kautus mundut serat Kalimasada, ladjeng dipun bektakaken; dupi manah kula datan sakétja, ladjeng kula tututi kapanggih kalam-pahan banda-juda; sareng kula lepasi djemparing, babar warni èstri ladjeng anggegana, ngakenipun putri ing Ngima-imantaka, kula ngladjengaken anglatjak, wonten ing margi kepanggih laré djaka ngaken nama bambang Prijembada putra R. Ardjuna, sagah ngupadosi.

Sendon Sastradatan.

Sang Nata pandawa langkung sungkawa, dèn-imur-imur Sri Kresna, wekasing ginem, rèhné wonten tangadur, perlu ladjeng kondur mring pradja Ngamarta rumijin. Sigeg.

X. Lantjaran RINTJIK-RINTJIK, gending gendèr.

10. Adeg ing nagari Ngima-imantaka Prabu Bumi-loka, Prabu Bumi-sangara, patih Bumisasra.

Suwuk sesegan ladjeng Ada-ada manjura.

Ginem.

Dènnja sang Nata utusan punggawa raseksa déné wus dangu dèrèng wonten prapta, sarta dèrèng sami midanget pawartos. Dumrodjog tanpa larapan praptanipun Togog lan Saraita. Lapur ngaturaken duta panglawung, punggawa raseksa wonten wana kapapag pranakan pandawa (Prijembada), sulajaning ginem dadya prang, raseksa pedjah sadaja. Wewah midanget pawarti ing samangké Dèwi Mustakawèni sampun kabojong bambang Prijembada mring Ngamarta.

Sang Nata sakalangkung duka, nulja angundangi wadya bidal nglugrug mring Ngamarta.

XI. BANGBANG-WĒTAN, gending gendèr, ketuk, 2, kerep, kenong, 3 (4, Gong), minggah KETUK, 4.

11. Adeg Sang Prabu Juḍiṣṭira, Sri baṭara Kresna, R. Arja Wrekudara, R. Arja Ardjuna, R. Arja Nangkula, R. Arja Sadéwa saka R. Arja Gaṭutkatja.

Suwuking gending sendon Sastradatan.

Ginem.

Ngrudatos dènnja pusaka kalimasada itjal dèrèng kapanggja. Prapta-nipun bambang Prijembada kalijan Retna Mustakawèni ngaturaken jèn Kalimasada sampun kapanggja, pandawa wus ledjar; bambang Prijembada dinangu punapa sampun remen sajektos kalijan Dèwi Mustakawèni, aturipun sampun sami remen, ladjeng daup, pondongan. Katungka gedereng djawi praptanipun mengsah Narèndra ing Ngima-imantaka soroh amuk, pinagolan R. Arja Gaṭutkatja, R. Arja Wrekudara. Prabu Bumi-loka, Prabu Bumisangara sirna sawadyanira (prang sampak amuk-amukan).

Adeg ing pandapa Prabu Juḍiṣṭira, Sri Kresna, Sang Arja Séna, R. Arja Ardjuna, R. Arja Nangkula-Sadéwa tuwin R. Arja Gaṭutkatja.

Mangun suka budjana andrawina.

XII. Ladrang MANIS.

TANTJEB KAJON.

Prabu Bumi-loka nganggé ratu sabrang telengan, topong.

Prabu Bumi-sangara nganggé ratu sabrang telengan keton.

Dèwi Mustakawèni nganggé èstrèn srambahan èndèl.

Bambang Prijembada nganggé bambang luruh.

Bagawan Sidik-watjana nganggé pandita Kanwa.

Bagawan Kala Pudjangga nganggé pandita Danawa (Bagaspati).

7. LAMPAHAN KANGSA ADU-ADU.

WIWIT SAKING TALU TJUTJUR-BAWUK, gending rebab, ketuk, 2, kerep, kenong, 3(4, Gong), minggah PARE-ANOM, KETUK 4, kaladjengaken ladrang SRIKATON, dawah ketawang SUKMA-ILANG, terus AJAK-AJAKAN MANJURA SREPEGAN, dados SAMPAK.

I. KRAWITAN gending rebab, ketuk 4, kerep, kenong 1 (2, Gong) minggah LADRANGAN.

1. Djedjer ing nagari Madura Prabu Basudéwa, kaadep R. Arja Prabu Rukmaka, R. Arja Ugraséna, Patih Saragupita tuwin parekan.

Suwuking gending patet nem ageng ladjeng Ada-ada Girisa.
Ginem.

Ing paséwakan sarta ngraosi dènnja R. Kangsa tansah anggegabah wadya raseksa.

Sendon pananggalan terus Ajak-ajakan.

Gedering ngalun-alun Patih Saragupita mriksa ingkang karja gita, sampun nampèni aturing mantri; ingkang dadya gita punika wadya raseksa ing Kadipatèn andjadjari sowanipun Radèn Kangsa.

Patih Saragupita ladju mangarsa mring ngabjantaréndra, lapur ingkang damel gita punika Radèn Kangsa sowan djinadjaran wadya raseksa ing Kadipatèn, ing mangké kula rantun ing Pagelaran, dawuhing Naréndra kinèn minggah ing Sitibentar.

Suwuk tanpa patet.

Unduring Patih saking ngarsa Nata.

Patet nem djugag.

Ladrang REMENG.

R. Kangsa mangarsa ing ngabjantara Nata.

Suwuk patet nem wantah.

Ginem.

R. Kangsa darbé panjuwun :

1. Aben-abèn tijang wonten ing alun-alun, sawungipun ditya Suratimantra, Sang Nata dipun aturi nandingi ;

2. Njuwun kuwaos angundangaken sadaja djanma bawah Madura, djalu-èstri nèm-sepuh raré kedah medal ningali aben-abèn tijang, manawi wonten ingkang nglirwakaken dèn ukum awrat déning R. Kangsa ;

3. Ngrampas manawi wonten djanma karja alun-alun, nanem waringin kurung sarta ngingah limar.

Sang Nata èsmu awrat, mundut panimbang R. Arja Prabu Rukmaka, dèrèng ngantos ngaturaken panimbang, R. Kangsa wadananja semu abrit, pratanda dahat bramantya, Sang Nata kapeksa mangsuli kapareng. Déné sawung djanma ingkang bade dipun tanding lawan ditya Suratimantra, arsa ngupaja dingin, R. Kangsa lega ing drija gja pamit mundur.

Ada - ada Girisa.

Unduripun R. Kangsa saking siti-bentar, R. Arja Prabu Rukmaka kadawuhan nuwèni putra - putra ingkang wonten ing Widara - kang, bédjing jèn ing alun-alun wonten aben-abèn tijang sami datan

pareng ningali. R. Arja Ugraséna kadawuhan ngupados djanma ingkang sarwa sembada, pantes dipun tandèng kalijan ditya Suratimantra; Sang Nata djengkar.

Ajak-ajakan nem.

Sang Nata kèndel ing gapura.

Ajak-ajakan kasirep tjéngkok pandjang mas.

Suwuking Ajak-ajakan tanpa paèt.

Unduring parekan paèt nem djugag.

II. KANJUT, gending rebab, ketuk, 4, kerep, kenong, 3 (4, Gong), minggah KETUK, 8.

2. Adeg ing kenja-puri Pramèswari Nata Dèwi Rohini saha Dèwi Badraini, kang ngadèp pawongan tjèti aglar ing ngarsa. Konduring Naréndra Pramèswari sami mètuk, sasampunipun ladjeng lenggah.

Gangsa suwuk paèt nem wantah.

Ginem.

Danguning lenggah siniwaka, sowanipun R. Kangsa njuwun ngaben sawung djanma, sapanunggilanipun, Sang Nata sampun kapareng, R. Arja Prabu Rukmaka kautus nuwèni putra-putra ingkang wonten Widara-kandang.

R. Arja Ugraséna kinèn ngupados sawung.

Pramèswari sami dahat ngungun, gja djengkar nulja lenggah budjana, ladjeng memudja.

Dipun sendoni Kloloran.

III. KADATON-BENTAR, gending rebab dipun bukani gendèr, ketuk, 2, kerep, kenong, 3 (4, Gong), minggah KETUK, 4.

3. Adeg ing pagelaran R. Arja Prabu Rukmaka, R. Arja Ugraséna, kang adèp Patih Saragupita, Patih Saraprabawa.

Suwuking gending sesegan, ladjeng Ada-ada Girisa.

Ginem.

Paring sumerep dawuhing raka Naréndra, maring patih kakalih, sarta ladjeng andum karja; R. Arja Prabu Rukmaka kanthi Patih Saragupita dateng Widarakandang, déné R. Arja Ugraséna namur kula ngupaja sawung djanma ing pundi sa-angsalipun, Patih Saraprabawa tengga pradja ngladosi karsa Naréndra.

Patih Saragupita ladjeng medal ing djawi undang-undang kang arsa ndèrèk wadya sawatawis, kinèn 'ata-tata pradangdosan miwah njejè-jakaken turangga.

Ada-ada asta-kuswala laras barang miring saking nem.

Patih Saragupita wangsul mangarsa.

Ada-ada astakuswala laras barang miring saking tengah.

Patih Saragupita medal andawuhaken bidalan.

Ada-ada budalan mataraman.

Lantjaran KEBO-GIRO, gending gendèr.

Bidal kapalan, prampogan ngrata margi.
Suwuk dipun suluki patet Keçu.

IV. BABAT, gending rebab, ketuk, 2, kerep, kenong, 3 (4, Gong), minggah KETUK, 4.

4. Adeg ing kadipatèn Sengkapura (Madura) R. Kangsa, ingkang lenggah satata ingkang paman ditya Suratimantra, ingkang minangka patih njepeng bangbang pangalun-aluming kadipatèn Sengkapura ; ingkang ngadep ditya punggawa.

Suwuking gending patet lasem.

Ginem.

Paring sumerep panjuwunipun dateng ingkang rama sampun kaparengaken sadaja :

1. aben-aben sawung tijang ;
2. njuwun kuwaos undang-undang ;
3. ngrampas djanma ingkang karja alun-alun nanem waringin sengeran, ngingah dwipangga.

Ing sumangké karsanipun R. Kangsa malah punggawa raseksa bedol sakabupatèn, angundangaken sadengah djanma ing Madura kedah ningali aben-aben tijang mring alun-alun, tuwin ngupados djanma wanudya ingkang wedalanipun dinten anggara-kasih wuku Landep lairipun ndjungkir kalung usus, punika arsa kinarja palara-lara; gja midji punggawa raseksa. Ada-ada Mataraman.

Punggawa raseksa ingkang ngadep medal nimbali punggawa raseksa ingkang nggantung lampah.

Ladrag MUNTJÈR.

Punggawa raseksa Kala Pralemba sowan mangarsa, kadawuhan dateng bawah patang pamantjat, ngundangaken sadengah tijang kedah ningali aben-aben sawung tijang, miwah ngupaja wanudya kagem palara-lara sapanunggilanipun kasebut rginggil, aturnja sandika.

Srepegan pindjalan.

Kala Pralemba medal, R. Kangsa djengkar.

Trus SREPEGAN.

Ing pasowanan pangurakan Kala Pralemba, Kala Gending-tjaluring tuwin Kala Katung.

Suwuk Ada-ada Mataraman.

Ginem.

Dawuhipun R. Kangsa, angundangna ing bawah patang pamantjat, tuwin ngupaja wanudya arsa kagem palara-lara.

Lurah Widjamantri lawan Saraita kinèn undang wadya raseksa engklèk-engklèk balung tandak gendjong waru dojong, ladjeng bidal.

Suwuk patet nem djugag.

V. Ladrag KAKI-KAKI TUNGGU DJAGUNG.

5. Adeg ing dusun Widara-kandang bujut Antagopa lan sémah njai Sagopi nèng pandapi.

Suwuk paṭet nem wantah.

Ginem.

Pamedaling ḍusun panèn gadu, wedaling palawidja, ladosan uwos dateng kraton, sarta wontenipun radjakaja.

Katungka rawuhipun R. Arja Prabu Rukmaka, nguwuh-uwuh saking sadjawining parégolan, bujut Antagopa dupi mjarsa gurawalan ladjeng metuk, nulja tunduk njepeng kendali ngarung tumpakanipun R. Arja Prabu Rukmaka, kalijan dinangu redjaning padusunan Widarakandang, golongan warni-warni, dumugi tritising pendapi R. Arjaprabu tumurun saking turangga, lenggah madyaning pandapi, bujut Antagopa makiḍupuh ing ngarsa.

Suwuking gending paṭet nem djugag.

Ginem.

R. Arjaprabu kautus ingkang raka Nata anuwèni putra-putra. R. Kakrasana wonten pategalan awis mantuk (karja pepetan alun-alun, namem waringin kembar, ngingah liman), R. Narajana kalijan Udawa sampun satengah tjandra boten mantuk, késahipun tan kantenan, Retna Bratadjaja saweg remen tumut matun gaga. Bujut Antagopa dinukunan, ginalih datan saged mituturi sarta ngreksa wewadosing kraton Madura, ing samangké para putra kang wonten Widarakandang wus kawedaka saking Kadipatèn. Bujut Antagopa ladjeng djinemalan R. Arjaprabu.

R. Kakrasana kapanudjon prapta saking pategilan, uninga bujut Antagopa rinangkèt djanma, kagjat nulja tinulungan, R. Arjaprabu ngonjtati, ladjeng nitih turangga kaḍèrèkaken patih Saragupita, kèndel ngawasaken warnané R. Kakrasana.

R. Kakrasana tjinegatan bujut Antagopa, dèn-dunungaken kang duka wau kadanging Nata Madura, dènnja dinukunan ngakeni panjen lepat, gja winarah ngrombaka alun-alun, ambedoli waringin kurung sarta ambutjal limanipun, miwah tan angsal késah-késah.

R. Kakrasana tinakènan kang raji R. Narajana lan Udawa dateng pun-di, mangsuli datan wikan, ladjeng njirnakaken liman, mbedoli ringin kurung, ladjeng késah ngupaja R. Narajana.

Sapengkeripun R. Kakrasana katungka praptanipun ditya punggawa ing Kadipatèn Sengkapura, nembung Dèwi wara Sumbadra pinundut R. Kangsa kinarja palara-lara.

Bujut Antagopa kumbi tan gadah anak Dèwi wara Sumbadra, sulajaning ginem dadya prang (gagal), bujut Antagopa wus wreḍa sakalangkung teguh wentala, nanging kinarubut raseksa kaṭah, dangu-dangu kénging rinuket ladjeng dèn uger ing saka pandapa, raseksa ngubres salebeting grija.

Njai Sagopi dupi wikan wonten raseksa kaṭah adamel resah, Retna wara Sumbadra ladjeng ginéndong dèn ungsèkaken, nanging ladjeng katututan ditya Kala Gendingtjaluring, Togog tuwin Saraita, dupi sami nedà wara Sumbadra ladjeng binalituk, kénging gunané njai Sagopi, wekasan sami galujuran kadi nandang kundjana papa, njai Sagopi ragi benggang lawan raseksa, énggai lumadjeng, para raseksa kang saras sumerep njai Sagopi lumadjeng sami nututi, namung njai Sagopi ladjeng angglundung ing djurang, danawa nututi kandeg, nulja dawuh ngepang djurang, Sigeg.



Radèn Kangsa.

Paṭet Lindur.

Ladjeng santun paṭet sanga.

Paṭet sanga wantah (anedahaken sampun paṭet sanga).

Ada-ada manjura (njambut manjura kanggé gara-gara).

Kautjapaken pratjékaning gara-gara, rampung ladjeng sampak Manjura.

Nala Garèng lan Pétruk sami kerengan, Nala Garèng binanting kedjèt-kedjèt gja Pétruk njembah Nala Garèng ladjeng pinondong.

Adeg lurah Semar idjèn.

Suwuking sampak paṭet manjura djugag.

Nala Garèng dèn undang Semar sinambi sesendonan kagok ketanon, Pétruk prapta abebanjolan, nulja sowan bandara R. Pamadi kang lagja singkel ing drija.

VI. Lagu DEMPEL, gending rebab, ketuk, 2, kerep, kenong, 1 (2, Gong) minggah LADRANGAN.

6. Adeg samadyaning wana R. Pamadi kang lagja singkel ing drija.

Suwuking gangsa paṭet sanga ngelik.

Ginem.

R. Pamadi raga énggaring drija dupi mijat prepat sami bebanjolan, namung R. Ardjuna datan waléh kursanira, mila prepat namung tansah ngaturi kondur.

Sendon tlutur (sabawa karuna).

Sareng wus pratéla jen tangising djanma, R. Pamadi ladjeng mrepeki, pinanggih njai Sagopi kalijan Retna Bratadjaja kang samja karuna.

Ginem.

Njai Sagopi tinanja ladjeng ngandaraken dènira binudjung raseksa, lakinira dèn wijungjung raseksa.

Retna Bratadjaja tinitipaken R. Pamadi, njai Sagopi mantuk mring Widadarakandang, Retna Bratadjaja kinèn miré tinengga lurah Semar.

Ada-ada greget-saut.

Srepegan sanga.

Praptanipun raseksa Gendingtjaluring, minta beburonira, R. Pamadi angekahi, suwalaning ginem dadya prang (kembang), wekasan raseksa pedjah sadaja, Togog lawan Saraita lapur mring Kadipatèn, R. Ardjuna ndangu lurah Semar, Wara Sumbadra wonten pundi déné boten katingal, winangsulan bokmanawi késah.

Ada-ada greget-saut, ladjeng sampak tanggung.

R. Ardjuna nututi pladjengipun Retna wara Sumbadra, Sigeg.

VII. SEMÈRU, gending rebab, ketuk, 2, kerep, kenong 3(4, Gong) minggah KETUK, 4.

7. Adeg ing patapan Dwarawati bagawan Padmanaba, lenggah nèng madé patjrabakan, ingkang nèng ngarsa R. Narajana.

Suwuk paṭet sanga wantah.

Ginem.

Dénja puruita R. Narajana, wus winulang adjé djaja kawidjajan, kacigdajan, kasantikan, kanuragan, miwah kasampurnan sampun widagda, ladjeng winewahan kawruh kapradjan, pungkasan winarah; R. Narajana, R. Kakrasana tuwin Retna Wara-Sumbadra punika sedjatosipun sanès anakipun bujut Antagopa, ananging putra Naréndra ing Madura prabu Basudéwa, déné R. Kangsa punika sanès putranipun Prabu Basudéwa, leres ibunipun Pramèsvari Madura, namung ingkang mantjeri Prabu Gorawangsa, naréndra raseksa ing nagari Guwagra. Ing samangké wus wantji sirnanipun R. Kangsa; R. Narajana dipun pusakani sandjata tjakra, panggrahing satru murka, kalijan Sekar widjaja-kusuma panguriping wong sa-bumi, sarta winarah ing tembé sagéd djumeneng Nata, dadya pamonging brata pandawa, marma énggal kinon mring Madura ningali aben-aben sawung djanma. R. Narajana njagahi, dasar wus sarwa widagda wruh sadèrènging winarah.

Sang Bagawan Padmanaba minta sarana pantjadaning panunggal lawan R. Narajana, sengadi badé sumerep duwungipun R. Narajana, ladjeng tinebruk sang bagawan, sanalika nemahi pralaja, dupi rinungkeban R. Narajana, mawa prabawa latu murub akantar-kantar jajah sundul ing ngakasa, sakala kuwanda sirna.

Ing sadjawining patjrabakan, R. Udawa dupi mjat salebeting patjrabakan wonten dahana murub, angalad-alad kadi ambasmi patjrabakan, njipta jèn R. Narajana, sirna geseng déning dahana, datan saranta kontening patjrabakan kang taksih kemantjing nulja tinebak ambrol ladjeng linebetan, wasana R. Narajana taksih katingal lenggah nèng madyaning patjrabakan, Udawa ladjeng makidupuh.

Ginem.

R. Narajana ngandika jèn putra Nata Madura, Udawa anak bujut Antagopa sapanunggilanipun, ladjeng dipun kèn mantuk dateng Widarakandang nulungi bujut Antagopa sarta narupaken tijang kang sami lumadjeng, R. Narajana badé ningali aben-aben. Udawa sandika ladjeng mangkat, R. Narajana ngladjengaken lampah, Sigeg.

VIII. TJANDRA. gending rebab, ketuk, 2, kerep, kenong 3, (4, Gong) minggah KETUK, 4.

8. Adeg ing pratapan Arga-belah, R. Kakrasana kang lagja mudja semèdi, katjarita dènnja tapa wus katarima, nulja katurunan ing Sanghjang Brahma.

Suwuking gending patet sanga wantah.

Ginem.

Sanghjang Brahma kautus Sanghjang Girinata maringaken kanugrahan, marah sadjatiné R. Kakrasana putra Prabu Basudéwa, déné Kangsa satrija Kadipatèn sanès putra Prabu Basudéwa, ananging ingkang mantjeri Prabu Gorawangsa ing Guwarga, ing ngadjeng winongwong ing déwa, samangké wus wantji sirna, mila R. Kakrasana pinaringan sandjata Nenggala kalih Alu-gora kinarja njirnakaken Kangsa, ing tembé R. Kakrasana badé djumeneng Nata ing Madura, marma énggal datenga ing alun-alun, R. Kakrasana ladjeng pangkat ningali aben-aben sawung djanma.

Wonten ing margi kapanggih ingkang raji Sang Retna Bratadjaja.

Ginem.

Wadul salwiring lelampahan, wekasan pinota-pota tijing djaler, samangké maksih nèng wuri. R. Kakrasana mireng wadul bramantya, ladjeng mapagaken lampahipun R. Pamadi, kepanggih, R. Pamadi minta beburonira, sulajaning rembag dados prang, R. Kakrasana tansah kasoran.

Katungka praptanipun R. Narajana, winadulan R. Kakrasana kalijan Dèwi Sumbadra. R. Narajana tansah maiben, kang raka dèn mimiringi dènnja ngendel-endelaken tampi kanugrahaning déwa angsal Nenggala kalijan Alu-gora, wekasan R. Narajana madjeng mangsah prang.

R. Pamadi ngaken sampun kawon, ginotjo kadya palastra, ladjeng dipun kèlèkaken ing lèpèn, ingkang andjundjung kunarpa ingkang kuwawi namung Retna Bratadjaja (Katingalipun palastra katjemplungaken lèpèn ladjeng kèli, prepat ngetutaken sapurugipun, pika-djengipun R. Pamadi boten palastra, malah winarah djatining lampahan, Pamadi ngèli = manut mring alun-alun ngreksa Retna Bratadjaja, dados pragak, R. Narajana saha R. Kakrasana badé njirnakaken Kangsa, anggènipun mawi perang kanggé andjangkepi kawruh padalangan, prang sintrèn = sampak tanggung). R. Narajana R. Kakrasana saha Retna Bratadjaja ladjeng sami biḍal dateng alun-alun, Sigeg.

Paḍet Manjura wantah (wiwit santun paḍet manjura).

- IX. BUDJANGGA-NOM, gending rebab, ketuk, 2, kerep, kenong, 3 (4, Gong) minggah KETUK, 4.

9. Adeg ing nagari Ngamarta Prabu Darmakusuma, R. Arja Brataséna, R. Pintèn saha R. Tangsèn.

Suwuking gending seḍon Sastradatan.

Ginem.

Angrudatos késahipun R. Pamadi, R. Arja Brataséna kinèn angupaja, jèn tan pinanggih Nata Pandawa mung sumedya lebu tumangan. R. Arja Brataséna sagah ladjeng pangkat. Adeg sadjawining pradja Ngamarta R. Arja Ugraséna kang namur kula, dupi uninga djanma agung luhur dedeg parusa nulja pinrepekan, sareng wus satata lawan R. Arja Brataséna.

Ginem.

Takèn sangkan-parannja, R. Arja Brataséna walèh ngupaja kadang taruna. Nulja rinangkul R. Arja Ugraséna, déné kaleres pulunan prijangga, ladjeng pinintasraja, tinandjing lawan ditya Suratimantra, Sang Séna sagah, kinèn ngantjer-antjeri dununging pradja Madura, R. Arja Ugraséna linebetaken kantjing gelung, Sang Séna gja malumpat karingaken bajubadjra, ngener mring pradja Madura, Sigeg.

- X. PUTJUNG, gending rebab, dipun bukani tjeluk, ketuk, 2, kerep, kenong, 3 (4, Gong) minggah ÈSÈG-ÈSÈG, KETUK, 4.

10. Adeg ing nagari Madura Prabu Basudéwa lenggah ing pandapa, ingkang ngadep R. Arja Prabu Rukmaka, patih Saragupita.

Suwuking gangsḍa paḍet Manjura wantah.

Ginem.

R. Arja prabu Rukmaka lapur dènnja kautus mring Widarakandang, Sang Prabu lega ing panggalih niḍanget jèn R. Kakrasana diwasanipun

sambada dedeg parusa, mangkana pangudasmaring drijia : upami kapengkokipun kalijan satrija Kadipatèn Sengkapura sampun boten njumelangi.

Katungka sowanipun R. Arja Ugraséna ngirid R. Arja Brataséna, Sang Nata dahat suka mjat R. Arja Brataséna.

Ginem.

R. Arja Ugraséna lapur bilih R. Arja Brataséna punika kaleres pulunanipun pijambak, putranipun Prabu Pandu Déwanata ingkang saking kang mbok-aju Déwi Kunti, purun tinantun dados sawung, Sang Nata dahat suka mijat R. Arja Brataséna ladjeng dawuh : R. Arja Prabu kinèn maring Kadipatèn, paring uninga wus angsal sawung, sarta ngrembag pranatanipun aber-aben. R. Arja Ugraséna kinèn njugata sawung, sami matur sandika, Sang Nata gja djengkar.

XI. Sesegan RINTJIK-RINTJIK, gending-gendèr.

11. Adeg ing Kadipatèn Sengkapura, R. Arja Kangsa, kang lenggah satata kang paman ditya Suratimantra, katamuwan R. Arja Prabu Rukmaka. Suwuking gangsa sesegan ladjeng Ada-ada manjura.

Ginem.

Kautus sang Nata paring uninga wus angsal sawung, sawantji-wantji sampun kénging dipun aben, rembag ladjeng kawedalaken ing kambengan, mblabar kawat (salebeting kenteng ing alun-alun, sakiduling waringin kurung), R. Arja Prabu pamit mundur arsa tata-tata. R. Arja Kangsa dawuh dateng ingkang paman Suratimantra ladjeng medala ing kambengan, namung perangipun nganggéja gelar gora-goda, ingkang perlu angawasna manawi wonten katingal laré bulé kalijan laré tjemeng sampun ngantos gagal, ladjeng kabekuka kéwala.

Dunrodjog tanpa larapan praptanipun Togog kalijan Saraita, ngaturaken tiwasing wadya raseksa déning R. Pamadi.

R. Arja Kangsa langkung bramantya, dawuh mepak wadya raseksa, samapta sagegamaning ngajuda medal ing alun-alun, gja bidal.

(Ingkang tanpa gending namung sampak lan Ajak-ajakan).

R. Arja Kangsa manggèn pasowanan Kadipatèn, R. Arjaprabu Rukmaka, R. Arja Ugraséna miwah punggawa Madura manggèn ing Pagelaran, Prabu Basudéwa mungging sitinggil. R. Arjaprabu Rukmaka ngandika mring R. Arja Brataséna, jèn pedjah-gesangipun trah Madura gumantung asor-unggulipun Arja Brataséna, mila ajwa kurang wewéka.

Ladjeng dawuh angungelaken Kala gandjur.

Gangsa mungel lantjaran Kala GANDJUR, manawi irama sampun tamban :

R. Arja Brataséna medal ing kalangan abeksa tajungan.

Ditya Suratimantra medal animbangi abeksa ilo-ilo alelatèn madjeng migut-migut sarwi gediug-gedrag, ladjeng prang, R. Brataséna tatag-tanggon. Ditya Suratimantra tandang nubruk anggegiro sarwi nggetak-nggetak, nanging lèrès, mubeng turut pinggir kalangan, kang linirik ngupadosi tijang bulé kalijan tijang tjemeng. Sigeg.

12. Adeg ing alun-alun sadjawining pabarisan blabar kawat, R. Pamadi kadèrèkaken prepat tiga, ningali aben-aben, R. Narajana ngetutaken Retna Bratadjaja ; anggènipun ningali tansah kaling-kalingan, ladjeng Retna Bratadjaja dipun gèndongaken Sang Pamadi (katjaritakaken

pragak), sadjatosipun kaitipaken R. Pamadi, awit R. Narajana badé njelak ing kenteng, ngawasaken ingkang sami banda-juda. (Banjol adjeg).

13. Adeg R. Kangsa, R. Arjaprabu Rukmaka tuwin R. Arja Ugraséna. Ginem.

Totohanipun R. Kangsa angetohaken banda ing Kadipatèn, R. Arja prabu Rukmaka angetohaken upatjara, R. Arja Ugraséna ngetohaken djangga. R. Arja Brataséna lawan ditya Suratimantra prang ramé. Madeg R. Kakrasana ingkang ningali aben-aben, katingal ngaléla nèng pinggir kenteng, sangandaping waringin kurung. Dupi ditya Suratimantra waspada paningalé mring R. Kakrasana, tan saranta anilar mengsah, ladjeng nubruk R. Kakrasana, ginilut kinemah-kemah, teguh wantala, ginarot datan butjik, sareng kalimpé ditya Suratimantra binetot ilatnja, ndjola nggeblak pedjah sanalika.

Para wadya alok djago mati, kang matèni wong nonton.

R. Kangsa dupi mjarsa aloking djanma, énggal malumpat mring salebeting kenteng, praptaning kalangan ingkang katingal R. Kakrasana, ladjeng tinubruk dèn kempit datan saged ébah, sambat-sambat ingkang raji R. Narajana.

R. Narajana mjarsa sambating raka énggal nulungi, nanging keni sinaut R. Kangsa ugi ladjeng kinempit datan saged ébah namung kanton sama sesambat, R. Kangsa sumbar-sumbar.

Katjarita sareng ragi kendo pangrangkusing asta, R. Kakrasana èngget ladjeng ngedalaken sandjata nanggala saking asta, R. Narajana amusti sandjata tjakra, ladjeng sasarengan notjog lempèngipun R. Kangsa, sami sanalika ndarodog ladjeng antaka tan mawi sesambat.

R. Arja Brataséna uninga pedjahipun R. Kangsa sigra djumangkah arsa murina, nanging ladjeng tjinegatan R. Arja Ugraséna, winarah jèn R. Kangsa punika sadjatosipun sanès putraning Nata ing Madura, nanging pandjanmaning mengsah, déné putra ingkang saèstu inggih djanma ingkang mardjaja punika; malah jèn wadya raseksa ing Kadipatèn sami murina pedjahing gusti, ladjeng karampungana. Sang Brataséna sagah. Punggawa raseksa sami soroh amuk béla sédaning gusti, tinaadahan R. Arja Brataséna, anuk-amukan prang sampak.

14. Adeg Prabu Basudéwa mangku R. Pamadi lan Retna Bratadjaja, kaadep R. Arjaprabu Rukmaka, R. Arja Ugraséna, R. Kakrasana, R. Narajana tuwin Arja Brataséna.

Sang Nata ngendika: paring panarimah mring R. Arja Brataséna, bédjeng Pamadi djođo lan Bratadjaja, tan rinilan palakrama jèn tan antuk Pamadi. Jèn wonten kang datan ngéstockaken, dèn djabakaken darah Madura. Sinauran geter pater, ladjeng mangun suka budjana andrawina.

XII. Ladrang MANIS.

TANTJEB KAJON.

1. Ditya Suratimantra nganggé danawa raton nènèman.
2. Bagawan Padmanaba nganggé pandita Kanwa.
3. Udawa nganggé wanda Tandang (mawi djamang kalung Kebomeng-gah = pananggalan, tjana tjekak).

8. LAMPAHAN DURSASANA RABI = DURSASANA ITJAL.

Wiwit saking talu TJUTJURBAWUK, gending rebab, ketuk, 2, kerep kenong, 3 (4, Gong), minggah PARE-ANOM, ketuk, 4, kaladjengaken ladrang SRIKATON, dawah ketawang SUKMA-ILANG trus AJAK-AJAKAN MANJURA SREPEGAN dados SAMPAK.

I. KAEOR, gending gendèr, ketuk, 2, kerep, kenong 1 (2, Gong) minggah LADRANG KRAWITAN.

1. Djedjer ing nagari Ngastina Prabu Durjudana, kang lenggah satata mungwing palawanu Danghjang Durna, ingkang ngadep Patih Arja Sangkuni, R. Arja Kartanarjma, tuwin parekan.

Suwuking gending pačet nem ageng, ladjeng Ada-ada Girisa.
Ginem.

Sang Nata ngrudatos itjalipun ingkang raji R. Arja Dursasana, pinang-gihing rembag Adipati Ngawangga ingkang pantes saged ngupadosi, Patih Arja Sangkuni kadawuhan midji mangarsa Adipati Karna.

Pačet nem djugag.

Patih Arja Sangkuni medal midji sowanipun Adipati Karna.

Ladrang SOBAH.

Adipati Karna sowan ngabjantara Nata, ladjeng satata lenggah ing Pasowan.

Suwuking ladrangan pačet nem wantah.

Ginem.

Prabu Sujudana anuduh Adipati Karna, ngupaja itjalipun R. Arja Dursasana, kinantèn kurawa sagolongan tindih Patih Arja Sangkuni, aturira, ladjeng njuwun pamit, medal tata-tata.

Ada-ada Girisa.

Sang Nata ngladjengaken meling-meling mring Arja Sangkuni, gja kondur ngadaton.

Ajak-ajakan nem.

Sang Nata kèndel mirsani upa-rengganing gapura.

Ajak-ajakan kasirep tjèngkok Pandjangmas.

Suwuk tanpa pačetan.

Unduring parekan kautus paring uninga Pramèswari jèn Sang Nata kondur ngadaton.

Pačet nem djugag, Sang Nata mandjing gapura.

II. DAMAR-KÊLI, gending rebab, ketuk, 4, kerep, kenong 3 (4, Gong) minggah KETUK, 8.

2. Adeg ing kenjapuri Pramèswari Nata Dèwi Banuwati, konduring Nata, Pramèswari metuk ladjeng lenggah satata.

Suwuking gending pačet manjura ageng.

Ginem.

Danguning siniwaka, anggalih itjalipun ingkang raji R. Arja Dursasana, ladjeng matah ingkang raka Adipati Karna, ngupadosi akanti kurawa

segolongan, tinjih Patih Arja Sangkuni, Pramèswari dahat ngungun.
Sang Nata gja djengkar lenggah budjana.

Dipun sendoni Kloloran.

III. KEMBANG-TIBA, gending rebab, ketuk, 4, kerep, kenong 3 (4, Gong),
minggah KETUK, 8.

3. Adeg ing pasowanan djawi Adipati Karna, Patih Arja Sangkuni,
R. Arja Durmuka, R. Arja Kartawarma tuwin R. Tjarutjitra.

Suwuking gending sesegan ladjeng Ada-ada Girisa.

Ginem.

Ngéstockaken dawuhing Naréndra ngupadosi késahipun Arja Dursana.

Arja Kartawarma kadawuhan undang-undang tata-tata wadya badé
ndèrèk miwah sudija wahana turangga.

Ada-ada asta kuswala laras barang miring saking nem.

R. Arja Kartawarma wangsul mangarsa.

Ada-ada asta kuswala laras barang miring saking tengah.

R. Arja Kartawarma medal ndawuhaken bidalan.

Ada-ada Budalan Mataraman.

Lantjaran KEBO-GIRO gending gendèr.

Bidal kapalan, rampunging prampogan ngrata margi.

Pačet Kedu.

IV. BUDJANGGA, gending rebab, ketuk, 4, kerep, kenong 3 (4, Gong)
minggah KETUK, 8.

4. Adeg ing nagari Tasikmadu Prabu Majasadana, ingkang ngadep raji
ipé R. Djajawirata, Patih Bauwarna lawan tumenggung Djajaprewita.
Manggihi tamu saking nagari Lumadjang-séla Patih Sélarugita, kautus
ratunipun Prabu Sélakundjana, nglamar putrining Nata Tasikmadu
nami Dèwi Majangsari.

Suwuking gangsa pačet nem wantah.

Ginem.

Patih Séla-rugita ngaturaken serat panglamar, Sang Nata mangsuli ka-
dang wresni Naréndra R. Djajawirata ngadegaken sajembara ; manawi
wonten ingkang saged ngasoraken kaprawiranipun, inggih ladjeng daup
kalijan Dèwi Majangsari.

Patih Lumadjangséla kanti punggawa sami njuwun lilah natjak ngitjipi,
kalilan.

R. Djajawirata medal mring ngalun-alun, Patih mjang punggawa
Lumadjangséla nututi dadya prarg (gagal), wadya Lumadjangséla
kasor mundur ginolongan sarwi nandang brana, kabekta mantuk mring
pradjanipun.

V. LANA, gending rebab, ketuk, 2, kerep, kenong, 3 (4, Gong) minggah
KETUK, 4.

5. Adeg ing tanah sabrang nagari Lumadjangséla, Prabu Sélakundjana,
ingkang ngadep raji Nata R. Séla-prewita, Sang Nata ngrasosi dènnja

utusan mring nagari Tasikmadu, tan antara dangu Patih Sélarudit prapta.

Suwuking gending paṭet lusem.

Ginem.

Patih Séla-rudita lapur, kramanipun Dèwi Majangsari mawi sajembar ngasoraken kadang wresni Naréndra ing Tasikmadu, ingkang nam: R. Djajawirata, malah sampun natjak ngitjipi, nanging Patih Séla rudita datan kawawa.

Sang Nata sakalangkung bendu, nulja nimbali punggawa raseksa kan anggantung lampah, Patih medal mring djawi nimbali punggawa raseksa.

Ada-ada Mataraman.

Ladrang BEDAT.

Patih Sélarudita angirid punggawa raseksa ditya Kala Brekangka.

Suwuking gending sesegan ladjeng Ada-ada Mataraman.

Ginem.

Ditya kala Brekangka kautus mring pradja Tasikmadu akarjaa pasanggrahan sadjawining kiṭa, sarta jèn wonten tijang mandjing pradja kinèn mangsulaken, awit putri Tasikmadu badé kagarwa Prabu Séla-lundjana. Punggawa raseksa kalilan beḍol sakabupatèn, aturipun ditya ka'a Brekangka sandika.

Srepegan kapindjalan.

Kala Brekangka mundur, Sang Nata djengkar.

Ing pasowanan djawi Ditya Kala Brekangka, ditya Kala Gendirpendjalin tuwin Ditya Sandung-gunung.

Suwuking srepegan ladjeng Ada-ada Mataraman.

Ginem.

Sani kautus ngepang kiṭa, karja pasanggrahan sadjawining nagari Tasikmadu, kalilan beḍol sakabupatèn, Togog lan Saraita kinèn undang-undang wadya raseksa, ladjeng biḍal.

Suwuking gangsa paṭet Lindur.

Sampuning tjarita ladjeng paṭet sanga wantah.

VI. RENJEP, gending rebab, ketuk, 2, kerep, kenong, 3 (4, Gong), minggah ladrang, ÉLING-ÉLING KASMARAN.

6. Adeg ing nagari Ngamarta Sang Prabu Juḍistira, lenggah ing pandapa kalijan ingkang raji R. Arja Wrekudara, R. Arja Ardjuna, R. Arja Nangkula tuwin R. Arja Sadéwa.

Suwuking gending paṭet sanga ngelik.

Ginem.

Dènja arsa mbangun tjanḍi Saptarengga, datan antara dangu praptanipun Danghjang Durna.

Ginem.

Praptanipun Danghjang Durna saking kadjengipun pijambak (boten dipun-kèngkèn Prabu Durjudana), ngaturi uninga manawi R. Arja Dursasana sampun tigang tjandra kalenggahan punika késah tanpa paliwara, prapta samangké derèng angsal katrangan ing pundi dunung.

ipun. Déné djalaranipun késah ingkang kawahja, kapéngin rabi wida-
dari kados Ardjuna. Mila Danghjang Durna njaraja Sang Ardjuna,
ngupaja Arja Dursasana.

Sri Juðistira matur sumangga, Sang Parta sandika nglampahi ladjeng
bidal, Sang Nata djengkar.

Adeg Sang Ardjuna kadèrèkaken prepat tiga, Semar, Nala Garèng
tuwin Pétruk, gja pangkat lampahira mandjing wana, Sigeg.

VII. Lantjaran DJANGKRIK-GÈGGONG, gènding gèndèr sirep tamban,
ladjeng dados ladrang MEMBAT.

7. Adeg samadyaning wana, Raseksa punggawa ing nagari Lumadjang-
séla Kala Brekangka, Kala Gendirpendjalin lawan Ka a Sandunggu-
nung.

Suwuk sesegan ladjeng Ada-ada greget-saut sanga.

Ginem.

Dènnja arsa karja pasanggrahan nèng sadjawining pradja Tasikmadu,
praptaning wana sami bingung tan uninga prenatal. Praptanira Togog
lan Saraita, lapur wonten satrija langkung nerak pabarisan raseksa.
Punggawa raseksa sami mrepegi, sulajaning ginem ladjeng dados prang
(kembang) raseksa sirna sadaja. Togog lan Saraita mantuk lapur sirna-
nipun sadaja punggawa raseksa.

Paèt sendon bimanju trus Ajak-ajakan.

Sang Ardjuna ladjeng lampahipun, kadèrèkaken prepat tiga, Sigeg.

VIII. GÈNDJONG, gènding rebab, ketuk, 2, kerep, kenong, 3 (4, Gong), ming-
gah KETUK, 4.

8. Adeg pratapan ing Guwadumung, Begawan Ditya Budjangga, kaadep
putra Èndang Pudjasari.

Suwuking gènding Paèt Sanga wantah.

Ginem.

Èndang Pudjasari supena kapanggih Sang Ardjuna, Sang Pandita kinèn
ngupaja, Sang Pandita sagah, ladjeng mesu tjipta aneningaken tjipta
nutupi babahan hawa sanga, nuinta praptanipun Sang Ardjuna, katari-
ma ing Déwa sami sanalika Sang Parta prapta kadèrèkaken prepat
punakawan.

Ginem.

Sang Ardjuna kinèn ngabèkaken Èndang Pudjasari, na npèni ladjeng
pondongan.

Adeg Begawan Ditya Budjangga, kang anèng ngarsa R. Ardjuna lawan
Èndang Pudjasari.

Ginem.

Sang Ardjuna pitakèn murtjanipun ingkang raka R. Arja Dursasana.
Sang tapa njukani pitedah, jèn R. Arja Dursasana tapa lungkum nèng
benawi Silugangga, ing mangké wus katarima, sariranipun datan kati-
ngal, sagedipun sumerep sinung sarana manik pranawa, sarta winarah
ladjeng kinèn ngrabèkaken putri nagari Tasikmadu ingkang kinarja
sajembara.



Radèn Arja Dursasana.

Sang Parta pamit, kang garwa Endang Pudjasari binekta, linebetaken kalpika, ladjeng mangkat kaðèrèkaken prepat tiga, Sigeg.

IX. KENTJÈNG-BARONG, gending rebab, ketuk, 2, kerep, kenong, 3 (4, Gong), minggah KETUK, 4.

9. Adeg ing nagari Lumadjangséla Prabu Sélakundjana, kaaðep ingkang raji R. Sélaprewita, Patih Sélasudita.

Suwuking gending paèt sanga wantah.

Ginem.

Patih Sélarudita lapur pasanggrahan sampun paripurna, namung punggawa raseksa sami pedjah sadaja, prang kalijan satrija Madukara R. Ardjuna.

Ada-ada greget-saut.

Sang Nata sakalangkung duka, nulja dawuh samapta arsa tedak mring Tasikmadu, wadya-bala ingkang sapalih mirantos sagegamaning ngajuda, gja bidal, Sigeg.

X. Ladrang GIJAK-GIJAK.

10. Adeg nagari Tasikmadu Prabu Majasadana, kaaðep ingkang raji R. Djajawirata, Patih Bauwarna, Patih Djajaprewita.

Suwuking ladrangan paèt sanga wantah.

Ginem.

Patih lapur, Naréndra ing Lumadjangséla sampun prapta kanti wadya-bala mirantos sadedameling ngajuda, baðé nglebeti sajembara.

R. Djajawirata ladjeng kaðawuhan medali, sandika ladjeng medal ing alun-alun.

Irg alun-alun R. Djajawirata tempuk prang kalijan Prabu Sélakundjana sawadyabala sami kasoran, binantingan ladjeng sami binutjalan dawah tebih, nanging datan wonten ngemasi, Sigeg.

Wiwit santun paèt manjura.

Paèt Manjura wantah.

XI. Ladrang SUMIRAT.

11. Adeg ing benawi Silugangga, R. Arja Dursasana ingkang tapa kungkum ing toja, sarira dèn-erut lawan prabatang, lairé tapa, ing batos adjrih, marma tansah bengak-bengok, mangka dènnja tapa wus katarima, salira datan katingal, mila damel adjrihipun djanma karg sami misajaulam ing lèpèn, kinira raseksa.

Praptanipun R. Ardjuna kaðèrèkaken prepat punakawan (dènnja kapinggih R. Dursasana mawi adji Menik pranawa).

Suwuking ladrangan paèt manjura wantah.

Ginem.

R. Ardjuna njagahi mikramakaken, R. Arja Dursasana purun nglampahi, ladjeng bidal dateng nagari Tasikmadu, arsa nglebeti sajembara, Sigeg.

Trus AJAK-AJAKAN.

12. Adeg ing nagari Tasikmadu Prabu Majasadana, kaaḍep ipé R. Djajawirata, Patih Bauwarna.
Katungka praptanipun R. Adjuna, R. Arja Dursasana, laḍèrèkaken prepat tiga.

Suwuk paṭet Manjura djugag.

Ginem.

Njuwun nglebeti sajembara, Sang Nata marengaken. R. Djajawirata sawusing dinawuhan lajeng medal, R. Arja Dursasana nututi medal.
R. Djajawirata lajeng prang kalijan R. Arja Dursasana, wekasan R. Djajawirata kasor.

R. Arja Dursasana lajeng kaḍaupaken kalijan putri Tasikmadu Dèwi Majangsari; dupi arsa djinundjung Prabu Anom, lajeng walèh manawi Ari Nata binatara ing Ngastina, malah Dèwi Majangsari lajeng kasuwun dipun-bekta mantuk dateng Ngastina, Sang Nata amarengaken, lajeng sami bidal. Adegan ingkang tanpa genḍing namung Ajak-ajak n utawi sampak.

Adeg ing madyaning wana, R. Ardjuna, R. Arja Dursasana lan prepat punakawan.

Ginem.

R. Dursasana pitakèn, R. Ardjuna sagedipun madosi sariranipun punika kados pundi? R. Ardjuna matur miwiti praptèng wekasan, Dèwi Pudjasari kawedalaken saking kalpika, awit R. Dursasana arsa uninga, wusana Dèwi Pudjasari pininta R. Arja Dursasana, supados garwanipun dados kalih.

R. Ardjuna njukakaken, nanging Dèwi Pudjasari boten purun, lajeng prang, Arja Dursasana kasoran, lajeng bengak-bengok ngundamana kalijan lumadjeng. Dyan Parta dèn-lokaken ngrebat Retna Pudjasari garwanipun R. Arja Dursasana, Sigeg.

Trus AJAK-AJAKAN.

13. Adeg ing nagari Ngamarta, Prabu Judistira katamuwan Sri Kresna, ingkang lenggah satata R. Arja Wrekudara, ingkang ngadep R. Nangkula, R. Sadéwa, R. Gaṭutkatja.

Suwuk paṭet Manjura djugag.

Ginem.

Sri Kresna marah : lampahipun Sang Parta angsal damel, namung lajeng suwala, ngèngeti watak kurawa tamtu lajeng nandukaken piwales awon, mila Arja Wrekudara lawan ingkang putra R. Gaṭutkatja kinanti Sri Kresna andjampangi lampahipun Sang Ardjuna, gja bidal, Sigeg.

XII. Ladrang KANDA-MANJURA.

14. Adeg pasanggrahan sata-kurawa : Adipati Karna, Patih Arja Sangkuni, R. Durmuka, R. Kartawarna, R. Tjarutjitra.

Suwuking genḍing paṭet Manjura wantah.

Ginem.

Dènnja ngupaja Arja Dursasana dèrèng angsal titik. Dumrodjog tanpa larapan praptanipun R. Arja Dursasana, matur ngamandaka bilih garwanipun nami Retna Pudjasari karebat Ardjuna, Adipati Karna myang

Kurawa sami bramantya, ladjeng mapagaken Sang Ardjuna, dadya prang ramé, R. Parta kinarubut ing kawah.
Sri Kresna, R. Arja Wrekudara, R. Gaṭutkatja.

Ginem.

Wataking Kurawa remené karja piawon, sami kinèn tutulung, ladjeng nlabung prang, Kurawa kasor sadaja, amuk-amukan sampak.
Adeg Prabu Kresna, Arja Wrekudara, Arja Parta, R. Gaṭutkatja, ka-
aḍep prepat punakawan.

Ginem.

Kadadosan ingkang nembé kalampahan, rèhné wus sami manggih
ardja, ladjeng mangun suka.

XIII. Ladrang GINONDJING.

TANTJEB KAJON.

-
- | | |
|------------------------|---|
| 1. Prabu Majasadana, | ringgitipun : Ratu sabrang sepuh kaḍelèn. |
| 2. Prabu Sélakundjana, | „ : Ratu sabrang telengan gusèn. |
| 3. R. Djajawirata, | „ : Trimurda. |
| 4. Dèwi Majangsari, | „ : èstrèn putran aju. |
| 5. Èndang Pudjasari, | „ : èstrèn srambahan èndèl. |
| 6. Ditya Budjangga, | „ : Bagaspati. |
| 7. R. Sélaprewita, | „ : Putran lanjap. |
-

9. LAMPAHAN KUNTUL - WILANTEN.

Wiwit talu TJUTJUR, gending rebab, ketuk, 2, kerep, kenong, 3 (4, Gong) minggah PARÉ-ANOM, ketuk, 4, kaladjengaken ladrang SRIKATON, dawal ketawang SUKMA-ILANG, terus AJAK-AJAKAN MANJURA SREPEGAN dados SAMPAK.

I. KABOR, gending gendèr, ketuk, 2, kerep, kenong, 1 (2, Gong), minggal ladrang KRAWITAN.

1. Djedjer ing nagari Ngastina Prabu Kurupati, ingkang lenggah satata mungwing palowanu Danghjang Durna, ingkang ngadep patih Arja Sangkuni, R. Arja Kartawarma. Ing pagedongan sang Nata menta supena angsal wangsiting Djawata, saged unggul bratajuda sinten ing kang saged anggarwa putri ing Gendingkapitu, Dèwi Kuntul-wilanten ingkang kinarja sajembara pilih.

Suwuking gending patet nem ageng, ladjeng Ada-ada Girisa.
Ginem.

Sang Nata paring uninga dènnja supena, Danghjang Durna tuwin patih Arja Sangkuni sami mrajogekaken sang Nata anglebeti sajembara, ka-
dèrèkaken para tuwanggana (Danghjang Durna kalijan Arja Sangkuni
tuwin para sénapati (Adipati Karna tuwin Arja Djajadrata) ingkang
pinudji sang Nata sageda angsal sajembara, plèsèdipun para tuwang-
gana tuwin para sénapati.

Prabu Durjudana njondongi, Arja Sangkuni kinèn medal ing djaw
sowanipun Adipati Ngawangga.

Ladrang SOBAH.

Adipati Karna minggah mring sitinggil, ladjeng lenggah satata mung-
wing palowanu.

Suwuking ladrangan patet nem wantah.
Ginem.

Sang Nata Ngastina ngandikakaken wangsiting déwa, sarta kenteling
rembag para tuwanggana, manawi sang Adipati Karna kapurih tumu-
nglebeti sajembara, Adipati Karna matur sandika.

Ada-ada Girisa.

Adipati Karna pamit mundur arsa tata-tata.

Ajak-ajakan nem.

Sang Nata djengkar angalaton.

Sang Nata kèndel ing gapura.

Ajak-ajakan kasirep tjèngkok pandjangmas.

Suwukipun tanpa patet.

Unduring parekan.

Patet nem djugag (sang Nata mandjing gapura).

II. DAMAR-KĒLI, gending rebab, ketuk, 4, kerep, kenong, 3 (4, Gong) minggah KETUK, 8.

2. Adeg ing Kenjapuri Pramèswari metuk, ladjeng lenggah satata.

Suwuking gending patet manjura ageng.

Ginem.

Danguning dènnja lenggan siniwaka, anggalih wangsiting Déwa, bèn-
djing bratajuda saged unggul, jèn Sang Nata utawi para tuwanggana

saha para sénapati ing Ngastina salah satunggal saged anggarwa putri ing nagari Gendingkapitu kang paparab Dèwi Kuntul-wilanten; ing mangké kinarja sajembara pilih, marma Sribupati ing Ngastina kadèrèkaken para tuwanggana tuwin para Sénapati tedak mring pradja Gendingkapitu; Pramèsware dabat pangungunira. Sang Nata gja djengkar lenggah budjana.

Dipun-sendon Kloloran.

III. PRIHATIN, gending rebab, ketuk, 2, kerep, kenong, 3 (4, Gong), minggah KETUK, 4.

3. Adeg ing pasowanan djawi Patih Arja Sangkuni, R. Arja Djajadrata, R. Arja Kartawarma, R. Arja Dursasana, R. Arja Tjarutitira.

Suwuking gending sesegan ladjeng Ada-ada Girisa.

Ginem.

Patih Arja Sangkuni andawuhaken karsanipun Sri Kurupati, tedak mring nagari Gendingkapitu, nglebeti sajembara, ingkang kadawuhan andèrèk: Adipati Karna, Danghyang Durna, Patih Arja Sangkuni, Arja Djajadrata saha Arja Kartawarma.

R. Arja Dursasana sakadang sadaja tugur tengga pradja, R. Arja Kartawarma kadawuhan undang-undang pradangdosan wadya kang umiring, dawuh njudjakaken rata kantjana titihaning Sang Nata, miwah turangga tumpakanipun Patih Arja Sangkuni.

Ada-ada asta kuswala laras barang miring saking wilahan nem.

R. Arja Kartawarma wangsul ing ngarsa.

Ada-ada astakuswala laras barang miring saking wilahan tengah.

R. Arja Kartawarma medal andawuhaken bidalan.

Ada-ada budalan Mataraman.

Lantjaran KEBO-GIRO gending gendèr.

Bidal kapalan.

Prabu Durjudana, Danghyang Durna, Patih Arja Sangkuni wahana rata, prampogan ngrata margi.

Patet nem kedu.

IV. GUNTUR, gending rebab, ketuk, 2, kerep, kenong, 3 (4, Gong), minggah KETUK, 4.

4. Adeg nagari Giri-panataran, Narèndra raseksa Prabu Kala Srengga, kaadep emban raseksi Awinda lan danawa punggawa.

Suwuking gending sesegan ladjeng ada-ada Girisa.

Ginem.

Murtjaning kadang Sri Nata: Dèwi Srenggini, djalaran kasmaran pancengah Pandawa, nolja raseksi Awinda kadawuhan nimbali punggawa raseksa kang nggantung lampah badé kinèn ngupaja.

Raseksi Awinda sandika nembah ladjeng medal.

Ada-ada Mataraman.

Ladrang BEDAT.

Madjengipun punggawa raseksa Kala Pragalba.

Suwuking gangsa Ada-ada Mataraman.

Ginem.

Dawuhing Naréndra kautus ngupadosi ingkang raji Dèwi Srenggini mring laladan nagari Ngamarta, bedol sakabupatèn, datan kalilan mantuk jèn dèrèng pinanggih, ngantija plajon tijang Djawi Togog kalijan Saraita.

Punggawa raseksa matur sandika, ladjeng mundur.

Srepegan pindjalan.

Unduripun punggawa raseksa, Sang Nata ladjeng djengkar.

Trus srepegan.

Adeg ing pasowanan djawi punggawa ditya Kala Pragalba, ditya Panjarèng lawan ditya Gombak.

Sawusing ginem kautus ngupaja Dèwi Srenggini, nganti Togog lan Saraita, gja undang wadya raseksa engklèk-engklèk balung-tandak, biḍal mring tepis-wiringing pradja Ngamarta. Wonten ing margi njimpang margi.

Patet Lindur.

Sasampuning katjaritakaken ladjeng santun patet sanga.

Patet sanga wantah.

V. GANDA-KUSUMA, gending rebab, ketuk, 2, kerep, kenong, 1 (2, Gong), kapapug wadyabala Ngastina; sulajaning ginem dadya prang (gagal), panggawa raseksa kabrananging napsu, pinambengan Togog, ladjeng minggah ladrang GANDA-SULI.

5. Adeg ing pratapan Martawu, sang Resi Abyasa, katamuwan ingkang wajah Radèn Ardjuna kadè:èkaken prepat tiga : lurah Semar, Nala Garèng tuwin Pétruk, ingkang ngadep tjantrik.

Suwuking gending patet sanga ngelik.

Ginem.

Sang Ardjuna kautus Sri Jujistira ngaturi uninga Nata Pandawa saka-
dang sami supena, tembé prang bratajuda saged unggul ing djurit
manawi saged anggarwa Dèwi Kuntul-wilanten, putrining Nata ing
nagari Gendingkapitu, ingkang kinarja sajembara pilih, punika punapa
saestu wangsiting Déwa? Sang Resi dawuh saestu wangsiting Déwa,
ladjeng sami kadawuhan nglebeti sajembara, salah satunggal pundi
ingkang angsal damel, saha winarah prenahing nagari Gendingkapitu,
sarta pinaringan pangèstu.

R. Djanaka pamit wangsul mring pradja Ngamarta kalijan prepat punakawan, sampun kalilan.

Ketawang SUBAKASTAWA.

Sang Parta tumurun saking ing arga kadèrèkaken prepat tiga, ladjeng mandjing wana pringga.

VI. Lantjaran DJANGKRIK-GÈNGGONG, gending gendèr.

6. Adeg samadyaning wana tlatah ing nagari Ngamarta, punggawa raseksa ing Giripanataran, ditya Kala Pragalba, ditya Kala Banjaktjalora tuwin ditya Kala Lebing-kengking.

Suwuking gangsa sesegan, ladieng Ada-ada Greget-saut.

Ginem.

Sami bingung tan wruh prenah, dènnja ngupaja Dèwi Srenggini dèrèng angsal sesuluh babar-pisan.

Katungka praptanipun Togog lan Saraita, atur uninga wonten satrija langkung nradjang barisan raseksa. Ladjeng pinarpekan, sulajaning ginem dadya prang (Kembaing) raseksa pedjah sadaja, Togog lan Saraita lapur mring Gustinira, sinumbaran sang Ardjuna, dèn-anti nèng pradja Gèndingkapitu.

Patet sendon bimanju trus Ajak-ajakan.

Sang Parta lampahipun ladjeng mring Ngamarta, Sigeg.

VII. RENJEP, gending rebab, ketuk, 2, kerep, kenong 3 (4, Gong), minggah ladrang ÉLING-ÉLING KASMARAN.

7. Adeg ing nagari Ngamarta, Sri Juḍiṣṭira lenggah ing pandapa, manggihi Sang Prabu Harimurti, ingkang lenggah satata R. Arja Wrekudara, kaadep R. Arja Nangkula-Sadéwa.

Suwuking gangsa Sendon Rentjasih.

Ginem.

Sri Juḍiṣṭira sakadang Pandawa antuk wangsiting déwa sareng sami supena, dalah dinten wantjining sareng, mila Ardjuna tinuduh matur mring kang éjang Resi Abijasa, minta pitedah punika badé kados pundi wahananipun, Sri Kresna mangaju bagja.

Katungka praptaning Sang Parta, ngaturaken sabdaning kang éjang, ladjeng bidal sadaja dateng nagari Gèndingkapitu, angedali sajembara pilih; Sang Ardjuna kalijan Sri Kresna sami mahawan ing gagana, Sri Juḍiṣṭira linebetaken kantjing gelungipun R. Arja Wrekudara, R. Nangkula lan R. Sadéwa linebetaken ing porong, Arja Séna lumampah darat dèn-iring baju badjra, Sigeg.

VIII. Ladrang ULUK-ULUK.


8. Adeg ing nagari Giripanataran, Prabu Kala Srengga, kaadep emban Awinda lan punggawa raseksa.

Suwuking ladrangan sesegan ladjeng Ada-ada manggalan.

Ginem.

Ngraosi késahipun ingkang raji Dèwi Srenggini. Emban Awinda matur, nglapuraken punggawa raseksa ingkang tjinundaka ngupadosi sang Dèwi Srenggini, wonten ing wana kepanggih sang Ardjuna, sulajaning ginem dados prang, raseksa kasor pedjah sadaja.

Sang Nata sakalangkung bendu, warising punggawa raseksa kadawuhan anggentosaken, sarta ngandika kepanggih Retna wara Sumbadra garwanipun sang Parta, winetja ing tembé mbaboni nurunaken ingkang mengku rat Djawi, dasar warninipun aju linangkung, sang nata sakalangkung kasmaran, marma arsa njidra wara Sumbadra serana ndusta minda warna Radèn Ardjuna, ladjeng mandjing pura minda warna Ardjuna, midjil mring djawi, gja bidal mring Madukara, mahawan ing gegana. Sigeg.



Dèwi Kuntulwilanten.

IX. Ladrang GONDJANG-GANDJING.

9. Adeg ing taman Madukara, Retna Dèwi Wara Sumbadra, kaadep tjèti pawongan.

Suwuking gangsa pačet sanga wantah.

Ginem.

Sang retna ngraosi kang raka Nata ing Dwarawati, garwa padmi sampun tiga, teka mjarsa warti ing mangké tumut dateng nagari Gendingkapitu nglebeti sajembara pilih dèwi Kuntul-wilanten, manawi Sang Ardjuna punika boten langka.

Katungka praptanipun sang Ardjuna, sarèhné sanget oneng, ladjeng pondongan mring jasa-kambang. Sawusing tjarem, Retna Sumbadra ladjeng linebetaken ing kalpika, midjil ing djawi, Sang Ardjuna ladjeng mahawan ing gagana mring pradja Giripanataran.

10. Trus srepegan, Prabu Kala Srengga prapta ing Giripanataran sampun babar, ngendika sampun kalampahan tjarem kalijan Wara Sumbadra, sanget ngalembana, malah ing samangké wara Sumbadra wus kabekta nèng kalpika.

Dupi kawedalaken saking kalpika, Sang Nata sakalangkung kagjat déné kang warni Wara Sumbadra sadjatosipun ingkang raji pijambak Dèwi Srenggini, ladjeng ngrungkebi padaning raka naréndra.

Sendon tlutur.

Sang Dèwi Srenggini alara-lara karuna, sakalih-kalihipun piduwung lingsem anggalih ingkang nembé kalampahan.

Sang Nata ngendika : ing tembé sutané Dèwi Srenggini kang dènkandut punika kang males mring trah Pandawa.

Sang Prabu Kala Srengga dawuh ~~alga~~ nglurugi Pandawa kang lagja nèng pradja Gendingkapitu, wadya raseksa sapalih tengga pradja, kang sapalih samaptèng ngajuda andèrèk mring Gendingkapitu, gja bidal, Sigeg.

Pačet manjura wantah (wiwit santun pačet manjura).

X. Ladrang KANDA-MANJURA.

11. Adeg pasanggrahan sadjawining pradja Gendingkapitu : 1. R. Diwangsu, 2. R. Gagak-baka, 3. R. Dangdang-minangsi, 4. R. Podangbinorèhan, saha 5. R. Djanget-tinelon.

Suwuking gangsa pačet manjura wantah.

Ginem.

Manawi wonten datengan nglebeti sajembara, kedah kèndel sadjawining kita rumijin, madjengipun ngentosi timbalan, sasagud-saged kadadara kadibjanipun, rèhné putrining Nata namung badé sajembara kapilih, bokmanawi ingkang dipun-pilih ingkang raka kirang prawira. Inggang raji-raji sadaja najogjani, malah sami pratigja manawi wonten ingkang ngasoraken karosanipun, badé dipun ngèngèri ngantos mandjanmaa kaping sapta.

Katungka swara gumuruh praptanipun kurawa ing Ngastina, gja pinrepekan, dèn-andeg tan purun, dadya prang, kurawa kasor sadaja, binuntjang dawah tebih, ladjeng marek Sri Durjudana.

12. Adeg Sri Durjudana kaadep kurawa, sami matur dipun-wangsulaken para putra Gendingkapitu sami prawira sembada lan warnipun ratjak sami dedeg prakosa.

Katungka praptanipun sang Arja Séna uninga kadang kurawa mentas kasor banda-juda; sang Séna sagah dados pangadjeng, Nata kurawa sakadang sajuk sadaja, ladjeng biḍal.

(ingkang tanpa gending manawi sereng : sampak, jèn sarèh : Ajak-ajakan).

Prapta ing margi, Arja Séna pinapagaken putra-putra ing Gendingkapitu ngendeg lampahipun Arja Séna, sulajaning ginem dadya prang, dipun-krubut sakadang, Sang Séna panggah datan wigih, putra-putra ing Gendingkapitu kasor sadaja, ladjeng mandjing kiṭa, kurawa tut wuri.

- XI. PUTJUNG, gending rebab, dipun-bukani tjeluk, ketuk, 2, kerep, kenong, 3 (4, Gong), minggah ÈSÈG-ÈSÈG, ketuk, 4.

13. Adeg ing kenja-puri Gendingkapitu sang Prabu Djumanten lan Pramès-wari Nata Dèwi Wirasti tuwin putra Dèwi Kuntul-wilanten.

Suwuking gending paṭet Manjura wantah.

Ginem.

Dèwi Kuntul-wilanten dipun-toḍi, tékadipun boten éwah, manawi wonten ingkang nglebeti sajembara pilih, kedah tiniti linebetan guwa-garbanipun. Katungka sowanipun putra R. Diwangsu, matur jèn sang Nata Ngastina, Ngamarta tuwin Dwarawati sampun rawuh, sami sakadang arsa nglebeti sajembara. Prabu Djumanten ladjeng manggihi, midjil kalijan nganti Dèwi Kuntul-wilanten.

14. Sang Prabu Djumanten lenggah ing pandapi, ingkang ngadep tjaket putri nata dèwi Kuntul-wilanten, ing wuri R. Diwangsu, manggihi Narèndra ing Ngastina, Danghjang Durna, Adipati Karna, Patih Arja Sangkuni tuwin R. Arja Djajadrata.

Ginem.

Prabu Durjudana sakadang punika sami nglebeti sajembara.

Prabu Djumanten ngaturi katrangan, sajembara punika boten milih suwarna, nanging badé dipun-tingali salebeting guwagarba, awit punika ingkang nenarik manahipun djanma tumitah.

Winangsulan sadaja sami kaḍugi.

Dèwi Kuntulwilanten ladjeng kaḍawuhan anglekasi niti guwa-garbanipun ingkang sami nglebeti sajembara.

1. Paṭet manjura wantah; mandjing mring guwa-garbanipun Sri Sujudana, ladjeng medal matur : djembar, ananging pating blangkreh boten tata;
2. Paṭet manjura djugag : mandjing mring guwa-garbanipun Danghjang Durna, saweg nginguk ladjeng wangsul : Pandita manahipun kalih, boten prasadja;
3. Ada-ada Manjura : mandjing mring guwa-garbanipun Adipati Karna, ladjeng medal : djembar, padang, nanging kebrangasan;
4. Paṭet manjura djugag : mandjing mring Patih Arja Sangkuni namung tiningalan ladjeng wangsul : mambet kutjiwa gandanipun;

5. Ada-ada Manjura : mandjing mring guwa-garbanipun Arja Djaja drata, ladjeng medal matur ; winastan ati watu.
(sadaja tinèmpik)

Ada-ada manjura :

Naréndra Ngastina mundur palarasan datan pamit, midjil mring pangurakan, kadèrèkaken para kadang sadaja.

Nulja Sri Kresna, Arja Séna, Sang Ardjuna, R. Nangkula kalijan R. Sadéwa prapta. Kuntulwilanten ladjeng miwiti :

1. Patet manjura wantah : mandjing guwa-garbanipun Sri Kresna, ladjeng medal matur : padjar, nanging remen melèh-melèhaken.
2. Ada-ada manjura : mandjing guwa-garbanipun Sang Arja Séna, ladjeng medal matur : prajogi, nanging kau, tan mawi para-marta ;
3. Patet manjura djugag : mandjing guwa-garbanipun R. Ardjuna, medal ladjeng matur : prajogi, remen tutulung, nanging gadah watak lèmèr ;
4. Patet manjura wantah : mandjing guwa-garbanipun R. Nangkula, tuwin R. Sadéwa, medal, ladjeng matur : winastan rupak, muhung sarira prijangga.
Nulja Sri Juðistira kawedalaken saking kantjing-gelungipun R. Arja Séna.

5. Sendon Sastradatan : Dèwi Kuntulwilanten mandjing mring guwa-garbanipun Sri Juðistira, nèng nglebet guwa-garba matur ingkang rama : sunmangga kangdjeng Rama jèn karsa angjektosaken karaos kang angèl pangupajanipun.

Patet manjura djugag. Sang Prabu Djumanten tumut mandjing ing guwa-garbanipun Sri Juðistira, nanging ugi ladjeng boten medal. R. Diwangsu nguuh ingkang rama tuwin ingkang raka Dèwi Kuntulwilanten, nanging sampun boten winangsulan, ladjeng matur Sri Puntadéwa, ingkang rama kalijan ingkang raka kasuwun medalipun ; Sri Ngamarta mangsuli boten saged, avit boten saking karsanipun Sri Juðistira, nanging saking kadjengipun ingkang sami mandjing guwa-garba prijangga.

Sendon tlutur.

R. Diwangsu alara-karuna kadi wanudya, kétang tresnaning rama mjang raka.

Sri Kresna ngandika jèn wus karsaning Déwa, Prabu Djumanten lawan Dèwi Kuntulwilanten manuksma nunggil kahanan kalijan Prabu Juðistira, mila Sri Darmawangsa kéwala karengkuha kadi sudarma prijangga, déné R. Diwangsu badé kagentosaken dadya Naréndra ing Gendingkapitu, ladjeng masanggrahan salebeting pura.

15. Adeg ing pangurakan Prabu Durjudana, Danghjang Durna, Adipati Karna, Arja Sangkuni lan Arja Djajadrata mjang kurawa.
Ginem.

Angraosi Dèwi Kuntulwilanten sagedipun mandjing guwa-garba, Arja Sangkuni matur ingkang angsal sajembara Naréndra ing Ngamarta, nanging boten dados garwa, sareng putri Gendingkapitu mandjing

guwa-garbanipun Sri Puntadéwa ladjeng boten medal, malah ingkang rama dipun-aturi lebetipun Prabu Puntadéwa, Prabu Djumanten ladjeng madjing guwa-garbanipun Prabu Puntadéwa, ugi ladjeng boten medal, ing mangké nagarinipun kémawon karebat ; katjondongan Sang Nata Ngastina, kurawa kadlawuhan bidal tumandang ngrebat pradja.

Kapapagaken para putra Gendingkapitu, prang ramé, wekasan prabu Djajapitana sakadang kurawa kasor, kabuntjang ing badjra. Sigeg.

XII. Lantjaran RITJIK-RITJIK, gending gendèr.

16. Adeg sadjawining kita Gendingkapitu, Prabu Kala Srengga sawadyanira.

Suwuk sesegan ladjeng Ada-ada manjura.

prang, tinaðahan R. Arja Séna, Prabu Kala Srengga sirna sawadyanira. Ginem.

Ngupaja Pandawa mjarsa swaraning banda-juda ladjeng mangsah.

(Prang sampak amuk-amukan).

17. Adeg ing Sitibentar, para Nata Pandawa pepak, putra ing Gendingkapitu R. Diwangsu kadjumenengaken Narèndra ing Gendingkapitu, dje-djuluk Prabu Diwangsa.

1. R. Gagakbaka, 2. R. Dandangminangsi, 3. R. Poðang-binorèhan,

4. R. Djanget-tinelon, sami njuwun suwita R. Arja Wrekudara wonten ing Munggulpawenang, awit sampun sami pratignja, sinten-sinten ingkang ngasoraken karosanipun, badé dipun-suwitani ngantos mandjan-maa kaping sapta. Sri Kresna kalijan Sri Judistira sakadang sami ngostreni.

XIII. Ladrang MANIS.

Ladjeng mangun suka budjana andrawina.

TANTJEB KAJON.

Wajang ingkang dipun-anggé :

- | | | |
|------------------------|---|---|
| 1. Prabu Kala Srengga | : | danawa raton topong ; |
| 2. Dèwi Srenggini | : | danawa èstrèn (Arimbi nalika dèrèng warni djanma) ; |
| 3. Prabu Djumanten | : | ratu Sabrang lijepan ; |
| 4. Dèwi Kuntulwilanten | : | putri putran oji = lurah ; |
| 5. R. Diwangsu | : | putran lanjapan ; |
| 6. R. Gagak-baka | : |) |
| 7. R. Dandang-minangsi | : |) |
| 8. R. Djanget-tinelon | : |) punggawa Munggul-pawenang (bala-biti). |
| 9. R. Poðang-binorèhan | : |) |

10. LAMPAHAN WREKUDARA DADOS GADJAH.
(KALA - PUNDJARA).

Wiwit saking talu TJUTJUR-BAWUK gending rebab, ketuk 2, kerep, kenong 3, (4, Gong), minggah PARĒ-ANOM, ketuk 4, kaladjengaken ladrang SRIKATON, dawah ketawang SUKMA-ILANG, trus Ajak-ajakan MANJURA, SREPEGAN, dados SAMPAK.

I. AJAK-AJAKAN MANJURA, suwuk dados KRAWITAN gending rebab. ketuk 4, kerep, kenong 1 (2, Gong), minggah LADRANGAN, sléndro patet nem.

1. Djedjer ing nagari Dwarawati Sri Baṭara Kresna lenggah ing sitibentar, manggihi ingkang raka Prabu Baladéwa, ingkang ngadep R. Samba tuwin Arja Setyaki. Ing pagedongan Dèwi Wara Sumbadra dados randa, amargi R. Ardjuna dalah para kadang Nata Pandawa utawi nagari Ngamarta sirna tanpa karana, amung Dèwi wara Sumbadra ingkang taksih kanton ladjeng kondur mring Dwarawati.

Suwuking gangsa patet nem ageng ladjeng Ada-ada Girisa.

Ginem.

Sang Nata Madura dipun-kèngken Sri Durjudana angraosi Dèwi Wara Subadra, badé kaḍupaken kalijan Prabu Atmawidjaja, narèndra ing Bulukatiga, saweg suwita anjar. Sri Kresna matur sumangga, pantes ingkang raka ing Madura tumut kawogan, namung salebeting wardaja ragi èmeng.

Sendon pananggalan trus Ajak-ajakan, ladjeng sesegan.

Katjaritakaken Patih Udawa mriksa ingkang dadya gitaning Alun-alun, sawusing nampèni aturing mantri, ladju mangarsa ing ngabjantara Nata (ngundjuki uninga wonten tjaraka raseksa).

Suwuking gangsa tanpa patetan.

Unduripun Patih Udawa (badé andawuhaken madjeng ing ngabjantara Nata mring tjaraka raseksa).

Patet nem djugag.

Ladrang REMENG.

Kala Pradjaka punggawa tjaraka saking nagari Paranggumilir minggah mangarsa ing ngabjantara Nata kèrid Patih Udawa.

Suwuk sesegan ladjeng Ada-ada mataraman.

Ginem.

Kala Pradjaka kautus ratunipun Praba Kala Pundjara ing nagari Paranggumilir, ngaturaken pustaka mring Sri Kresna, katampi R. Samba, dupi binuka suraosipun : Prabu Kala Pundjara asipat dwipangga angraton raseksa ing nagari Paranggumilir angebun-ebun èndjing andjedjawah sonten, kadang ing Nata Dwarawati putri adi wulandjar kang akèkasih Dèwi Wara Sumbadra kasuwun dados titimbanganipun Prabu Kala Pundjara, manawi kaparengaken dipun-angswa radjatrana Paranggumilir, kanggé ngebaki alun-alun ing Dwarawati, Sang Nata Dwipangga namung sumangga, tan rumaos andarbèni. Déné jèn datan angsal wara Sumbadra kagarwa pradjā Dwarawati arsa kinarja karang-abang.

Ada-ada Girisa.

Sang Nata Madura dupi mjarsa suraosing pustaka sakalangkung du-
kanira, serat pinundut ladjeng sinebit-sebit, nulja angandika :

Putri Dwarawati jèn pala-krama kudu tinuku ing prang, kang lanang
jèn pala-krama anukoni prang, lan ratumu warahen, bésuk jèn ngarak
angangoa keré wadja rangkep sanga, jèn tak-tjotjog gegamanku da-
tan pasah, aku wani sak-enggoné katemu. Tjaraka pamit ladjeng
mundur.

Ada-ada Mataraman.

Sang Nata Madura pamit ladjeng bidal mring Ngastina, Sri Kresna
kurmat.

Ada-ada Girisa.

Sri Narèndra ing Dwarawati sasampuning dawuh-dawuh mring R.
Samba lawan Arja Setyaki, ladjeng kondur angadaton.

Ajak-ajakan nem.

Sang Nata kèndel ing gapura.

Ajak-ajakan kasirep tjèngkok pandjang mas.

Suwuk tanpa pačet.

Unduring parekan.

Pačet nem djugag.

II. TITIPATI, gending rebab, ketuk, 2, kerep, kenong 3 (4, Gong), minggah
KETUK, 4.

2. Adeg ing kenja-puri Pramèswari Nata Dèwi Djembawati, Dèwi Ruk-
mini, Dèwi Setyaboma, konduring Narèndra sami metuk ladjeng leng-
gah satata.

Suwuking gending pačet nem wantah.

Ginem.

Danguning siniwaka, katamuwan Sri Baladéwa dipun-kèngkèn sang
Prabu Durjudana, minta wara Sumbadra kaðaupaken kalijan Prabu
Atmawidjaja ratu ing Bulukatiga, Sri Kresna sumangga. Nulja wonten
punggawa raseksa tjaraka saking nagari Paranggumilir, utusanipun
Prabu Kala Pundjara, Narèndra asipat dwipangga, angratoni raseksa,
ugi minta wara Sumbadra kinarja Pramèswari, ingkang mangsuli Sri
Baladéwa datan kapareng. Para pramèswari, sami ngungun, tjiptaning
wardaja, Nagari Dwarawati badé dados adjanging banda-juda ; Sang
Nata gja djengkar, ladjeng lenggah budjana.

Dipun-sendon Kloloran.

III. TJAPANG, gending rebab, ketuk, 2, kerep, kenong 4 (4, Gong) minggah
KETUK, 4.

3. Adeg pasowanan pagelaran, Prabu Baladéwa, lenggah ing bangsal
Pangrawit, ingkang ngadep R. Samba, R. Arja Setyaki, Patih Pragota,
Patih Prabawa lawan Patih Udawa.

Suwuk sesegan ladjeng Ada-ada Girisa.

Ginenin.

Ngraosi teteging manahipun tjaraka raseksa, tan wandé badé rerem-
pon lawan ratu Paranggumilir, Patih Prabawa kaðawuhan tata-tata,
wadya Madura ladjeng, ingkang Sinuhun mring nagari Ngastina.

Ada-ada asta-kuswala laras barang miring saking nem.

Patih Prabawa medal undang-undang.

Ada-ada asta-kuswala laras barang miring saking tengah.

Patih Prabawa wangsul mangarsa.

Ada-ada budalan mataraman.

Patih Prabawa medal andawuhaken bidal.

Lantjaran MANJAR-SĒWU, gending gendèr.

Bidal kapalan, Sang Nata Madura nitih dwipangga, prampogan ngrata margi.

Suwuking gangsa patet Keḍu.

IV. GUNTUR, gending-rebab, ketuk, 2, kerep, kenong, 3 (4, Gong) minggah KETUK 4.

4. Adeg ing nagari Paranggumilir, Naréndra warni dwipangga djedjuluk Sang Prabu Kala Pundjara, lenggah siniwaka, kaadep Patih awarni singa, nama Kala Kampana, mjang punggawa raseksa, praptanipun tjundaka ditya Kala Pradjaka.

Suwuking gending sesegan ladjeng Ada-ada Girisa.

Ginem.

Sang Nata andangu punggawa raseksa ingkang tjinundaka mring pradjadja Dwarawati. Kala Pradjaka matur sasolahing dinuta ; Sang Nata sakalangkung duka, nulja nimbali punggawa raseksa ingkang anggan-tung lampah.

Ada-ada mataraman.

Kala Kampana medal nimbali ditya Kala Pramuka.

Ladrang MUNTJĒR.

Kala Pramuka mangarsa kairid patih Singa-kampana.

Suwuking gangsa Ada-ada Mataraman.

Ginem.

Ditya Kala Pramuka kautus mring nagari Dwarawati ngepang pradjaboten kénging djanma mandjing pradjadja, awit Sang Nata kagungan sengkeran putri kadanging Ratu Dwarawati kekasih Dēwi Wara Sumbadra, kalilan beḍol sakabupatèn, angantija Togog lan Saraita, ditya Kala Pramuka matur sandika.

Srepegan kapindjalan.

Kala Pramuka mundur saking ngarsa Nata, Sri naréndra djengkar. Ing pasowanan djawi, ditya Kala Pramuka, ditya Kala Gendingtjaluring, Kala Loṭung-loṭung.

Suwuk Ada-ada Mataram.

Ginem.

Kautus ngepang pradjadja Dwarawati, beḍol sakabupatèn, nimbali Togog lan Saraita kinèn undang wadya jaksas, ladjeng bidal. Lampahing wadya raseksa nèng margi kapapag wadya Madura, sulajaning ginem dadya prang (gagal), Nata Madura kabuntjang badjra, raseksa ladjeng lampahira.

Patet Lindur, ladjeng patet sanga wantah.



Kala Piamuka.

V. SUMEDANG, gending rebab, ketuk, 2, kerep, kenong 1, (2, Gong) minggah ladrang TJLUNTANG.

5. Adeg ing pratapan Trikantju-wangi, bagawan Sidikwitjara, kaaðep ingkang wajah bambang Gandasupena, prepat tiga Semar, Nala-Garèng, Pétruk.

Suwuking gangsa paètet Sanga ngelik.

Ginem.

Bambang Gandasupena motah takèn sudarma, Sang pancita marah : putra panengah pandawa, ing samangké pradjanira Madukara (ing Ngamarta) wus sirna dadya glagah alang-alang, amung jèn arsa kapinggih kadang-kadangira, suwiraa Naréndra ing Dwarawati ; bambang Gandasupena pamit ingkang éjang, gja biðal kaðèrèkaken prepat tiga.

VI. KAGOK-MADURA, gending buka gendèr.

6. Adeg samadyaning wana djadjahan ing Dwarawati, punggawa raseksa ing Paranggumilir, ditya Kala Framuka, ditya Kala Gendingtjaluring sobat pamatut barang, ditya Kala Lotung-lotung, samja bingung datan wruh ing prenah.

Suwuk sesegan ladjeng Ada-ada Greget saut.

Ginem.

Samja bingung tan wruh prenah, dalah Togog kalijan Saraita ugi sami bingung.

Praptanira Togog lan Saraita, ngaturi uninga pabarisan wadya raseksa katradjang lampahing satrija langkung.

Gja pinrepekan, sulajaning ginem dadya prang (kembang), raseksa sirna sadaja, Togog lan Saraita sami mundur baðé lapur.

Paètet DJINGKING, trus Ajak-ajakan sanga.

Bambang Gandasupena kaðèrèkaken prepat tiga, gja ladju lampahira mring pradja Dwarawati.

VII. SEMERU, gending rebab, ketuk, 2, kerep, kenong, 3 (4 Gong), minggah KETUK, 4.

7. Adeg ing nagari Dwarawati, Sri Baðara Kresna lenggah ing pandapi, kaaðep R. Samba, Arja Setyaki.

Suwuk paètet sanga wantah.

Ginem.

Angraosaken lalampahan boten wandé pradja Dwarawati dados adjang-ing prang.

Katungka sowanipun bambang Gandasupena, sawusing dinangu nama tuwin padununganipun ladjeng nembung njuwun suwita. Sri Kresna nampéni, ananging tinuduh ngupadosi ingkang rama : R. Ardjuna rumijin, Bambang Gandasupena sandika, ladjeng mangkat, Sigeg.

VIII. Ladrang PANGKUR.

8. Adeg ing kradèn-ajon pasanggrahanipun Naréndra ing Bulukatiga pu-

tranipun Prabu Atmawidjaja, paparab dèwi Kanékawati, kaadep omban tjèti pawongan.

Suwuking gangsa patet sanga wantah.

Ginem.

Angraosi tjaritanipun para Pandawa sami linangkung sakti mandra guna sadaja, ingkang rama badé krama Dèwi wara Sumbadra, punika punapa badé saged kalampahan?

Katungka bambang Gandasupena dateng nèng wurinja sang putri, gja pondongan, Sigeg.

Ing pandapi pasanggrahan, Prabu Atmawidjaja, kaadep Patih Djanendra njang punggawa.

Ginem.

Sang Nata angadjeng-adjeng timbalan saking Ngastina. Patih matur midanget pawarti manawi Sri Baladéwa sampun rawuh ing Dwarawati kautus Sang Nata Ngastina, nembung Dèwi Wara Sumbadra, Sri Batara Kresna ugi sampun njaosaken, namung nalika Sri Baladéwa taksih salebeting lenggah kalijan Sri Batara Kresna, wonten tjaraka raseksa saking pradja Paranggumilir, tjinundaka ratunipun warni dwipangga, apatih singa, bala raseksa, ugi neđa wara Sumbadra.

Nanging prabu Baladéwa sampun njagahi nanggulangi Naréndra Paranggumilir.

Sang Prabu Atmawidjaja dawuh samapta arsa sowan mring Ngastina, sanéga dedamel ing prang.

Datan antara praptanipun pawongan ngaturi uninga, salebeting kaputren kalebetan duratmaka amota-mota putri Nata, sang Nata ladjeng mandjing mring kradèn-ajon.

Ing kradèn-ajon Dèwi Kanékawati kang lagja papasihan lawan R. Gandasupena, mjarsa sabawaning kang rama Nata Bulukatiga, gja linabetaken ing kalpikanira Bambang Gandasupena, Bambang medal ing djawi, ladjeng prang lawan Prabu Atmawidjaja, Sang Nata tansah karépotan, wekasan bambang Gandasupena ladjeng ontjat, Dèwi Kanékawati kabekta.

Sang Prabu Atmawidjaja ladjeng biđal mring Ngastina, kebut sawadya-nira. Sigeg.

IX. LARA-LARA, gending rebab, ketuk, 2, kerep, kenong 3 (4, Gong), minggah KLETUK, 4.

9. Adeg ing padukuhan Gardapuspa, bagawan Tjipta-adi-luwih, kaadep tjantrik.

Suwuking gending sendon rentjasih.

Ginem.

Katentremaning djanma ingkang tumut dedekah, wontenipun tanem-tuwuh, amarah jèn badé wonten tamu, tjantrik kinèn anggelar-nggelari. Katungka praptanipun bambang Gandasupena kadèrèkaken prepat tiga, Sawusing binagèkaken, gya tinanja wigatiné dènnira prapta ing padukuhan, Gandapuspa. Bambang matur sadjarwa ngupaja sudarmanira panengah Pandawa, njuwun pitedah taksih gesang punapa sampun palastra, jèn taksih gesang ing pundi dunungira. Sang begawan amétangi : pedjah ; métangi malih pinanggih taksih gesang, sabdanira : ing kéné ana pandita ing gunung sama tingal, arané pandita Suma-katon,

mronoa jèn arsa katemu.
Bambang matur : jèn nagari Dwarawati arsa wonten perang, ingkang dadya rebatan ingkang ibu Retna Wara Sumbadra, marma ingkang rama jèn taksih gesang dipun-aturi kondur.
Sang bagawan ladjeng tumut mring nagari Dwarawati, ing bëndjing sagah andatengaken R. Ardjuna. Ladjeng biðal. Sigeg.
Paðet Manjura wantah. (wiwit santun paðet manjura).

X. Ladrang LIWUNG.

10. Adeg ing nagari Paranggumilir maha radja Kala Pundjara nèng pandapa kaaðep Patih Kala Kampana mjang punggawa raseksa.
Suwuk sesegan ladjeng Ada-ada manjura.

Ginem.

Angadjeng-adjeng dènnja utusan punggawa raseksa ngepang pradja Dwarawati, kadi paran pawartané. Katungka praptanira Togog lan Saraita, lapur punggawa raseksa tiwas sirna sadaja, prang lawan pranakan Pandawa, sang Nata sakalangkung duka, ladjeng undang sawadya biðal nglurug mring nagari Dwarawati, sigeg.

XI. GLIJUNG, gendhing rebab, ketuk, 2, kerep, kenong, 3 (4, Gong), minggah KETUK, 4.

11. Adeg ing nagari Ngastina Prabu Durjudana, lenggah nèng pandapa manggihi Nata ing Madura lan Prabu Atmawidjaja, kaaðep patih Arja Sangkuni saha kurawa.

Suwuking gendhing paðet Manjura wantah.

Ginem.

Sri Baladéwa matur, rembag mring Dwarawati sampun katjotjogan, nanging badé mawi mapagaken mengsah raseksa saking Paranggumilir. Prabu Atmawidjaja matur : putrinja binakta bambang Gandasupena, ngakenipun anak Djanaka. Déné bab mengsah raseksa Paranggumilir, wadya Bulukatiga boten wegah ngunduraken. Prabu Durjudana dawuh biðal sadaja mring nagari Dwarawati. Sigeg.

XII. RAMYANG, gendhing rebab, ketuk, 2, kerep, kenong, 3 (4, Gong), minggah KETUK, 4.

12. Adeg ing nagari Dwarawati Sri Batara Kresna kaaðep R. Samba, Arja Setyaki, Arja Setyaka, amanggihi bagawan Tjipta-adi-luwih, tuwin bambang Gandasupena.

Suwuking gendhing sendon Sastradatan.

Ginem.

Bambang Gandasupena lapur anggèning ngupaja ingkang rama Sang Ardjuna, dèrèng pinanggih, namung ngladosaken bagawan Tjipta-adi-luwih, punika sagah andatengaken Sang Ardjuna.
Laja sakétja imbal watjana, kasarug gègèr ing djawi praptanipun raseksa saking Paranggumilir soroh amuk, nulja pinapag Arja Setyaki, Patih Udawa, sami kasor kapratjondang. Sri Batara Kresna pasrah mring bagawan Tjipta-adi-luwih, sandika, ladjeng mangsah prang ra-

mé ; sang pandita dèn gading kontal, babar R. Ardjuna ; Sri Kresna biagah, dawuh males. Sri Kala Pundjara djinemparing kénging gadingnja kalih pisan, babar Radèn Nangkula saha Radèn Sadéwa ; djinemparing malih kénging tlalénira babar Sri Judistira ; badaning liman babar Arja Séna ; patih Singa Kampana djinemparing babar R. Gaṭutkatja.

Punggawa raseksa sirna kabuntjang ing badjra ; Sri Baṭara Kresna lenggah lawan para kadang Pandawa.

Katungka gègèring djawi praptanira Sri Durjudana lawan Nata prabu Atmawidjaja ing Bulukatiga sawadya-balanira soroh amuk, pinagolan R. Gaṭutkatja, R. Ardjuna, R. Arja Wrekudara. Nata Ngastina lawan kurawa kabuntjang ing badjra. Prabu Atmawidjaja sirna sawadyanira (prang sampak).

Sri Baṭara Kresna lawan ari Nata Pandawa sakadang kalempakan budjuna andrawina.

XIII. Ladrang MANIS.

TANTJEB KAJON.

Wajang ingkang dipun-anggé :

- | | | |
|-----------------------------|---|---------------------------------|
| 1. Prabu Kala Pundjara | : | dwipangga tjemeng. |
| 2. Patih Kala Kampana | : | sima gèmbong. |
| 3. Bagawan Sidik-witjara | : | pandita sepuh. |
| 4. Bambang Gandasupena | : | bambang srambahan (Widjanarka). |
| 5. Prabu Atmawidjaja | : | ratu sabrang sepuh lijepan. |
| 6. Dèwi Kanéka-wati | : | putri putran lanjap ; èndèl. |
| 7. Bagawan Tjipta-adi-luwih | : | pandita bagus ruruh. |